

পনেরো-আগষ্ট

ক্রীসত্যেন্দ্র নাথ ডাবা

—প্রাপ্তিস্থান—

জেনারেল প্রিন্টার্স এণ্ড পাবলিশার্স লিড
১১৯ ধর্মতলা ষ্ট্রিট, কলিকাতা

প্রকাশক
শ্রীকৃষ্ণবিহারী জানা, এম্. এ. কাব্য-ব্যাকরণজীর্ঘ
বারিষদা ।

দুই টাকা
প্রথম সংস্করণ
আখিন, ১৩৫৭

মুদ্রাকর—শ্রীম্‌বোধচন্দ্র মণ্ডল
কলকাতা প্রেস
৯, শিবনারায়ণ দাস লেন,
কলিকাতা

বক্তৃ-ক্ষয়ী সংগ্রামের,

বক্তৃ-বেখাঅঁকা,

পথ অঁকা-বঁকা,

চলে গেছে—চলিতেছে,—চলিবে সুদূরে ..

খেয়ালী পথিক এক,

অঁকে বসি' পথ-বেখা

কথা, ছন্দে, সুরে !

এই পথে,—চলে গেল —চলিতেছে—

চলিবে যাহারা,—

বম্বস মোর সবে তা'রা

তা'দের স্বরণ লাগি' —

একটি প্রণাম

হেথা রাখিলাম !!

হৃদম অন্তরের হে শাস্ত্রত ওজঃ
 ঘনাক্র কানায় তুমি,—চির-জ্যোতির্শয়
 স্বাধীনতা, নামে গরীয়সী !
 কারারুদ্ধ অন্তরের মণি কোঠা মাঝে
 ছাতি তব উঠিছে উচ্ছসি !
 স্নেহের বন্ধনে তুমি, বন্দী শুধু বন্দীব অন্তরে :
 তব ভক্তদল সবে -শৃঙ্খল ভবে
 অন্ধ কানাতলে হায়—কাটায় জীবন
 ভয়াবহ,—চির-ছাতিহীন !
 আত্মাভি দিয়ে তা'বা জিনি লয় দেশ
 মুছি' নিজ সত্ত্বা হয় অনন্তে বিলীন !
 স্বাধীনতা ! লভিয়া জনম তুমি সেই ভ্রতাসনে
 দিকে দিকে দিগাঙ্গনে—
 মুক্ত বিহঙ্গ সম পক্ষপুট মেলি'
 নিজ সত্ত্বা চরাচরে ক'র যে প্রকাশ !

* * * *

"Eternal spirit of the chainless Mind !
 Brightest in dungeons, Liberty ! thou art,
 For there thy habitation is the heart—
 The heart which love of thee alone can bind ;
 And whom thy sons to fetters all consign'd—
 To fetters, and the damp vault's dayless gloom,
 Their country conquers with their martyrdom,
 And Freedom's tame finds wings on every wind!"

—Byron

পনেরো আগষ্ট

—নাটক—

শ্রীনবকুমার গল্পাঠি

চরিত্র

পুরুষ

সমীর হাজরা

তরুণ দেশসেবক

অনিল

সমীরের বন্ধু

তপন

সমীরের বন্ধু

বরুণ রায়

পেন্সন প্রাপ্ত প্রৌঢ় ভদ্রলোক, স্বপ্নার পিতা

শঙ্কর বোস

তরুণ আবগারী দারোগা

জেল-সুপারিন্টেন্ডেন্ট

জেলার

ডাক্তার

লগন সিং

জেলখানার বৃদ্ধ সান্ত্বী

দাসু রায়

নেশাখোরদের সর্দার

১ম সহচর, নওল

আফিমখোর

২য় সহচর, ভিখনে

গাঁজাখোর

শৃঙ্খলিত রাজবন্দী চারজন (গায়ক)

প্রকৃত রাজবন্দী চারজন

সেচ্ছাসেরকর্ম

বন্ধুকারী মাস্ত্রীদ্বয়

স্বাক্ষরকারী মাস্ত্রী

অন্য মাস্ত্রীদ্বয়

চারজন

৫২০

নারী

সমীরের মা	সমীর	দেশসেবক সমীরের মাতা
সুস্বপ্না	সমীর	সমীরের শিষ্যা
রত্না	সমীর	সুস্বপ্নার কনিষ্ঠা ভগ্নী
অপর্ণা	সমীর	সমীরের ভগ্নী
সুস্বপ্নার মা		বরুণ রায়ের পত্নী
পরিচারিকা		সমীরের মায়ের পরিচারিকা
ভরতমাতা		

প্রথম অঙ্ক

প্রথম দৃশ্য

[দৃশ্যপট—বিপ্লব-অগ্নি লক্‌সক্‌ লেলিহান শিখা তুলিঘাছে ; তন্মধ্যে দাঁড়াইয়া জেল-বেশ-পরিহিত চার জন রাজবন্দী ছই হাত শেকল-বন্ধ অবস্থায় রুদ্র-রূপে সঙ্গীতের তালে তালে নৃত্য করিতেছে । দৃশ্যপট অপসারণের পূর্বে pose লইয়া বন্দীগণ দাঁড়াইয়া থাকিবে । পট অপসারণের সঙ্গে সঙ্গে নৃত্য ও সঙ্গীত আরম্ভ হইবে ।]

গান

বাজে জিজির ঐ ।

লৌহ-নুপুরে ছন্দ জেগেছে

সন্তান তোরা কই !

লেফ্‌ট্‌...রাইট্‌...লেফ্‌ট্‌...

লেফ্‌ট্‌...রাইট্‌...লেফ্‌ট্‌ ।

তালে তালে বাজে ঝিন্ ঝিন্ ঝিন্

ফ্যান্ কদম—‘আজাদ্ হিন্দ্’

ঝাঙা উঁচায়ে খাড়া ঝাধ্ শির

মুখে বল্ মাঠে !

বাজে জিজির ঐ !

লেফ্‌ট্‌...রাইট্‌...লেফ্‌ট্‌...

লেফ্‌ট্‌...রাইট্‌...লেফ্‌ট্‌...

ভয় কি বা আর—বল্ “ইন্‌ক্লাব্

জিন্দাবাদ্”—খুন খরাব,—

কলিজার খুন, জালুক আগুন

বিপ্লবী বরাভগী !

বাজে জিজির ঐ !

...লেফ্‌ট...রাইট...লেফ্‌ট

...লেফ্‌ট...রাইট...লেফ্‌ট

চলবে চল,—জন্মি চল

মুক্তির দিশা ঐ !

বাজে জিজির ঐ !

(ধবনি)

দ্বিতীয় দৃশ্য

[স্থান—জেলপ্রাঙ্গণ ; রাজবন্দী চার জন, জেল-সুপারিন্টেন্ডেন্ট, চাবুকধারী সাত্তী একজন, বন্দুকধারী সাত্তী দুইজন]

(যবনিকা অপসারণের অব্যবহিত পূর্বে ভিতরে “বন্দে মাতরম্” ধ্বনি । যবনিকা অপসারণের সঙ্গে দেখা গেল চার জন রাজবন্দী সারিবদ্ধ ভাবে জেল-পোষাকে দণ্ডায়মান । বন্দুকধারী দুইজন সাত্তী বন্দুক হাতে দুই পাশে দাঁড়াইয়া । একজন সাত্তী চাবুক দিয়া ১ম রাজবন্দীকে সপাসপ মারিতেছে । চাবুকের ঘায়ের সঙ্গে সেই রাজবন্দী যন্ত্রণাব্যঞ্জক মুখভঙ্গী করিয়া “বন্দে মাতরম্” ধ্বনি করিতেছে । সুট-পরিহিত জেল-সুপারিন্টেন্ডেন্ট তীক্ষ্ণদৃষ্টিতে সেই অভ্যচার দেখিতেছে)

(১ম রাজবন্দীকে তিন ঘা চাবুক ঐভাবে মারিবার পর)

জেল-সুপারিন্টেন্ডেন্ট—(সাত্তীর প্রতি হাত দেখাইয়া) ঠারো !

(সাত্তী চাবুক বন্ধ করিল)

(১ম রাজবন্দীর প্রতি) এখনো বল,—তোমাদের এই ধর্মঘটের কর্তা কে ?

(প্রহৃত রাজবন্দী যন্ত্রণায় ও উত্তেজনায় হাঁপাইতেছে)

(রাজবন্দীকে নিরুত্তর দেখিয়া) সমীর হাজরা ছোকরাটা যে এই ধর্মঘটের পাণ্ডা,—তা’ আর আমাদের বুঝতে বাকী নেই । তবু

পনেরো আগষ্ট

৩

তোমাদের মুখ দিয়ে শুনে চাই সে কথা। কি হে ছোকরা, এখনও বলবে না ?

১ম রাজবন্দী—না, না, কিছুতেই না।

(জেল-সুপারিন্টেন্ডেন্টের ইঙ্গিতে চাবুকধারী সাদ্রী পুনরায় ১ম রাজবন্দীকে চাবুকের আঘাত করিতে লাগিল। ১ম রাজবন্দী 'বন্দেমাতরম্' বলিয়া যন্ত্রণাব্যঞ্জক কাতরোচ্ছ্বাসে ভল্লিত হইয়া অজ্ঞান হইল)

জেল-সুপারিন্টেন্ডেন্ট—(ঝুঁকিয়া পড়িয়া তাহাকে পরীক্ষা করিয়া) দাঁড়াও, জ্ঞান হোক, আবার চাবুক লাগাবো; দেখি তোদের 'বন্দেমাতরম্' কত তোদের রক্ষা করে!

২য় রাজবন্দী—সাহেব, আমাদের উপর যত পাবেন, অত্যাচার করুন। কিন্তু 'বন্দেমাতরম্'-এর উপর অশ্রদ্ধা আমরা সহ্য করবো না!

জেল-সুপারিন্টেন্ডেন্ট—তোমার তো ভারী তেজ দেখছি ছোকরা! বলি—এ তেজ থাকবে কতক্ষণ? তুমি বলবে—ধর্মঘটের কর্তা কে?

২য় রাজবন্দী—কেন মিছে প্রশ্ন করছেন?

(সুপারিন্টেন্ডেন্টের ইঙ্গিতে বন্দুকধারী সাদ্রী বন্দুকের গুলি মারিল; ২য় রাজবন্দী যন্ত্রণাব্যঞ্জক শব্দ করিয়া ভূতলশায়ী হইয়া পরক্ষণে 'বন্দেমাতরম্' বলিয়া চীৎকার করিয়া উঠিল। সুপারিন্টেন্ডেন্ট তখন তাহাকে বুটের লাথি মারিল ও তাহার ইঙ্গিতে ২য় রাজবন্দীকে ভূতলশায়ী অবস্থায় সাদ্রী চাবুক লাগাইতে আরম্ভ করিল ও ঐ রাজবন্দী দুই-তিন বার 'বন্দেমাতরম্' ধ্বনি করিয়া অজ্ঞান হইয়া পড়িল)

(১ম রাজবন্দী সজ্ঞানে উঠিয়া বসিয়া 'জল জল' বলিয়া গোঙরাইতে লাগিল। সুপারিন্টেন্ডেন্টের ইঙ্গিতে সাদ্রী তাহাকে পুনরায়

চাবুকের ঘা দিল। ১ম রাজবন্দী 'উঃ' বলিয়া পুনরায় অজ্ঞান হইল।
২য় রাজবন্দী তখন অর্ধ চেতনা পাইয়া যন্ত্রণায় 'গোঁ গোঁ'
করিতেছে)

জেল-সুপারিন্টেন্ডেন্ট—(৩য় রাজবন্দী ও ৪র্থ রাজবন্দীর দিকে
তাকাইয়া) কি হে ছোকরা, দেখছো তো সব! এখনো ব'ল—
তোমাদের এই অনশন ধর্মঘটের কর্তা কে? নইলে এই বকম অত্যাচার
এখনি তোমাদের উপর হবে।

৩য় রাজবন্দী—আমরা তো অত্যাচারের ভয় করি না সাহেব!
আমরা তো আজ তিন দিন ধরে একই কথা বলে আসছি—জীবন
গেলেও আপনার এ প্রশ্নের উত্তর দেব না।

সুপারিন্টেন্ডেন্ট—(৪র্থ রাজবন্দীর প্রতি) কি হে ছোকরা,
তোমারও কি ঐ একই উত্তর?

(রাজবন্দী নিরুত্তর)

(৪র্থ রাজবন্দীর পিঠে স্বয়ং হাতের গুতো দিয়া) কি হে,
গুন্তে পাচ্ছে?

৪র্থ রাজবন্দী—কতবার আপনাকে এক কথার উত্তর দেব? যা'
খুশী আপনার করুন। যত পারেন, অত্যাচার চালান। তবু আপনার
প্রশ্নের উত্তর পাবেন না।

(সুপারিন্টেন্ডেন্ট কটমট করিয়া উহাদিগের প্রতি চাহিয়া অধীর
ভাবে চিন্তাশ্রিত মনে পাগলচারি করিতে লাগিল। সহসা থম্কাইয়া
দাঁড়াইয়া উভয়কে এমন বুটের লাথি মারিল যে তাহারা উভয়ে
মাটিতে লুটাইয়া পড়িল ও 'বন্দেমাতরম্' ধ্বনি করিতে লাগিল।
সুপারিন্টেন্ডেন্টের ইজিতে চাবুকধারী সাত্তী ৩য় এবং ৪র্থ রাজ-
বন্দীকে ভুলুষ্ঠিত অবস্থায় চাবুকের আঘাতে জর্জরিত করিয়া
ভুলিল। তাহারাও বায়ে বায়ে 'বন্দেমাতরম্' ধ্বনি করিতে লাগিল।

১ম ও ২য় রাজবন্দীও ঐ সঙ্গে ভুলুষ্ঠিত অবস্থায় সজ্ঞানে আসিয়া 'জল জল' বলিয়া চীৎকার করিতে লাগিল ।)

সুপারিন্টেন্ডেন্ট—বেটাৱা জল চায় ! লাগাও চাবুক !

(চাপা বিক্রপসূচক হাসি সুপারিন্টেন্ডেন্ট হাসিতে লাগিল । সাজী উহাদিগকেও চারক্ক মারিত্তে আৱক্ক ককিল । 'বন্দেমাতরম্' 'জল জল'—ঐ ধনির (উল)

[স্থান—জেলের অন্ধকারময় সেল-কক্ষ ; সমীর হাজরা সেলে আবদ্ধ]
(যবনিকা অপসারণের সঙ্গে সঙ্গে নেপথ্যে প্রথম দৃশ্যের 'বন্দেমাতরম্' ধনি ঘন ঘন শোনা যাইতেছে ! জেলের অন্ধকারময় সেল-কক্ষে বন্দী সমীর হাজরা অস্থিরভাবে পায়চারি করিতেছে—তাহার সহকর্মীগণের উপর অত্যাচার হইতেছে বুঝিতে পারিয়া । ক্ষৌরকর্ম অভাবে চাপ-দাড়িতে মুখমণ্ডল আবৃত, চোখে উজ্জ্বল দৃষ্টি ।)

সমীর—(পায়চারি করিতে করিতে অধীরভাবে উর্ধ্বপানে বাহু তুলিয়া) ^{৩ঃ—}ভগবান তুমি কোথায় ? কোথায় তোমার গায়দণ্ড ! আর কতকাল গায় দণ্ডের বিধান এড়িয়ে শয়তানরা এমনি করে অত্যাচার করে চলবে ! (দুই হাতে নিজের চুলের মুঠি ধরিয়া) বল, বল,—আর কতকাল—আর কতদূর !

('বন্দেমাতরম্' ধনি বন্ধ হইবার পর আর ধানিকক্ষণ পায়চারি করিয়া সেলের মধ্যে খাটিয়ার উপর বসিয়া পড়িল । আবার উঠিয়া ধীরে ধীরে চিন্তাশ্রিত মনে পায়চারি করিতে লাগিল । আবার বসিল । এমন সময়ে সেল-কক্ষের তালা খুলিয়া যুদ্ধ সাজী লগন সিং খাঁদ্যের থালা হস্তে প্রবেশ করিল)

লগন সিং—(সমীরের প্রতি অমুনয়ের সুরে) আপ্ খানা খা
লিজিয়ে বাবুজী ! জেল বাবুকো আডার ছায় !

সমীর—(গম্ভীর ভাবে) খানা হাম নাহি খায়েঙ্গে ; নে যাও !

লগন সিং—(অমুনয়ের ভঙ্গীতে) আপ্ খানা খা লিজিয়ে বাবুজী !
হামলোক কেয়া করেঙ্গে ! জান্তে হি ছায়—হামলোক পেটকে লিয়ে নকরী
করতে ছায় । আপ্‌কো হাল চাল সব মালুম ছায়, আপ্ তো দেশকে
রতন ছায় বাবুজী ! মুঝে তো সরকারকা হুকুম তামিল করনে হো গা ।

সমীর—নেহি নেহি—:তাম্ যাও ! তোমারা সাব্‌কো বোল দো—
হাম্ নেহি খায়েঙ্গে !

লগন সিং—(বসিয়া পড়িয়া জোড় হস্তে) খা লিজিয়ে বাবুজী !
ইস্ বুঢ়েকা কাহানা মন্ লিজিয়ে বাবুজী ! আপ্‌লোগোকে উপর কোই
অত্যাচার হামলোগ সহ্‌নেহি সক্তেই !

সমীর—(লগন সিং-এর পিঠ চাপড়াইয়া) তুম্‌ভারা বাত নে
ম্যয় বহুং খুস্ হঁ সিপাহীজী ! তোমে দুখ করনে কা কই বাত নেহি ।
দেশমাতাকে লিয়ে জীবন বলিদান দেনা ম্যয় খুসীকা চিঙ্গ সোচ্‌তা হঁ !
দেশকে হঃরক নওজোঘানও কা, বুড্‌টো সে লেকর বচ্চাতক্ দেশমাকে
মুক্তিকে লিয়ে জীবন বলিদান দেনা হি চাইয়ে ! তোমারা ভি ইয়ে ধান্
রাখ্‌কে দেশকা কাম্ করনা চাইয়ে !

(সেলের বাহিরে বুটের শব্দ শুনিয়া লগন সিং সটান উঠিয়া দাঁড়াইল
এবং পরক্ষণেই জেল-সুপারিন্টেনডেন্ট প্রবেশ করিল । লগন সিং
সেলাম দিল)

জেল-সুপারিন্টেনডেন্ট—(লগন সিং-এর প্রতি) খানা খায়া ছয় ?

লগন সিং—নেহি সাব্ ।

সুপারিন্টেনডেন্ট—(সমীরের প্রতি) কি সমীরবাবু, কেমন
আছেন এখন ?

সমীর—এই আপনারা যেমন রেখেছেন।

সুপারিন্টেনডেন্ট—অনশন ভঙ্গ করলেই তো আপন চুকে যায়।

সমীর—তা হয় না, সুপারিন্টেনডেন্ট সাহেব।

সুপারিন্টেনডেন্ট—আচ্ছা একবার শুয়ে পড়ুন। বুকটা একবার পরীক্ষা করি।

(সমীর শুইতে গিয়া কাসিয়া উঠিল ও সুপারিন্টেনডেন্ট সরিয়া দাঁড়াইল।)

সমীর—ভয় নাই, সুপারিন্টেনডেন্ট সাহেব, আপনাদের ওপব রোগে ধরবে না।

সুপারিন্টেনডেন্ট—না, না, I don't mean that. তবু সাবধানে থাকা ভাল। (সমীরের বুক ও পিঠ পরীক্ষা করিয়া) বুকের ব্যথা কি ভেমনি আছে ?

সমীর—হ্যাঁ, মনে হয় নেই রকম।

সুপারিন্টেনডেন্ট—না, বিশেষ কিছু ভয় নেই ! ও এমনি বুক ব্যথা হয়েছে। আচ্ছা, আসি এখন।

(লগন সিং মেলায় দিল, সুপারিন্টেনডেন্টের প্রস্থান)

লগন সিং—(সমীরের প্রতি কুঁকিয়া) মায় আপনকে নিয়ে কুছ কর স্মাক্তা হুঁ ? বাহার সে কুছ দাওয়াই লা হুঁ ? রুপেয়ে পয়সে কা কই জরুরং নেহি।

সমীর—(লগন সিং-এর পিঠ চাপড়াইয়া) নেহি, নেহি সিপাহীজী তুম্ যাও ! মুঝে কুছ নেহি চাহিয়ে।

(লগন সিং উদ্গত অশ্রু সামলাইয়া চক্ষু মুছিতে মুছিতে কক্ষ তালাবন্ধ করিয়া চলিয়া গেল)

চতুর্থ দৃশ্য ।

[স্থান—দেশসেবক সমীর হাজিরার বাটীর কক্ষ । সময়—সকাল ; সমীরের মা ও সুস্বপ্না চরকায় সূতা কাটিতেছে]

সমীরের মা—স্বপ্না, তোর সমীরদার কোন খবর পেলি ?

সুস্বপ্না—না কাকীমা, কোন সঠিক খবর তো পেলাম না । জেলা ম্যাজিস্ট্রেটের নামে দুটো চিঠি দিলাম ; অভিযোগ জানালাম পত্রিকা-মারফত ; তবু কোন খবর নাই । তাই তো ভাবি, এমনি অভাব অভিযোগের মধ্যে আর কতদিন তোমার চলবে কাকীমা ।

সমীরের মা—(দীর্ঘশ্বাস ছাড়িয়া) আমার নিজের জন্ম ভাবি নি স্বপ্না ! আমি এই চরকার দৌলতে ঘেমন করে হোক সূতো কেটে—সূতো বিক্রি করে আমার খাওয়া-পরা চালিয়ে নিয়ে যাব । অপর্ণার ভাবনা তো আর ভাবতে হয় না । সে সব সময় তো শস্তর-বাড়ীতেই থাকে । কিন্তু ভাবছি সমীরের নিজের স্বাস্থ্যের কথা । সেবারে জেলের অখাণ্ডের প্রতিবাদে অনশন করলে বারো দিন ; জেল গেটে তুই ও আমি দু'দিন ঘুরেও দেখা করার অসুমতিটুকু দিলে না—জেল-সুপারিন্টেন্ডেন্ট ।

সুস্বপ্না—ভেবে তুমি কি করবে কাকীমা ! দেশের বর্তমান যা অবস্থা, তা'তে সমীরদা শীগ'গির ছাড় পাবেই । তবু আমার শুধু চিন্তা হচ্ছে এই যে... (একটু থামিয়া) সমীরদা'র কোন খবর পাওয়া যাচ্ছে না কেন ? শুনেছিলাম সমীরদা কয়েদীদিগকে ক্ষাপানোর অভিযোগে না কি—তিন মাস নির্জন 'সেল'-এ রাখার কঠিন শাস্তি হয়েছে । এমন কি খবরের কাগজটুকু পর্যন্ত পড়তে দেয় না ।

সমীরের মা—(সূতা কাটা বন্ধ করিয়া উৎসুকভাবে) কই, একথা তো তুই আমায় আগে বলিস নি—স্বপ্না ?

স্বপ্না—না কাকীমা, তুমি বেশী ভাববে বলে আমি বলতে সাহস পাই নি। দু'দিন তোমায় বলি বলি করেও ফিরে গেছি। আজ যখন সমীরদার স্বাস্থ্যের কথা তুমি এমনভাবে তুললে—তখন না বলে আর চেপে থাকতে পারলাম না।

সমীরের মা—চল, আজই একবার দুপুরের গাড়ীতে মেদিনীপুর যাই। সেখানে জেলা-ম্যাজিস্ট্রেটের সঙ্গে দেখা করে সমস্ত খবর যেমন করে হোক জেনে আসবো।

স্বপ্না—তা'রও কি আমি বাকী রেখেছি কাকীমা। তোমার জানানোর পূর্বে আমি সাতদিন আগে ঐ খবর পেয়ে নিজেই গেছলাম জেলা-ম্যাজিস্ট্রেটের সঙ্গে দেখা করতে ; দেখাও হয়েছিল, তবু ম্যাজিস্ট্রেট পরিষ্কার করে কিছুই বলতে চাইলে না। শুধু এইটুকু জানালে যে, অতি শীঘ্র সমীরদা'কে মুক্তি দেওয়া হবে। তবু ঐ মুক্তি দেওয়ার খবরের পেছনে নিৰ্জন কারাবাসের দুঃসংবাদ আছে বলেই তোমায় কোন কিছু হঠাৎ জানাবার সাহস পাই নি—তুমি আঘাত পাবে বলে।

সমীরের মা—থাক স্বপ্না, এই খবরের পর আর সূতা কাটতে এখন ইচ্ছা করছে না। আমি একবার সমী'র-বন্ধুমহল থেকে গুরে আসি—ওদের কাছে কোন নতুন খবর পাই কিনা।

(চরকার সূতা হস্তে পরিচারিকার প্রবেশ)

পরিচারিকা—না মা, আজ তোমার চরকার সূতা ওপাড়ায় কেউ কিনলে না। মুদিখানাঘর আর ধার দিতে চায় না। মিনুসে বলে কি না, তিন মাস হ'ল যে লোক দশ টাকা শুধতে পারে না, তাকে...

সমীরের মা—(স্বপ্নার দিকে চক্ষুর ইঙ্গিত করিয়া ঝিমের প্রতি) থাক থাক, তোকে আর এত আজে-বাজে বকতে হবে না। তুই তোর নিজের কাজে যা।

পরিচারিকা—আজও তবে তুমি উপোস করবে তো ?

সমীরের মা—(বিরক্তভাবে) আঃ, যা না। কোন জ্ঞানই কি তোমার নেই ?

পরিচারিকা—(মাথা দোলাইয়া) যাই তবে !

(পরিচারিকার প্রস্থান)

সুস্বপ্না—আচ্ছা কাকীমা, আমি কি তোমার এত পর যে, তোমার দুঃখের এতটুকু বোঝা আমায় বইতে দেবে না ?

সমীরের মা—কি-যে বলিস পাগলী ! দুঃখ আবার কিসের ? ঐ মুখেরা ঝিয়ের কথায় কান দিস্ নি, ও ঐরকম রাত-দিন বকে।

(সুস্বপ্না চরকা ছাড়িয়া উঠিয়া সমীরের মায়ের হাত ধরিয়া)

সুস্বপ্না—কাকীমা, সমীরদা জেলে যাওয়ার আগে আমায় কি বলে গেছলো—তা কি তোমার মনে আছে ? তোমার সব ভারই তো আমায় উপর দিয়ে গেছলো ; কিন্তু তুমি কেন এমন করে আমায় দূরে ঠেলে রেখেছ ? তোমার অভাবের কথা কেন এমন করে আমায় লুকিয়ে রাখতে চাও ?

সমীরের মা—শোন, পাগলী মেয়ের কথা !

সুস্বপ্না—(সমীরের মায়ের হাত ছাড়িয়া) না কাকীমা বল তুমি এমনি করে আমায় দূরে ঠেলে রাখবে না ?

সমীরের মা—(হাসিয়া) আচ্ছা, তাই হবে যা, সমীর খবরটা নিতে চেষ্টা করি। বড্ড দেবী হয়ে গেল।

সুস্বপ্না—আচ্ছা কাকীমা, তুমি যাও, আমি এই পেন্সিটা শেষ করে তোমার পেছনে যাচ্ছি।

সমীরের মা—আচ্ছা, তাই আস।

(সমীরের মায়ের প্রস্থান)

(সুষপ্না স্ততা কাটিতে আরম্ভ করিয়াছে, এমন সময় অপর্ণার প্রবেশ)

অপর্ণা—(সুষপ্নার পাশে বসিয়া ও মুচ্কি হাসিয়া) কি খবর, সুষপ্নার স্বপ্ন সফল হ'তে আর কতদিন বাকী ?

সুষপ্না—আরে, তুমি কখন এলে অপর্ণাদি ?

অপর্ণা—আমি আজই এসেছি ভাই ! মায়ের এ কষ্ট তো আর দেখা যায় না ! দাদা জেল হ'তে কবে যে বেরুবে তাও বলা যায় না । অনেক করে, ওনাকে বলে মোটে সাতদিনের জন্ত মায়ের কাছে এসেছি । (একটু খামিয়া রহিয়াছে) এখন যা জিজ্ঞাসা করলাম, তার উত্তর কি ?

সুষপ্না—ও স্বপ্নের কথা ! তা কিসের স্বপ্ন ভাই ?

অপর্ণা—কিসের স্বপ্ন ? (সুষপ্নার চিবুকে হাত দিয়া) মিলনের স্বপ্ন গো, মিলনের স্বপ্ন !

সুষপ্না—(ভীতাভাবে এদিক ওদিক তাকাইয়া) আঃ, কি-ষে যা তা বকো অপর্ণাদি । চুপ, এই মাত্র কাকীমা ছিলেন, এখনো বোধ হয় যান নি । যদি এই কথা তাঁর কানে যায়, তবে কি ভাববেন বলা দেখি । ষাও, সব সময় তোমার ঠাট্টা ভালো লাগে না ।

অপর্ণা—ভালো লাগে ; তবু মুখে বলতে হয় 'ভালো লাগে না' ; কেমন, ঠিক কিনা ?

সুষপ্না—(অপর্ণার পিঠে ঠেলা দিয়া) আঃ, তুমি খামবে কি-না—বল দেখি ।

অপর্ণা—(গান ধরিল)

গান

রামধনুর ঐ সাতরঙা রঙ

রাঙলো কি লো মনের কোণে

বাঁশী বাজে—কা'র আশে যে

গোপন, মধুর, সজোপনে !

রাই কি আজি মান হারালো
 বিবশ তুমু, বেশ খোয়ালো
 অভিসারের এ কি ধারা
 বল সখী,—সখীর কানে !
 আসবে ওগো, আসবে প্রিয়,
 ডাকবে বঁধু, 'প্রিয়া' বলে
 রাঙা অধর রাঙিয়ে দেবে
 মোহন মধুর খেলার ছলে ।
 পদ্যবনে ভোমরা সেদিন
 'ভন্ ভন্ ভন্' বাজাবে বীণ
 'পিউ কাঁহা' ডাকবে পাখী
 সফল করে মিলন-দিনে !

অপর্ণা—(গান শেষ করিয়া) কেমন, তোর মনের কথা ঠিক ধরেছি
 কি না !

(সূক্ষপ্লা মৌনভাবে মুখ নত করিয়া রহিল)

তবে... (সূক্ষপ্লার মুখের নিকট মুখ আনিয়া চাপা গলায়) বাসর ঘরের
 দক্ষিণাটা বাদ্ দিস্ না যেন !

সূক্ষপ্লা—কি যে বল অপর্ণাদি ! (অপর্ণার দুটি হাত ধরিয়া)
 অপর্ণাদি ! আমার মনের কথা এক তুমি ছাড়া এ পর্যন্ত আর কারুর
 কাছে বলি নি । এমন কি, সমীরদাও আমার মনের কথা জানেন কি
 না,—সে বিষয়েও যথেষ্ট সন্দেহ আছে । তাইতেই তো এত ভয় !

অপর্ণা—না, জানে না ! দাদা তেমনি বোকা ছেলে কি না !
 সেবারে জেলে যাওয়ার আগে তুই যেমনি তার পায়ে ধুলো নিলি,—
 তখনই তা'র মুখের ভাব দেখেই আমি তা'র মনের কথা জেনে
 নিয়েছি ।

সুস্বপ্না—তুমি অপর্ণাদি তা' হলে মস্ত বড় এক মনোস্তম্ববিৎ পণ্ডিত বল ?

অপর্ণা—তা' যা' বলিস্ ; কিন্তু ছেলেদের মনের ভাব বুঝতে মেয়েদের মোটেই দেয়ী হয় না। তুই কি দাদার মনের কথা জানিস্ নি— ঠিক করে বল দেখি ?

সুস্বপ্না—অপর্ণাদি, অপরের বিষয় হলে হয় তো বলতাম—‘জানি’ ; কিন্তু নিজের জীবন-মরণ যে জানার উপর নির্ভর করছে তা'র সম্বন্ধে এত বড় জোর গলায় বলবার মতো সাহস যে হারিয়ে ফেলি !

অপর্ণা—তোদের ভাই সব বিষয়ে বাড়াবাড়ি ! কেন, স্বামী-স্ত্রী হয়েও কি আর দেশের কাজ করা যায় না ? বিয়ে তো এতদিন হয়েই যেতে পারতো।

সুস্বপ্না—তা' হয়তো পারতো। কিন্তু আদর্শ আগাদের অনেক খাটো হয়ে যেতো। বিশেষতঃ, দেশসেবার ব্রত সমীরণা'র কাছে গ্রহণ করে, সেই ব্রতকে পেছনে ফেলে রেখে, নিজেদের সুখকে বড় করে ধরতে গেলে সমীরণা'র কাছে অনেকখানি ছোট হয়ে যেতাম ; তাই সেকথা কোনদিন সমীরণা'কে আভাসেও জানাতে সাহস পাই নি।

অপর্ণা—তবে কি করবি—ভেবেছিস্ ?

সুস্বপ্না—আমি শুধু তাঁরই অবসরের অপেক্ষায় থাকবো। যদি দেশসেবা ব্রতের মধ্যে সমীরণা কোনদিন জীবনে অবসর পান, সেই অবসর সময়ে আমি তাঁর কাছে মাথা নীচু করে দাঁড়াবো—আমার অস্তরের পূজার অর্ঘ্য নিয়ে ; তার আগে নয়।

অপর্ণা—উঃ, কঠিন তোদের প্রাণ ! তোরা সব পারিস্।

সুস্বপ্না—(মাথা নীচু করিয়া) আশীর্বাদ কর অপর্ণাদি ! যেন এমনি করে নিজের সুখের জন্তু কখনও দেশসেবার কর্তব্যচ্যুত না হই। এখন উঠি অপর্ণাদি ; কাকীমা অনেকক্ষণ গেছেন।

অপর্ণা—চল্ যাই।

(উভয়ের প্রস্থান)

পঞ্চম দৃশ্য ।

[স্থান—বরুণ রায়ের বাটীর বৈঠকখানা ।

বরুণ রায় টেবিলের সামনে ইজিচেয়ারে বসিয়া সংবাদপত্র পড়িতে-
ছেন । চেয়ার, টেবিল, বই-এর শেল্ফ প্রভৃতি দ্বারা সাজানো
বৈঠকখানা । এমন সময় শঙ্কর বোস—তরুণ আবগারী দারোগা
প্রবেশ করিল]

শঙ্কর—(বরুণ রায়ের পদধূলি লইবার নিমিত্ত নত হইয়া)

প্রণাম কাকাবাবু !

বরুণ—(তাড়াতাড়ি সংবাদপত্র রাখিয়া) আরে কে, —শঙ্কর !
এস বাবা, এস ! (চেয়ার দেখাইয়া) ঐ চেয়ারটায় বোস ! আমি আজ
ক'দিন ধরে শুধু তোমার কথাই ভাবছিলাম ।

শঙ্কর—কেন কাকাবাবু, কোন জরুরী দরকার ছিল কি ?

বরুণ—ঐ শোন কথা ! আরে জরুরী দরকার না থাকলে কি খোঁজ
করতে নেই । সকালবেলা খবরকাগজটা পড়ার সময় কেউ না থাকলে
আমার কেমন যেন ফাঁকা ফাঁকা লাগে । কাগজওয়ালারা আজকাল
যা সব হয়েছে । যা তা' লিখে চলেছে । তা' একটু টীকা-টিপ্পনী দিয়ে
আলাপ-আলোচনা না করলে যে কাগজ পড়াই বৃথা ।

শঙ্কর—কেন কাকাবাবু, স্বপ্না দেবী, তিনি কি করেন ? আপনার
তো উপযুক্তা কণ্ঠাই বাড়ীতে আছেন । তিনি তো এ বিষয়ে খানিকটা
আপনাকে সাহায্য করতে পারেন ।

বরুণ—(একটু উত্তেজিতভাবে) আরে বল না, বল না । আমার
মেয়ের কথা আর বল না । ও হয়েছে আজকাল সব এক ধরনের !
ঐ যে স্বদেশীয় হিড়িক চলেছে—তা'তে মা, মেয়ে ওরা সব এমনি ডুবে
গেছে, যে আমি একেবারে 'একঘরে' হয়ে পড়েছি । আমায় ওরা এক
রকম আমলই দেয় না ।

শঙ্কর—না না, কাকাবাবু, এ তো ভালো কথা নয়। আপনি একজন রিটার্ড অফিসার,—পেন্সনার। আর আপনার বাড়ীতে স্বদেশীর হাজিমা। যে কোন মুহূর্তে পেন্সন বন্ধ করে দিতে পারে।

বরুণ—ই্যা বাবা, সেই ভয়ই তো সব চেয়ে বেশী। কম নয়—মাসে দেড়শো টাকা। তাতেই তো এক রকম সংসার চলে; কিন্তু তোমার কাকীমা বা মেয়েরা শোনে কোথায় বল?

(সুস্বপ্নার প্রবেশ)

সুস্বপ্না—বাবা, আপনার চা কি এখানে নিয়ে আসবো?

বরুণ—(তাড়াতাড়ি কথার সূত্র বন্ধ করিয়া) কে মা—স্বপ্না?
ই্যা মা—আমার চা-টা এখানেই দিয়ে যাও। আর সেই সঙ্গে শঙ্কর বাবাজীর জন্মও এক কাপ নিয়ে এস।

(সুস্বপ্না বিরক্তির দৃষ্টিতে শঙ্করের প্রতি তাকাইল)

শঙ্কর—না না, আমার জন্ম আবার কেন! ঠুকে বৃথাই কষ্ট দেওয়া।

বরুণ—না বাবাজী! এ আর কষ্ট কি? দু কাপ চাই নিয়ে এসো মা।

(সুস্বপ্নার প্রস্থান)

শঙ্কর—তা কাকাবাবু, ঐ যে কি বললেন, আপনার family-র কেউ আপনার কথা শোনে না।

বরুণ—ই্যা বাবা ই্যা! কথার সেই হারিয়ে ফেলছিলাম। বয়েস তো হয়েছে কি না। তাই কোন কথা আজকাল আর মনে থাকে না।

ই্যা বলছিলাম আমার ঐ মেয়ের কথা। দুঃখের কথা বলে আর লাভ কি বল বাবা। আই-এ পাস করলে গড় বছর। আমি কত সময় বলি—ও সব স্বদেশী ফদেশীতে যাস্ নি। ওতে ঝামেলা অনেক; তা ছাড়া যত সব বয়সে ছোড়ার দল রাতদিন ঐ সব নিয়ে হৈ হৈ করে; জেলও খেটে মরে, মারও খায় তেমনি। ওসব কাজে গিয়ে লাভ কি, তাই বল না। (হাত ঘুরাইয়া দুঃখের স্বরে) কিন্তু কে শোনে কার কথা!

ঐ যে ও পাড়ার সমীর হাজরা ছোকরাটা ; ঐ ওর মাথা খেলে ।
ছেলেটা এম-এ পাস বলে শুনেছি ; পড়াশুনাতেও না কি খুব ভাল ছিল ।
কিন্তু বুদ্ধিবুদ্ধি একেবারে লোপ পেয়েছে—কাজকর্মের ধারা দেখে
যা মনে হয় ।

শঙ্কর—(একটু ইতস্ততঃ ভাবে) হ্যা, কাকাবাবু, আমিও ঐ সম্বন্ধে
দু চার কথা আপনাকে বলবো বলবো ভেবেছি । কিন্তু পাছে আপনি কিছু
মনে করেন, এই ভেবে আর সে কথা তুলি নি । তবে আপনি নিজেই
যখন সে কথা তুললেন তখন অনুমতি করেন তো বলি ।

বরুণ—(আশ্চর্যান্বিত ভাবে) এ তুমি কি বলছো, বাবাজী ! তুমি
তো আমার ঘরের ছেলের মতো । বলবে,—নিশ্চয় বলবে, বল না—
কি বলতে চাইছ ।

শঙ্কর—(একটু ইতস্ততঃ ভাবে) আমি বলছিলাম কি ! (একটু
থামিয়া) বাইরেও আপনার মেয়ের সম্বন্ধে দু চারটা কানাঘুষো চলছে,
এই ধরন না, গাঁয়ের দাসু রায়, আর তার সাক্ষপাত্ত, এরাও দু দশটা কথা
হাটে বাজারে আলোচনা করছে । এটা তো খুব ভাল কথা নয় ।

বরুণ—(হো হো করিয়া হাসিয়া) আরে না, না ; আমার মেয়ে
তেমন মেয়েই নয় । ঐ এক 'স্বদেশী' ছাড়া আর কোন রোগ ওর নেই ।

শঙ্কর—আজ্ঞে হ্যা, না থাকাই তো উচিত ; আমিও সে কথা বলছি
না । তবে পাঁচজন পাঁচ কথা বলে—এটাও তো—

(কথার মধ্যে স্তম্ভপ্লা দু কাপ চা লইয়া প্রবেশ করিল)

বরুণ—নাও বাবা শঙ্কর, চা-টা খেয়ে নাও ।

(স্তম্ভপ্লা টেবিলের উপর দু কাপ চা রাখিল)

আজ বাবা যখন তোমায় পেয়েছি অন্ততঃ কিছুক্ষণ না বসিয়ে
ছাড়ছি না ।

শঙ্কর—তা' বেশ তো । আপনার সঙ্গে আলাপ আলোচনা করে
আমিও মনে খুব আনন্দ পাই ।

বরুণ—হ্যাঁ, তাই নাকি ! তা, বেশ বেশ, চা-টা খেয়ে নাও ।

শঙ্কর—(স্বপ্নার প্রতি লক্ষ্য রাখিয়া) আপনার মেয়ে স্বপ্না দেবীও তো আমাদের চায়ের আলোচনায় যোগ দিতে পারেন ।

স্বপ্না—(বিরক্তিভাবে) না, ধন্যবাদ । চা আমি খাই না ।

বরুণ—শুনলে তো বাবা, শুনলে ? আজকাল না কি স্বদেশী যুগে, চা অচল । তবে বুড়ো বাপের অভ্যাস, মেয়ে কি করে বন্ধ করে বল ।

স্বপ্না—আঃ, বাবা থামুন না । আপনার কোন স্থান কালের জ্ঞান নেই । আপনার পান রত্নাকে দিয়ে পাঠিয়ে দিচ্ছি ।

(স্বপ্নার প্রস্থান)

শঙ্কর—হ্যাঁ, যে কথা বলছিলাম, কাকাবাবু ! সমীর হাজরা ছোকরাটা তো এখন জেলে আছে । জেল হতে বেরুলে যেন গুর সঙ্গে আপনার মেয়ে কোন সম্বন্ধ না রাখে বা দেখা-সাক্ষাৎ না করে,—সেই রকম ব্যবস্থাই আপনার করা উচিত ।

বরুণ—সবই তো বুঝি বাবা ! কিন্তু আজকালের মেয়ে ; তা'র উপরে নিজে সুশিক্ষিতা ; ধরে বেঁধে তো রাখতে পারি না । তবে আমার ইচ্ছা নয় যে, স্বপ্না এ রকম পাঁচ জন ছেলের সঙ্গে স্বদেশের কাজের নাম করে টি টি করে বেড়ায় । আচ্ছা, তুমিও যখন ঐ কথা বলছো, তখন আমায় লক্ষ্য রাখতে হবে বৈকি !

(রত্না পান লইয়া আসিল)

রত্না—বাবা, আপনার পান নিন্ ।

(পিতাকে পান দিল)

(শঙ্করের দিকে পিতার অলক্ষ্যে রত্না ভেঙ্টি কাটিল)

শঙ্কর—দেখছেন কাকাবাবু, আপনার ঐ ছুট মেয়েটা আমায় কেমন ভেঙ্টি কাটছে ।

রত্না—(সাধুতার ভান করিয়া) বা রে ! আমি কখন ভেঙ্টি

কাটতে গেলাম। আপনার তো ঐ স্বভাব ; বাবার ভাগমানুষীর স্বযোগ নিয়ে যা' তা' কথা বাবার কাছে লাগান্।

বরুণ—(তিরস্কারের স্বরে রত্নার প্রতি) রত্না ! আজকাল ভারী ডে'পো হয়েছে।

(সঙ্গে সঙ্গে ছুটিয়া রত্নার প্রশ্নান)

(রত্নার কথায় শঙ্কর একটু গম্ভীর হইয়া গেল)

(শঙ্করের প্রতি) বাবাজী ! তুমি রত্নার কথায় কিছু মনে কোরো না। ও মেয়েই ঐ রকম। যা'কে যা' ইচ্ছে তাই বলে বসে। তবে মনে ওর কিছু নেই। নেহাৎ ছেলেমানুষ।

শঙ্কর—না কাকাবাবু, তা' কিছু মনে করি নি। বিশেষতঃ আপনি যখন বলছেন। আজ উঠি কাকাবাবু। আর একদিন আসবো। আমার আবার আজ একটা জরুরী তদন্ত আছে,—চোরাই আফিম বিক্রি বিষয়ে।

বরুণ—এই দেখ ভোলা মন ! একটা কথা তোমায় জিজ্ঞেস করুবো করুবো ভেবে রাখি, কিন্তু তুমি এলেই আবার সব ভুলে যাই।

শঙ্কর—কেন, কি বলুন না !

বরুণ—না, বিশেষ কিছু না। আজকাল তবে বেশ দু' পয়সা হচ্ছে।

শঙ্কর—ও এই কথা ! হ্যাঁ,—তা এক রকম হচ্ছে আপনার আশীর্বাদে। এই ধরুন না, এই আফিম চোরাই তদন্তে অন্ততঃ পাঁচ শ' টাকা উপরি আছে। মাসে বেতন তো মাত্র ১৫০ টাকা। তাকে এই রকম উপরি প্রতি মাসে দু'-একটা আছে বলে—বেশ চলে যাচ্ছে।

বরুণ—চলে যাচ্ছে কি বাবাজী ! দু' পয়সা জমছে বলা।

শঙ্কর—আজ্ঞে হ্যাঁ, তা' যা' বলেন, তবে আমার এই জমার মূল্য কি কাকাবাবু ! একা মানুষ, বাড়ীতে একা মা আছেন। মা অনেক

দিন বিয়ের কথা বলছেন। ছ' এক জায়গায় যেয়েও তিনি দেখেছেন। তবে আমি মত দিতে পারি নি।

বরুণ—(চিন্তাশ্রিত মনে দীর্ঘশ্বাস ছাড়িয়া) ছ', অনেক কিছু ভাবছি বাবা! কিন্তু কা'কে কি বলি! আর এই বুড়োর কথাও কে শোনে বল? আচ্ছা বাবা, এস! তবে বিয়ের ব্যাপারে একটু বুঝে শুনে অপেক্ষা করে করাই ভালো। তাড়াতাড়ি একটা কিছু করে ব'স না।

শঙ্কর—(দীর্ঘ উৎফুল্লভাবে) না কাকাবাবু, আপনি আমায় এত 'পর' ভাববেন না। আপনার মত না নিয়ে আমি কোন কিছুই করতে পারবো না!

বরুণ—বেশ বাবা, বেশ! তাই যেন হয়। আচ্ছা, এস বাবা, আজ আর তোমায় বেশীক্ষণ আটকাবো না।

শঙ্কর—(বরুণের পদধূলি লইতে নত হইয়া) আসি কাকাবাবু!

বরুণ—আহা! আবার প্রণাম কেন! এস, বাবা এস!

(শঙ্করের প্রস্থান)

(চিন্তাশ্রিত মনে বরুণ বসিয়া, এমন সময়ে রত্নার প্রবেশ)

রত্না—মা আপনাকে ডাকছেন!

বরুণ—(রাগত স্বরে) ডাকছেন তো আমি একেবারে কৃতার্থ হয়ে গেলাম আর কি!

রত্না—বা রে! আমায় মা ডেকে দিতে বলেন,—তাই। আমার কি দোষ?

(চেয়ার ছাড়িয়া উঠিয়া বরুণ অসহিষ্ণুভাবে পাশ্চাত্যী করিতে লাগিল এবং রত্না ঘরের এক পাশে সঙ্কুচিত ভাবে দাঁড়াইয়া সেল্ফের একটি বই নাড়াচাড়া করিতে লাগিল)

বরুণ—(পাশ্চাত্যী করিতে করিতে স্বগত) মেয়েটাকে এত করে বললাম,—ঐ সমীর ছোকরা-টোকরার সঙ্গে মিশিস নি। তা' কে কা'র

কথা শোনে ? ‘স্বদেশী’ করে আমার একেবারে উদ্ধার করে দেবেন ।
এদিকে যে মেঘের বিয়ের বয়স পেরুতে চললো—সেদিকে হুঁস্ নেই ।
একটা পয়সা তো পুঁজি নাই—যা’তে কোন ভাল পাত্রের সঙ্গে মেঘের
বিয়ে দিই । তা’তে আবার শঙ্করের মতো এমন ভাল পাত্রও না
মেঘের পাগলামীর জন্ত হাতছাড়া হয়ে যায় ! যাক্ গে, আমার কি !

(বরুণের প্রস্থান)

(পিতার বহির্গমনের পর রত্না একটি গানের কলি আপন মনে
ভাঁজিতে ভাঁজিতে টেবিল, চেয়ার, সেল্ফ প্রভৃতি ঝাড়ন দ্বারা
ঝাড়িতে লাগিল)

(সুস্বপ্নার প্রবেশ)

সুস্বপ্না—রত্না, আমার সেলাইয়ের বইটা দ্যাখ্ তো,—এখানে কেলে
গেছি কিনা । ও ঘরে খুঁজে পাচ্ছি না ।

রত্না—দিদি, শোন, শোন । একটা খুব গোপনীয় কথা আছে ।

(এই বলিয়া সুস্বপ্নাকে টানিয়া আনিয়া একটি চেয়ারে বসাইল
ও নিজে চেয়ারের হাতলের উপর বসিল)

সুস্বপ্না—(একটু বিস্ময়ান্বিত ভাবে) কি গোপনীয় কথা বে ?

রত্না—(চাপা গলায়) শুনেছো, বাবা মনে মনে ঐ শঙ্করবাবুর সঙ্গে
তোমার বিয়ের ঠিক করেছেন ।

সুস্বপ্না—তুই কি করে জানলি ?

রত্না—বাবা আপন মনে গজ গজ করতে করতে তো সেই কথাই
বলে গেলেন । আর ঐ শঙ্কর লোকটার কথাবার্তার হাবভাবেও কি
একটা বদ মতলব আছে, তা’ আমি কিছুদিন থেকে লক্ষ্য করছি ।

সুস্বপ্না—তাই ঐ লোকটা আজ একমাস হ’ল আমার বিব্রত করে
তুলেছে । আমিও ভাবি,—এত সাহস ওর হয় কি করে !

রত্না—দিদি, ও তুমি কিছু ভেবো না! আমি সব বেফাঁস করে দেব।

(সুষ্পার মায়ের প্রবেশ)

সুষ্পার মা—তোরা সব এখানে কি করছিস্? সমী'র মা একবার যে তোকে ডেকে পাঠিয়েছেন স্বপ্না!

(সুষ্পা চেয়ার ছাড়িয়া উঠিল)

সুষ্পা—বেলা তো হয়ে গেল। একেবারে খাওয়া-দাওয়া সেবে ধাবো'খন।

(সুষ্পা চিন্তিতমনে জানালার নিকট দাঁড়াইল)

রত্না—মা শুনেছ, বাবা ঐ শঙ্করবাবুর সঙ্গে দিদির বিয়ের সম্বন্ধ করছেন।

সুষ্পার মা— তাই না কি? কে বললে তোকে?

রত্না—আমি বাবাকে তো সেই কথাই বলতে শুনলাম।

সুষ্পার মা—এ তো ভাল কথা নয়। ছেলেটার হাবভাব দেখে মনে হয়, ঐ রকম একটা কিছু মতলবেই সে এই বাড়ীতে যাতায়াত করে। এর একটা বিহিত তো তবে করতে হয়! তোরা আয়,— আমি এখন যাই।

(সুষ্পার মায়ের প্রস্থান)

রত্না—দিদি, মার কানে যখন তুলে দিয়েছি, তখন আর কোন ভয় নেই। মাকে ছাড়িয়ে যে বাবা কিছু করতে পারবেন,—তা' মনে হয় না।

সুষ্পা—তুই আয়, আমি গেলাম।

(সুষ্পার প্রস্থান ও তৎপশ্চাতে রত্নার প্রস্থান)

দ্বিতীয় অঙ্ক

প্রথম দৃশ্য

[দাসু রায়ের গৃহের দাওয়া ।]

(দাসু রায় হুঁকা হস্তে এবং তার দুইজন সহচর দাওয়ায় বসিয়া জটলা করিতেছে । ১ম সহচর মণ্ডল আফিডের নেশায় ঝিমাইতেছে । ২য় সহচর ভিখনে হাতে গাঁজার পাতা ডলিতেছে)

দাসু রায়—(জোরে হুঁকায় দুটি টান দিয়া ও ধোঁয়া ছাড়িয়া এবং একটু মুচকি হাসিয়া) বলি শুনেছ কিছু ?

২য় সহচর ভিখনে—আমায় বলছ মোড়লদা' ?

দাসু রায়—আরে তোমায় বলছি না তো কী ঐ বেটা চশমখোরকে বলছি ? দেখছো না আফিডের নেশায় কেমন ঝিমুচ্ছে ? ব্যাটার কোন দিকে হুঁস নাই—আফিম এক-আধ ছিলিম কোথায় মিললো তো বাসু ত্রিভুবন সংসার সব ভুলে বেটা ঝিমুতে লাগলো । এদিকে গাঁয়ের খবরা-খবর রাখার কোন বালাই নাই । (১ম সহচরকে একটি ঠেলা দিয়া) আরে ও মণ্ডল, বলি শুনেছো ?

১ম সহচর—(ঝিম্যানোর মধ্যে ঠেলার চোটে পতনোন্মুহ হইয়া সামলাইয়া লইয়া) আমায় কি কিছু—

(পুনরায় ঝিমাইতে লাগিল)

দাসু রায়—দেখ, ব্যাটার রকম-সকম দেখ ! যত সব গাঁজাখোর, আফিমখোর গাঁয়ে ভিড় জমিয়েছে । দেবো সব গাঁ হতে বের করে ।

২য় সহচর—(গাঁজা ডলিতে ডলিতে) মাইরি মোড়লদা', ঐ আফিমখোরটাকে তুমি যা ইচ্ছে তা বল, কিন্তু গাঁজার নামে যা তা বলো না বলছি । যার স্বাদ তুমি এখন নিজে বোঝ না তার সম্বন্ধে তুমি বলতে যাও কোন্ সাহসে ?

দাসু রায়—(রাগত স্বরে) দ্যাখ, ভিখনে তুই তো বড্ড বাড়

বেড়েছিস। আমি গাঁয়ের মোড়ল তা' জানিস্ ? তোদের সঙ্গে মন খুলে ছুঁ-চার কথা বলি বলে তোরা আমায় মোড়ল বলে মানবি না ? এত বড় বেয়াদবী আমি কিছুতে সহ্য করব না তা' বলে দিচ্ছি।

(এই বলিয়া উত্তেজিত ভাবে ঘন ঘন হাঁকায় টান দিতে লাগিল)

১ম সহচর—(আফিমের নেশা জড়িত ভাবে বলিল) এত গোল-মাল কিসের ?

২য় সহচর—(মাথা চুলকাইয়া) দাসুদা' রাগ করলে মাইরি ? না মাইরি, আমি অত শত ভেবে কোন কথা বলিনি। তুমি মাইরি আমার গাঁজার নামে কড়া কথা বললে ! তাই আমার মাথায় হঠাৎ রক্ত চড়ে উঠলো ! আচ্ছা নাও, নাও, তুমি হাঁকা টানো ! (এই বলিয়া হাঁকোর মাথায় কঙ্কের আঙুনে ফুঁ দিতে লাগিল ।)

দাসু রায়—(হাঁকা হইতে মাথা তুলিয়া ও এক গাল হাসিয়া) হে হে—তাই বল, তোরা কি আমার অসন্মান করতে পারিস্ ? আমার সাত পুরুষ এই গাঁয়ে মোড়লী করে আসচে—আর আমি এই আট পুরুষে পড়েছি, বনেদী মোড়ল আমি, আমার সঙ্গে চালাকি করলে চলবে কেন বাপু ! আরে সেই আফিমের ছোকরা দারোগাবাবুটি পর্যন্ত—!

(কথা শেষ হইবার পূর্বে ২য় সহচর বলিল—)

২য় সহচর—ও মোড়লদা, আরে সেই দারোগাবাবু আসে যে—!

দাসু রায়—(সম্ভ্রান্তভাবে) আঁ, তাই নাকি ? আরে শুনে-টুনে ফেললে না তো ? এ হে হে আজকাল মন খুলে ছুঁ কথা কইবারও জায়গা নাই দেখছি।

(শব্বরের প্রবেশ। দাসু ও ২য় সহচর উভয়ে একসঙ্গে উঠিয়া শব্বরকে অভিবাদন জানাইল এবং ২য় সহচর সেই সঙ্গে ১ম সহচরকে ঠেলিতে লাগিল)

শব্বর—কিরে তোরা সব এমন সময় এখানে আজ্ঞা অমিষেছিস্

কেন ? আজ আবার কোথায় চোরাই গাঁজা আফিমের আড্ডার সন্ধানে ফিরছিস না কী ?

১ম সহচর—(টলিতে টলিতে উঠিয়া দাঁড়াইয়া চক্ষু রগড়াইতে রগড়াইতে) আঃ একটু আফিমের নেশায় ঝিম্বো তাতেও শাস্তি নেই ।

২য় সহচর—বিপদে ফেললে রে, বিপদে ফেললে ।

শঙ্কর—(হাসিতে হাসিতে) আরে তোরা যে ধর্মপুত্র নস্ তা' আমার অনেক দিন আগে জানা আছে । তা একটি কাজ কর দেখি । তোদের দ্বারা কাজ পাই বলেই ত তোদের যত বদমাসী দেখেও দেখি না ।

দাসু রায়—(কৃতজ্ঞতায় হাত কচলাইতে কচলাইতে) আজ্ঞে তা' যা বলেছেন দারোগা সাহেব, আপনার রূপায় ত আমরা বেঁচে আছি ।

শঙ্কর—(গম্ভীর হইয়া) দাঁড়া, শোন ।

(দাসু ও তাহার দুই সহচর উৎকর্ণ হইয়া শঙ্করের দিকে তাকাইয়া রহিল ।) (একটু চাপা-গলায়) একটি কাজ করতে হবে ।

দাসু রায়—আজ্ঞে, বলুন ।

শঙ্কর—আরে এই তোদের গাঁয়ের বরুণবাবুকে জানিস্ তো ?

দাসু—আজ্ঞে হ্যাঁ, একেবারে মাটির মানুষ !

শঙ্কর—(ধমক দিয়া) থাম ! কথা শেষ না হতেই একেবারে সোহাগে ভেঙ্গে পড়লেন ।

দাসু—(সঙ্গতভাবে) মাপ করবেন হুজুর ! আজ্ঞে কি বলছিলেন বলুন ।

শঙ্কর—হ্যাঁ শোন, ঐ বরুণবাবুর একটি মেয়ে আছে জানিস্—যে স্বদেশী-ফদেশী করে বেড়ায় ?

দাসু—(একগাল হাসিয়া) তা আর জানিনে হুজুর ! (গম্ভীর হওয়ার ভান করিয়া) ওরে স্বাপ, তার যে দাপট । তার দাপটে তো

আমাদের গাঁজা আফিম পাওয়া—(২য় সহচর ঠেলা দিতেই গোপনীয় কথা বলিয়া ফেলিয়াছে বলিয়া সম্ভবভাবে খামিয়া গেল ।)

শঙ্কর—আঃ দাসু, আমি তো তোদের নির্ভয় দিখেই বেখেছি । কবে, কোন্, কোথায় তোদের,—গাঁজার জন্তে পুলিশে চালান দিয়েছিলাম বলে কি বরাবরই দিতে হবে ? সে ভয় তোদের কিছু নেই ।

দাসু—(উৎফুল্ল হইয়া) বাসু তা' হলেই হ'ল । ই্যা, যা বলছিলাম, সেই ডাগর মেয়েটি স্বপ্না না, ঐ ধরণের কি তার নাম—তার দাপটে তো গ্রামে চোরাই গাঁজা, আফিম, বা মদ পাওয়া একেবারে বন্ধ হয়ে যাচ্ছে । তার সঙ্গে আরও দু' একটি স্বদেশী ছুঁড়ি ঘুরতে আরম্ভ করেছে । তবে ই্যা, চেহারা বলতে হবে । (মাথা চুলকাইয়া) তা' দারোগাবাবু যদি কিছু মনে না করেন, আপনার সঙ্গে কিন্তু বেশ মানায় । (বলিয়া দাসু হাসিতে লাগিল)

শঙ্কর—আরে সেইজন্য তো বলছি তোদের একটি কাজ করতে হবে ।

২য় সহচর—আজ্ঞে হজুর, কি করতে হবে তাই বলুন না । আমরা তো আপনার কেনা-গোলাম হয়েই আছি ।

শঙ্কর—শোন, ঐ মেয়েটির নামে হাটে-বাজারে বদনাম ছড়াতে হবে । সমীর বলে যে স্বদেশী ছোঁড়াটা ঐ পাশের পাড়া হতে 'জ্বলে গেছে—চিনিস তো ?

১য় সহচর—(নাকি সুরে) এজ্ঞে, তা' আর চিনিনে ? সেই বেটা তো সেবার খবর দিয়ে আপনার কাছে আমায় খরিয়ে দিয়েছিল ।

শঙ্কর—তবেই তো ঠিক হয়েছে । তাকে এবার জব্দ করবার ফন্দি বাৎলে দিচ্ছি ।

দাসু ও ২য় সহচর—(সোৎসাহে সম্বরে) বেশ হবে, দারোগা সাহেব, বেশ হবে । কি করতে হবে তাই বলুন ।

শঙ্কর—ঐ সমীর ছোঁড়াটার সঙ্গে যে এই মেয়েটির চরিত্রদোষ ঘটেছে—তা' হাতে-বাজারে রটাতে হবে।

দাসু—(এক গাল হো হো করিয়া হাসিয়া) ও এই কথা। এ তো অতি সহজ কাজ। তা' এই বসতে আপনি—দারোগা সাহেব এত সঙ্কোচ করেন কেন ? তবে ই্যা, ছিলিম কয়েক আমাদের নেশা করে নিতে হবে।

শঙ্কর—(সোৎসাহে দাসুর পিঠ চাপড়াইয়া) আরে নেশার খরচ আমি দচ্ছি। এই নাও।

(দশ টাকার একখানি নোট দাসুকে প্রদান ; দাসু তাহা সানন্দে গ্রহণ করিয়া ট্যাকে গুঁজিল এবং তাহা দেখিয়া ১ম ও ২য় সহচর দাসুর প্রতি বিরূপ ভাবাপন্ন হইয়া চোখের ইঙ্গিত করিতে লাগিল।)

শঙ্কর—তবে কাজটা ঠিকমত হওয়া চাই। হাতে-বাজারে গল্পের ছলে প্রচার করতে হবে যে—জেলে যাওয়ার আগে ঐ মেয়েটির সঙ্গে সমীর ছোকরার চরিত্রদোষ ভয়ানক ঘটেছিল।

দাসু—আঃ দারোগাবাবু, খামুন না। আমরা পাকা জহুরী। একবার একটু ঐ যে কি বলে হিষ্টি...

শঙ্কর—Hint.

দাসু—ই্যা, ই্যা একটু হিষ্টি দিলেই আমরা কাজ বেশ গুছিয়ে করে নিতে পারি। কি বলিস্ রে তোরা।

২য় সহচর—আজ্ঞে তা' পারি। তবে (দাসুর ট্যাক দেখাইয়া) ঐ থেকে আমাদের কিছু—

শঙ্কর—আরে ই্যা—ওতো তাদের তিনজনকে দিলাম। (দাসু একটু মুখ শুকনো করিয়া তাকাইল।)

২য় সহচর—(সোৎসাহে) ব্যস্, ব্যস্। আর কিছু আপনাকে বলতে হবে না দারোগাসাহেব, আপনি এবার নিশ্চিন্তে যান। সাতদিন পর এসে দেখবেন সারা গাঁ একেবারে টি টি পড়ে গেছে।

শঙ্কর—বেশ তাই ঘেন হয়—এর ডবল বক্‌সিন্‌ পয়ে পাবি।

দাসু—আজ্ঞে, সে কিছু বলতে হবে না। দেখে নেবেন একবার।
আমার নাম দাসু রায়। সাত-পুরুষ ধরে মোড়লী করছি।

শঙ্কর—আচ্ছা আমি তবে এখন আসি। (প্রস্থানোদ্যত)

দাসু—(প্রণাম করিয়া) পেরাম দারোগাসাহেব। (অন্ত দুই
সহচরও প্রণাম করিল।)

(শঙ্করের প্রস্থান ; দাসু তখন পুনরায় দাওয়ার বসিয়া হুঁকা
টানিতে লাগিল।)

১ম ও ২য় সহচর—(সম্বরে) মোড়লদা, ঐ নোটটা এইবারে
ভাঙ্গিয়ে ফেলি চল !

দাসু—(মুখ ভেঙ্‌চাইয়া) ওঃ তোদের যে আর একদণ্ড দেবী সম
না দেখছি। বলি ঐ টাকা আদায় করলে কে ? সাত-পুরুষ ধরে মোড়লী
করাছি বলেই ত এই হাড়ে আফিমের দারোগার কাছ থেকেও টাকা
আদায় করবার দেমাকু রাখি। আনু দেখি পাঁচ-সাত গাঁ খুঁজে এমন
একটি মোড়ল !

২য় সহচর—মাইরী তা' যা বলেছো মোড়লদা ! তবে কিনা টাকা
পয়সার ব্যাপার ; হিসেব-নিকেশ যত শীগ্‌গির চুকে যায় ততই ভাল।

১য় সহচর—(মাথা নাড়িয়া) হ্যা ঠিক ঠিক।

দাসু—(উভয়ের দিকে তাকাইয়া) বাঃ যে ! এ যে চোরের সাক্ষী
মাতাল—উনি কথা না বলতে বলতে ইনি মাথা নাড়তে আরম্ভ
করেছেন।

২য় সহচর—না মাইরী মোড়লদা, আমাদের ফাঁকি দিও না বলছি।
তাহলে ভাল হবে না। দারোগাবাবুকে শেষকালে—

দাসু—আরে ধ্যৎ—তোদের ফাঁকি দেব কেন ? তবে আমি মোড়ল
কি না—আর টাকাটাও বের করেছি আমি—কাজেই আমি টাকাটা
এক ভাগ বেশী পাবো।

১ম ও ২য় সহচর—(সম্বরে) তা তুমি নাও মোড়লদা, তবে যোল
আনা ফাঁকি দিও না।

দাসু—বাসু—তা হলেই হ'ল। তবে এখনি বাজারে চল, ভাগ
করে নিচ্ছি।

১ম ও ২য় সহচর—চল—মোড়লদা—

দাসু—হ্যা—তাই চল।

দ্বিতীয় দৃশ্য

[স্থান—জেলের মধ্যে জেল-সুপারিন্টেনডেন্টের খাসকামরা ;
জেল-সুপারিন্টেনডেন্ট চেয়ারে বসিয়া টেবিলের উপর রক্ষিত
কাগজপত্র দেখিতেছে। এমন সময় সিপাহী প্রবেশ করিয়া একটি সেলাম
করিয়া একটি কার্ড তাহার হাতে দিল।]

সুপারিন্টেনডেন্ট—বাবু কো বোলাও। (সিপাহী বাহির হইয়া
গেল ও পরক্ষণেই শঙ্কর ঘরে ঢুকিল)

শঙ্কর—Good morning sir !

সুপারিন্টেনডেন্ট—Good morning (চেয়ার দেখাইয়া) বসুন।
আপনি কি Excise Inspector—যা কার্ডে লিখেছেন ?

শঙ্কর—আজ্ঞে হ্যা sir,

সুপারিন্টেনডেন্ট—আপনার কী দরকার বলুন।

শঙ্কর—আজ্ঞে সমীর ছোকরাটা তো আপনার জেলেই আছে।

সুপারিন্টেনডেন্ট—হ্যা আছে। তাতে হয়েছে কি ?

শঙ্কর—আজ্ঞে, কথাটা অবাস্তব হলেও নেহাৎ প্রয়োজনের তাগিদে
আপনার সঙ্গে দেখা করতে আসতে হয়েছে। আমি বলছিলাম কি,
সমীর ছোকরাটা যখন বাইরে ছিল, তখন অনেককে জালিয়ে তুলেছিল।
শুধু তাই নয়। স্বদেশীর নাম করে এক ভদ্র গৃহস্থের মেয়েছেলের
সর্বনাশ করতে বসেছে।

সুপারিন্টেন্ডেন্ট—তাই নাকি ? লোকটার ওসব গুণও আছে নাকি ?

শঙ্কর—সেই জগুই তো সেই ভদ্রলোকের উপকারের জন্যে আপনার সঙ্গে দেখা করতে এলাম ।

সুপারিন্টেন্ডেন্ট—(একটু আশ্চর্যভাবে) তা আমি কি করতে পারি এ বিষয়ে ?

শঙ্কর—না আপনার কোন active help দরকার নাই । তবে আপনি যদি সেই বিপদাপন্ন ভদ্রলোকের কথা ভেবে সমীর ছোকরাটাকে একটু সায়েস্তা করেন তবে indirectly তিনি উপকৃত হন ।

সুপারিন্টেন্ডেন্ট—আপনার কথাটা তো ঠিক বুঝতে পারছি না । কি বলতে চান একটু স্পষ্ট করে বলুন ।

শঙ্কর—তবে আপনাকে খুলেই বলি । স্বদেশীর নাম করে ঐ ভদ্রলোকের মেয়েকে সমীর ছোকরাটা এমন ভুলিয়েছে যে সে মেয়ে আর অন্য কাউকে বিয়ে করতে চায় না । আর তার বাপ-মা মেয়ের দুর্নামে মন-মরা হয়ে পড়েছেন । এই অবস্থায় সমীর যদি জেল হতে এমন অবস্থা নিয়ে বেরোয়—যাতে সে সংসারে সম্পূর্ণ অকর্মণ্য হয়ে পড়ে, তবে হয়ত বাপ-মা তার হাত থেকে মেয়েকে মুক্ত করতে পারেন ।

সুপারিন্টেন্ডেন্ট—(একটু চিন্তান্বিত মনে টেবিলের উপর ঝুঁকিয়া থাকিয়া পরে মাথা তুলিয়া) হুঁ, আপনার কথার effect খুব far-reaching and full of significance. কি বলেন ?

শঙ্কর—(একটু বিব্রতভাবে) offence নিলেন নাকি sir ? যদি কোন অপরাধ করে থাকি তবে মাপ করবেন । আমি তবে উঠি ।
(চেয়ার ছাড়িয়া উঠিয়া পড়িল)

সুপারিন্টেন্ডেন্ট—(হাতের ইঙ্গিতে বসিতে বলিয়া) না না, বসুন, আপনার দ্বারা আমার কাজ হবে ।

শঙ্কর—(বসিয়া সোৎসাহে) বেশ এ বিষয়ে আমি আপনাকে সব রকমে সাহায্য করতে রাজী আছি ।

সুপারিন্টেন্ডেন্ট—(কলিং-বেল টিপিলেন ; সঙ্গে সঙ্গে সিপাহী আসিয়া সেলাম করিয়া দাঁড়াইল) । কই মোলাকাৎ করুন আঘা ?

সিপাহী—নেহি সা'ব ।

সুপারিন্টেন্ডেন্ট—কই আদমী আনে সে বোমনা আভি মোলাকাৎ নেহি হোগা !

সিপাহী—জী হুজুর । (সিপাহী সেলাম দিয়া বাহিরে গেল ।)

সুপারিন্টেন্ডেন্ট—(শঙ্করের প্রতি) হ্যাঁ এবার আসুন আমাদের কথা আরম্ভ করা যাক । আপনি কি চান আমায় স্পষ্ট করে বলুন—কোন রকম রেখে-ঢেকে নয় । সমীর ছোকরাটাকে সরাতে পারলে আমিও পদোন্নতির আশা করি । আপনিও তাই চান মনে হয় ?

শঙ্কর—এইবার আপনি ঠিক কথা ধরেছেন sir.

সুপারিন্টেন্ডেন্ট—বেশ তবে বলুন—How can I help you.

শঙ্কর—আপনি ত সব পারেন শুরু ; আপনি যখন নিজেই জেলের ডাক্তার ও সুপারিন্টেন্ডেন্ট তখন তার জীবন কাঠি আর মরণ কাঠি তো আপনার মুঠোর মধ্যে ।

সুপারিন্টেন্ডেন্ট—দাঁড়ান আমায় খানিকক্ষণ চিন্তা করতে দিন । (খানিকক্ষণ চিন্তার ভঙ্গিতে থাকিয়া) হ্যাঁ তবে অনেকখানি ব্যবস্থা আমরা ইতিমধ্যে করেই রেখেছি । আপনাকে বলতে দোষ নাই । তবে বিষয়টা খুব confidential ; দেখুন কোন রকম public-এর মধ্যে যেন বিন্দুমাত্র leak out না হয় ।

শঙ্কর—এ আপনি কি বলছেন । আমিও একজন সরকারী কন্সচারী —Excise Inspector ; পদমর্যাদায় আপনার চেয়ে অনেক ছোট হলেও দায়িত্বজ্ঞান বোল-আনা আছে ।

সুপারিন্টেন্ডেন্ট—বেশ, তবে শুধু—সমীর হাজরা প্রায় তিন মাসের কাছাকাছি হ'ল নির্জন সেলে আটক আছে।

শঙ্কর—(আনন্দের সহিত) তাই না কী ?

সুপারিন্টেন্ডেন্ট—আঃ আশ্চর্য—সবটুকু স্থির হয়ে শুধু। (শঙ্কর উৎসুক মনে তাহার দিকে চাহিয়া রহিল।) সমীরের স্বাস্থ্যের অবস্থাও অত্যন্ত খারাপ। সেলে আসা অবধি খুব নিকট খাবার তাকে দেওয়া হচ্ছে। (চাপা গলায়) আজ একমাস হ'ল তার lungs এ T. B. র spot পেয়েছি। একটু একটু কাশিও দেখা দিচ্ছে mark করেছি। কিন্তু এখনো ঠিক danger zone এ আসেনি। মনে হয় আর পনেরো দিন এইভাবে without treatment এ রাখতে পারলে ও নিকট খাদ্য দিলে danger zone এ এসে যাবে। তখন আর cured হওয়ার সম্ভাবনা থাকবে না। আর ঠিক সেই সময় আমি T.B. র report দিব।

শঙ্কর—(আনন্দিত ভাবে) The idea !

সুপারিন্টেন্ডেন্ট—(বিরক্তির সহিত) আঃ আপনি ভারি ছেলে-মানুষ। ফের চেষ্টাচ্ছেন।

শঙ্কর—(অপ্রতিভভাবে) Sorry Sir. I beg to apologize ! আপনাকে যে কি বলে ধন্যবাদ দেব আমি ভেবেই পাচ্ছি না। উঃ আপনি একটি whole familyকে বিপদের হাত থেকে উদ্ধার করেছেন ; আর সেই সঙ্গে আমাকেও।

সুপারিন্টেন্ডেন্ট—(আশ্চর্যের সহিত) আপনাকেও কি বকম ?

শঙ্কর—(একটু লজ্জিত ভাবে) আপনি যখন দয়া করে আমাকে এতখানি Confidence-এ নিয়েছেন তখন আপনাকে বলতে আর বাধা কী ! ভদ্রলোকের ঐ মেয়ের সঙ্গে আমার বিয়ের কথাবার্তা হচ্ছে।

সুপারিন্টেন্ডেন্ট—ওঃ, Then you are a lucky fellow !

শঙ্কর—(মাথা নত করিয়া) তা' যা বলেন । আপনি আমার যা' উপকার করলেন তার জন্য আমি চিরকাল আপনার নিকট কৃতজ্ঞ রইব । আমি মধ্যে মধ্যে এলে যেন আপনার দেখা পাই sir ।

সুপারিন্টেনডেন্ট—বেশ তা' পাবেন । কিন্তু বিশ্বের নেমস্তম্ভটায় ফাঁকি দেবেন না যেন !

শঙ্কর—কী যে বলেন—সে একবার দেখে নেবেন sir !

সুপারিন্টেনডেন্ট—কিছু মনে থাকে যেন, বিষয়টি অত্যন্ত গোপনীয় ।

শঙ্কর—দেখুন আমার নিজের স্বার্থ দেখানে জড়িত সে কথা কি আমি বেকঁস করতে পারি । আপনিই বলুন না !

সুপারিন্টেনডেন্ট—সেইটা বুঝেই তো বললাম । বিশ্বাসের মর্যাদা রাখবেন ।

শঙ্কর—আমায় কিছু বলতে হবে না sir ; আপনি আমার যে উপকার করেছেন তার জন্য আমি আপনার চিরকাল কেনা গোলাম হয়ে থাকলাম ।

সুপারিন্টেনডেন্ট—থাক, থাক, এত ভক্তিতে কাজ নাই । আজ তবে আসুন ; আমার অন্যান্য জরুরী কাজ আছে ।

শঙ্কর—আপনার সঙ্গে যেমন অন্তরঙ্গতা হ'ল তাতে আর ইংরাজী বুলি আউড়িয়ে বিদায় নিতে মন চাইছে না । নমস্কার ! আসি sir !

সুপারিন্টেনডেন্ট—আসুন ।

(শঙ্করের প্রস্থান)

(কলিং বেল টিপিলে সিপাহী আসিয়া সেলাম দিয়া দাঁড়াইল ।)
বহুত দেবী হো গিয়া । এই ফাইল হামারা বাসা মে দে আও ।

সিপাহী—জো হকুম । (সেলাম করিল ।) (সুপারিন্টেনডেন্টের প্রস্থান । সিপাহী নথীপত্র গুছাইতে লাগিল ।)

তৃতীয় দৃশ্য ।

[অনিলের বৈঠকখানা । মেঝের সতরঞ্চি পাতা রহিয়াছে । তার ওপর অনিল ও তপন বসিয়া]

অনিল—শুনেছি ওপাড়ার দাসু বায়ই যত নষ্টের গোড়া । সে বেটার নাকি একটি গাঁজা আফিমের আড্ডা আছে । যত বেটা গেঁজেড় তার ওখানে এসে আড্ডা জমায় । আর নানারকম অপকর্ম কুংসা ওরাই সব ছড়ায় ।

তপন—কে তোমায় এই খবর দিলে ?

অনিল—খবর দিলে স্বেচ্ছাসেবিকা, রত্না ।

তপন—ও সূস্বপ্না দেবীর বোন ?

অনিল—হ্যাঁ !

তপন—সে এত খবর পেলে কোথেকে ?

অনিল—সে আবার নারী-সংবাদবাহিকার দল করেছে কি না ! দশ-বারো বছরের মেয়েদের নিয়ে সে এক অতি প্রয়োজনীয় দল গড়ে তুলেছে । তাদের কাজ অনেকটা C. I. D.-দের মতো ।

তপন—কি রকম ?

অনিল—বাড়ীর ভেতর যদি কোন স্বদেশবিরোধী আলোচনা হয় তা' সে বাপ, মা, ভাই, বোন যেই করুক না কেন তা' তারা সংঘের সম্পাদিকার কাছে report করতে বাধ্য । এই রকম লিখিত প্রতিজ্ঞাবন্ধ করেই সংঘের সভ্যা তালিকাভুক্ত করা হয় ।

তপন—বাঃ বেশ ভালো কাজ তো ; সূস্বপ্না দেবীর যোগ্য বোনই বটে । তা' সে ঐ বিষয়ে কি খবর সংগ্রহ করেছে শুনি !

অনিল—ঐ দাসু বাঘের মেয়েই ঐ সংঘের সভ্যা । তার মারফৎ জানা গেছে যে তাদের বাড়ীতে যে গাঁজার আড্ডা হয়—সেখানে নানারকম

ফন্দি-ফিকির হয়েছে, সমীরদার সঙ্গে সুস্বপ্না দেবীর নাম যোগ করে নানারূপ কুৎসা রটাতে। আর সেখানে শঙ্কর আবগারী দারোগাও ঘোরাফেরা করে শুনতে পাচ্ছি !

তপন—কেন তাদের এতে স্বার্থ কি ?

অনিল—আরে এত ব্যস্ত হও কেন ? সব কথাটাই আগে শোন। স্বার্থ ত তা'দের নয়—স্বার্থ আছে মনে হচ্ছে আরেক জনের—সে হচ্ছে ঐ লম্পট ঘুষখোর শঙ্কর বোস আবগারী দারোগা।

তপন—হ্যাঁ, হ্যাঁ, সেই লোকটাকে সুস্বপ্না দেবীর বাবার সঙ্গে দু' একদিন আলাপ-আলোচনা করতে দেখেছি বটে।

অনিল—ঐখানেই ত গলদ। সে অনেক কথা, সে কথা যাক, তবে রত্নার কাছে শুনেছি তা'র বাবা ঐ লম্পট শঙ্কর বোসের সঙ্গে সুস্বপ্নার বিষে দিতে চান।

তপন—দাঁড়াও, দাঁড়াও গোটা জিনিষটা ভেবে নিই। সুস্বপ্না দেবীর বাপ দিতে চান মেয়ের সঙ্গে শঙ্কর বোসের বিষে ; কিন্তু সুস্বপ্না-দেবী নিশ্চয় তা' চাইবেন না। তা হলে শঙ্কর বোসের রাগ হওয়া স্বাভাবিক। (খানিক ভাবিয়া) আচ্ছা তা' নইলে হ'ল। কিন্তু শঙ্কর বোসের হয়ে ঐ গাঁজার আড্ডার দাসু রায় এত মাথা ঘামাতে যাবে কেন ?

অনিল—ভায়া এটাও মাথায় ঢুকলো না। শঙ্কর বোস হ'ল গাঁজা-আফিমের দারোগা, আর দাসু রায় ও তার সাক্ষ-পাক হল গাঁজার আড্ডার সমরদার। একজন হল কর্তা, আর একজন হ'ল কর্ম। ব্যবসায়ী ভাষায় থাকে বলে 'দালাল'।

তপন—আঃ এত কথা ফেনাতেও তুমি পারো। ঐটা সোজা কথায় বললেই তো পারতে। যাক, ব্যাপারটা খানিকটা আন্দাজ করা যাচ্ছে। ষড়যন্ত্র ত এরা মন্দ করেনি। ছি, ছি, ছি, সুস্বপ্নার মতো

দেবী চরিত্রের ঘেঘের সঙ্গে সমীরদা'র মত ত্যাগী দেশসেবকের নাম যোগ করে কুৎসা রটানো ! এর ত একটা প্রতিবিধান করতে হবে ।

অনিল—হবেই তো—সেইজন্মেই তো তোমায় ডেকে পাঠিয়েছি ।

তপন—কেন আমি কি করতে পারি ?

অনিল—আরে এ তো বড় মুঙ্কিলে পড়া গেল তোমাকে নিয়ে, তুমি স্থির হয়ে বস না ? কি হয় তাই শুধু দেখ না !

(বাহিরে গোলমাল শোনা গেল নেপথ্যে ; দাসু রায়ে'র কণ্ঠস্বর—
ও বাবা, আমায় কোথা নিয়ে চলেছ" ? স্বেচ্ছাসেবকদ্বয়ও নেপথ্যে
থাকিয়া বলিতেছে—“চল্ শিগ্গির চল্ বল্ছি ।” দেখিতে দেখিতে
দাসু রায়ে'কে স্বেচ্ছাসেবকদ্বয় জোর করিয়া ধরিয়া আনিয়া সেখানে
উপস্থিত করিল । দাসু রায়ে মাটিতে ধপ্ করিয়া বসিয়া পড়িয়া
ইপাইতে লাগিল)

বিশ্ব—বেটা ছুটে পালিয়েছিল । অর্ধেক রাত্তা দুজনে চ্যাং দোলা
করে তুলে নিয়ে এসেছি ।

অনিল—(তপনের প্রতি) এবার বুঝেছ, কি বলছিলাম ?

তপন—বুঝেছি ।

অনিল—(দাসুর প্রতি) কি হে রায়ে'র পো, তোমার ত বুকের পাটা
কম নয় ? গাঁয়ের মাঝে কি সব রটাচ্ছ ?

দাসু রায়ে—(মাথা চুলকাইয়া) আজ্ঞে না, কিছুই ত রটাই নি ।

অনিল—(ধমক দিয়া) ফের মিছে কথা ! এখনো বলছি সত্যি
কথা বল । নইলে সব ক'টাকে একেবারে গাঁ ছাড়া করে ছাড়বো ।

(অনিলের ইঙ্গিতে অপর দুইজন স্বেচ্ছাসেবক
দাসু রায়ে'কে জোর করিয়া ধাড় করাইল ।)

কি বলবে কিনা ? এখনো বল । নইলে জান তো আমরা পুলিশ-
টুলিশকে ভয় করি না—আমরা স্বদেশী ডাকু ।

দাসু রায়ে—(হাত জোড় করিয়া) বলবো, বাবা বলবো । সব

কথাই বলবো। এই বুড়ো বয়সে আর মারধর কোর না—শরীরে
সইবে না। বয়স যখন কাঁচা ছিল তখন গাঁজার জ্বলে পুনিসের কাছে
অনেক ঠেঙান খেয়েছি। কিন্তু আজ আর—।

অনিল—(ধমক দিয়া) ফের বাজে কথা! বল, কেন তোমরা ময়ূর-
বাবু ও সূর্যপা দেবার নামে মিথ্যা কুৎসা রটনা কোরছ।

দাসু—(চোক গিলিয়া) আজ্ঞে যদি অভয় দেন তো বলি।

অনিল—আচ্ছা তাই দিলাম, বল।

দাসু—(হাত জোড় করিয়া) দোহাই বাবু, আমাদের কোন দোষ
নেই। ঐ শঙ্কর দারোগাই ত আমাদের মাথা খেয়েছে। আমরা
মুখ্য-স্বখ্য মানুষ, একটু আফিম-গাঁজা নিয়ে থাকি। এত বড় বড়
কথায় আমাদের কাজ কি? ঐ তো বলে, 'তোরা আমার কাছে গাঁজা-
আফিমের দাম বকশিস্ পাবি। এই সব রটনা কর।'।

অনিল—এবার রত্নার কথার সঙ্গে এই ঘটনার ঠিক মিল হয়ে যাচ্ছে।

তপন—তার মানে?

অনিল—ঐ বেটা শঙ্কর বোস চায় সূর্যপা দেবীকে বিষে করতে।
বামুন হয়ে চাঁদে হাত। কিন্তু সূর্যপা দেবী তা' বরদাস্ত করবেন
কেন? তাই সেই রাগে শঙ্কর বোসের এই ঘৃণা, নীচ ষড়যন্ত্র চলেছে।

তপন—উঃ কি শয়তান! ব্যাপারটা এবার স্পষ্ট বোঝা গেল।

দাসু রায়—(অনুশয়ের স্বরে) আজ্ঞে, এবার আমাকে দয়া করে
ছেড়ে দেন। আর আমি ঐ শঙ্কর দারোগার কোন কথায় থাকবো না।

অনিল—দেখ, ঠিক মনে থাকে যেন! নইলে এবার ধরলে আর
ছাড় পাবে না।

দাসু রায়—(জোড় হস্তে) না বাবু, সত্যি বলছি, আর কখনো তার
কোন শলা-পরামর্শে থাকব না।

অনিল—(তপনের প্রতি) কি হবে এইটাকে আর নির্ঘাতিত করে।

আমল লোকটাকেই আমাদের ধরতে হবে। আচ্ছা তুমি যাও। কিন্তু প্রতিজ্ঞা মনে থাকে যেন।

দাসু—(জোড় হস্তে নমস্কার করিয়া) পেলাম হই, সে আর বলতে।
(দাসুর ক্রত প্রস্থান)

অমিল—(স্বেচ্ছাসেবকদ্বয়ের প্রতি) তোমরা এখন যাও।
(স্বেচ্ছাসেবকদ্বয় প্রস্থানোদ্যত)

হ্যা, শোন। (স্বেচ্ছাসেবকদ্বয় যাতে যাইতে পুনরাধ ফিরিল)

ঐ দাসুর আর তার দলের কার্যকলাপ একটু লক্ষ্য রেখ'।

(সম্মতিসূচক মাথা নাড়িয়া স্বেচ্ছাসেবকদ্বয়ের প্রস্থান)

(তপনের প্রতি) এখন ঐ আবগারী দারোগা শরুরকে জব্দ করা যায়'কী করে? সমীরদা' আজ জেলে কেমন, কি অবস্থায় আছেন, তাও জানি না। তাঁর সুনাম রক্ষার দায়িত্ব তো আমাদের।

তপন—নিশ্চয়।

(উভয়ে কিছুক্ষণ চিন্তান্বিত ভাবে বসিয়া থাকিয়া)

অমিল—(তপনের প্রতি) আচ্ছা, ঐ দাসুকে ধরে নিয়ে একেবারে সুস্থপা দেবীর বাবার কাছে হাজির করলে হয় না—যাতে সেই লম্পটটা আর ও বাড়ীতে মোটেই যেতে না পারে।

তপন—মন্দ যুক্তি নয়। তবে বরুনবাবু ব্যাপারটাকে কিভাবে নেবেন সেই হচ্ছে কথা। আর সুস্থপা দেবীর কাছেও তো এই কুৎসার ব্যাপার নিয়ে যাওয়া যায় না।

অমিল—আচ্ছা এক কাজ করা যাক। সুস্থপা দেবীর মা তো আমাদের মাসীমা হন। আমরা তাঁর ছেলের মতো। তাঁর কাছে সব কথা খুলে বলাই ভালো।

তপন—তাই ভালো। তারপর তিনি যা যুক্তি দেবেন তাই করা যাবে। আজ উঠি তবে এখন।

অমিল—শীগ'গির আমাদের এই কাজ করতে হবে। কারণ দাসু গের্জেড়ীকে বেশী দিন বিশ্বাস করা যায় না।

তপন—হ্যাঁ, ঠিক বলেচো। চল কাল সকালেই যাই।

অনিল—হ্যাঁ, তাই দু'জনে যাওয়া যাবে। অন্য কাউকে সঙ্গে নিয়ে দরকার নেই। সমীচীনতা'র অন্তরঙ্গ বন্ধু হিসেবে আমরা দু'জনেই তাঁর কাছে যাব। আচ্ছা এস ভাই, বেলা অনেক হ'ল—আমিও এবার উঠি।

(উভয়ের প্রস্থান)

চতুর্থ দৃশ্য

[বক্রণ রায়ের বৈঠকখানা। অনিল ও তপন দুইটি চেয়ারে পাশাপাশি বসিয়া। সামনে সুষ্মতার মা বসিয়া আছেন]

সুষ্মতার মা—সমীরের কোন খবর পেলে তোমরা ?

অনিল—না মাসীমা। আমরা অনেক চেষ্টা করলাম। কিন্তু কোন কিছু খবর সংগ্রহ করতে পারলাম না।

তপন—একবার সদরে গিয়ে দেখলে হয়না মাসীমা ?

সুষ্মতার মা—স্বপ্না ত নিজেই গেছিল। কিন্তু—

তপন ও অনিল—(সমস্বরে) সুষ্মতাদেবী গেছিলেন, কি খবর মাসীমা ?

সুষ্মতার মা—কিন্তু সেখানেও কোন খবর পেলে না।

অনিল—ভারী চিন্তার কথা মাসীমা। (একটু ধামিয়া) তার উপর আবার এক বিপদ দেখা দিয়েছে।

সুষ্মতার মা—(উৎসুকভাবে) আবার কি বিপদ ?

অনিল—ব্যস্ত হবেন না। সেই কথাই তো বলবার জন্যে আপনার কাছে আমরা দু'জন এলাম।

সুষ্মতার মা—জানি বাবা তোমরা দু'জন সমীরের অন্তরঙ্গ বন্ধু। তাই তো তোমাদের আমি এত বিশ্বাস করি।

অনিল—সেইজন্যেই তো সব কথা আপনাকে জানানো দরকার

মাসীমা। আমরা আর কোন পথ না পেয়ে আপনার কাছেই সরাসরি জানাতে এলাম। (একটু থামিয়া) তবে কথাটা একটু গোপনীয়। সুস্বপ্না দেবীর সামনে না হলেই ভাল।

সুস্বপ্নার মা—না, সে এখন সমীরের মায়ের কাছে গেছে। কি বলতে চাও, বল।

অনিল—ঐ যে শঙ্কর বাবু আপনাদের বাড়ীতে আসেন, তিনি এক হীন ও নীচ ষড়যন্ত্র খাড়া করেছেন সুস্বপ্নাদেবীও সমীরদা'র বিরুদ্ধে।

সুস্বপ্নার মা—(আশ্চর্য হইয়া) তাই নাকি ? কি রকম।

অনিল—আপনার কাছে বলতেও লজ্জায় মাথা হেঁট হয়ে যায়। কিন্তু বিপদ এড়াতে হলে না বলেও উপায় নাই।

সুস্বপ্নার মা—না না, তোমরা আমার নিজের ছেলের মত। কি বলতে চাও শীগ্গির বল—আমায় আর এমন সন্দেহের মধ্যে রেখো না।

অনিল—ঐ শঙ্করবাবু গাঁয়ের যত গেঁজেড়ীর দ্বারা সমীরদা' ও সুস্বপ্নাদেবীর নামে যা-তা কেছা রটাচ্ছে !

সুস্বপ্নার মা—(আশ্চর্য হইয়া) এ তবে ঐ শঙ্কর ছোকরার কাজ ? রত্নার কাছে শুনেছিলাম ঐ দাসু রায় নাকি রটনা করছে ?

অনিল—দাসু রায় ত উপলক্ষ মাত্র। আসলে ঐ শঙ্করবাবুই সব করছে। দাসু রায়কে ধরে আনতে সে সব কথা স্বীকার করেছে।

সুস্বপ্নার মা—এখন সব ব্যাপারটা জলের মত বোঝা যাচ্ছে। রত্নার কাছে শুনেছিলাম উনি ঐ শঙ্কর ছোড়ার সাথে স্বপ্নার বিষে দিতে চান। আর সেই মতলবে ঐ ছোড়াটা ঘুর ঘুর করে এখানে আসে। কিন্তু স্বপ্নাকে কোন রকমে সুবিধা করতে না পেয়ে সেই আক্রোশে এই বিষ ছড়াতে আরম্ভ করেছে।

তপন—এখন কি করা যায় মাসীমা—সেই পরামর্শই তো আপনার সঙ্গে করতে এলাম।

অনিল—আমি একটি plan মনে মনে এঁকেছি। এখন মাসীমা আপনার সম্মতি পেলেই হয়।

সুস্বপ্নার মা—কী বল না, শুনি।

অনিল—আমি বলছিলাম—যে শীগ্গির মধ্যে একটি নির্দিষ্ট দিনে শঙ্করবাবুকে আপনাদের বাড়ীতে খাওয়ার নেমস্তন্ন করুন। আর সেই দিনে ঐ দাস্ত্র রাঘকে আমরা উপস্থিত করে দেব একেবারে মেসোমশায়ের সামনে। বা' শুনেছি মেসোমশায়ের অগাধ বিশ্বাস ঐ শঙ্করবাবুর উপর। তা' আমরা এখন কোন কিছু বলতে গেলে একটু অগ্রভাবে হস্ততো নেবেন। তার চেয়ে একেবারে তাঁর সামনে ঐ দাস্ত্রকে দিয়েই বলানো ভাল মনে করি। ঠিক নয় কি ?

সুস্বপ্নার মা—হ্যাঁ, তুমি ঠিক কথাই বলেছ। বিশেষতঃ শঙ্করকে যখন তিনি বিশ্বাস করেন, তখন তোমাদের নিজেদের মুখে তার সম্বন্ধে বিরুদ্ধ আলোচনাটা না হওয়াই ভাল মনে করি।

অনিল—বিশ্বাস ঠিক নয় মাসীমা। মেসোমশায় সাদাসিদে মানুষ। তাই তাঁর সরলতার undue advantage নিয়ে ঐ শঙ্করবাবু তাঁকে একেবারে hypnotise করে ফেলেছে।

সুস্বপ্নার মা—বোধ হয় তাই। আসলে উনি নিজে খারাপ মানুষ আচ্ছা, সেই কথা তবে থাকল। তোমরা একটু বস। রত্নাকে দিয়ে তোমাদের জলখাবার পাঠিয়ে দিই।

তপন—আবার ওসব কেন মাসীমা ?

সুস্বপ্নার মা—তা' একটু জলখাবার খেয়ে যাও। ও আর এমন কি ! বোস তোমরা।

(সুস্বপ্নার মা'র প্রস্থান)

অনিল—একটি জিনিষ কিন্তু আমার মনে strike করছে তপন !

তপন—কি বল দেখি।

অনিল—সমীরদা'র কথা ; আর সেই সঙ্গে সঙ্গে.....

তপন—কি খামলে যে ?

অনিল—(চাপাগলায়) স্বপ্না দেবীর কথা !

তপন—তার মানে ?

অনিল—তুমি দেখছি একটি গাথা ! কোন কথাই সহজে তোমার মাথায় ঢোকে না ।

তপন—আরে আগে কথাটাই বল, তারপর তো মাথায় ঢুকবে ।

অনিল—আরে যাঃ যাঃ । ঢুকবার হলে, সব কথা বলবার আগে মাথায় ঢুকে যেত ।

তপন—হেঁয়ালী বেখে বল না বাপু কি বলতে চাইছ ?

অনিল—(চাপা গলায়) আমি বলছিলাম সমীরদা'র সঙ্গে স্বপ্না দেবীর কিন্তু মানাতো ভাল

তপন—ও তুমি এতদূর এগিয়ে গেছ, একেবারে Romantic background.

অনিল—থাক ভাই, ও প্রসঙ্গ এখন থাক । বিশেষতঃ স্বপ্না দেবীর বাড়ীতে...কে কখন শোনে ফেলে !

(ছ' বেকার জলখাবার লইয়া রত্নার প্রবেশ)

রত্না—কি কথা কে কখন শুনে ফেলে অনিলদা !

(অনিল ও তপন উভয়েই অপ্রস্তুত হইয়া পরস্পর মুখ চাওয়া-চাওয়ি করিতে লাগিল । রত্না খাবারের থালা টেবিলের উপর রাখিয়া বন্ধুঘরের অপ্রতিভ অবস্থা দেখিয়া খিল্-খিল্ করিয়া হাসিয়া উঠিল) ।

অনিল—কী যে বল রত্না ! এমন কি কথা যা' কেউ শুনে ফেললে খারাপ হবে ।

রত্না—তবে ওরুথা বললেন কেন ? আমি তো শুনে ফেলেছি ।

অনিল—(দ্বিত্বভাবে) কি তুমি শুনে ফেলেছ ?

রত্না—(খিল্ খিল্ করিয়া হাসিয়া) নাইবা বললাম !

অনিল—না রত্না বল নইলে আমরা জলখাবার খাবো না। এই উঠামাম।

(অনিল চেয়ার ছাড়িয়া উঠিয়া পড়িল)

রত্না—বহন বলছি। (অনিল চেয়ারে বসিল) দিদির সঙ্গে সমীরদা'র কেমন মানাবে এই কথা তো—?

অনিল—(বিব্রতভাবে) এ হে হে হে ! এখানে এসব আলোচনা ভারী অন্তায় হয়ে গেছে।

তপন—(রাগতস্বরে) হ্যা, নিশ্চয়ই, তুমি একটি ডে'পো।

রত্না—(হাসিতে হাসিতে) তা হয়েছে কি ? সে plan তো আমার মনে অনেকদিন হ'তে আছে। আমার বরং ভালই হ'ল ; কন্যার তরফ থেকে ঘটক আমি ছিলাম। বরের তরফ ঘটক আপনারা হবেন—সমীরদা'র বন্ধুর দল।

অনিল—না না রত্না চুপ করো ; এখানে এসব কথা নয়। মাসীমার কানে গেলে আমাদের কি ভাববেন বল তো !

রত্না—(হাসিতে হাসিতে) আমি এত কাঁচা মেয়েই নয়, একেবারে ঘুঁটি পাকিয়ে তবে মার কানে তুলব। (সহসা গম্ভীর হইয়া) সমীরদা' তো আগে জেল হতে বেয়োন। বাঃ রে, বসে আছেন যে, খেতে হবে না বুঝি !

অনিল—বেশ খাচ্ছি।

রত্না—চা কিন্তু পাবেন না। এ বাড়ীতে একা বাবার ছাড়া আর কারুর চা খাওয়ার নিয়ম নাই। মায়ে'র কড়া হুকুম।

অনিল—আমরাও তো চা খাই না।

(অনিল ও তপন খাবার খাইতে লাগিল)

রত্না—ঐ দিদি এসে গেছে। আমি এখন আসি।

(রত্নার প্রস্থান)

(স্বপ্নার প্রবেশ)

স্বপ্না—এই যে অনিলবাবু, তপনবাবু । আপনারা কখন এলেন ?
কাকীমার ওখানে গিয়েছিলাম । তাই দেবী হয়ে গেল ।

অনিল—তা হোক, আমাদের সমাদরের তো কোন ক্রটি হয় নি,
স্বপ্না দেবী । তা' চাক্ষুষ দেখতে পাচ্ছেন ।

(খাবারের থালা দেখাইয়া)

স্বপ্না—(হাসিয়া) ও, এই কথা ।

(সহসা গম্ভীর হইয়া) সমীর দা'র তো কোন খবর পাওয়া গেল না—
কি করা যায় বলুন তো অনিল বাবু ?

অনিল—সেই মজ্জায় তো এদিকে আজকাল বড় একটা আসি না ।
কি করে মুখ দেখাই আপনার কাছে ? সমীরদা'র খবরটুকু দিতে পাচ্ছি
না কয়েক মাস হল ।

স্বপ্না—না তা আপনাদের আর দোষ কি ? (স্বপ্না চিন্তিত
হইল ।) (অনিল ও তপন ইতিমধ্যে খাওয়া শেষ করিয়া উঠিল ।)

অনিল—আজ আসি, স্বপ্নাদেবী ।

স্বপ্না—মায়ের সঙ্গে দেখা করে যাবেন না ?

অনিল—তাঁর সঙ্গে আগেই দেখা হয়েছে—আজ আর থাক । আমরা
এখন একটু জরুরী কাজে বেরুব ।

স্বপ্না—তবে আসুন ।

(উভয় বন্ধুর প্রস্থান ও তৎপশ্চাতে স্বপ্নার প্রস্থান]

তৃতীয় অঙ্ক ।

প্রথম দৃশ্য । ২

[স্থান—জেল-প্রাঙ্গন । ১ম সাদ্ধী ও ২য় সাদ্ধী উভয়ে বসিয়া কথোপকথন করিতেছে এবং ২য় সাদ্ধী দুই হাতে বরাবর খইনী ডলিতেছে]

১ম সাদ্ধী—অরে ভাইয়া, এ কেয়া বাত্ হয় । পদ্দহ অগস্ত সে কেয়া অংগ্‌রেজ রাজ্—চালা যায়ে গা ? এ কেয়া তাজ্জব কা বাত্ হয় !

২য় সাদ্ধী—এইসা বাত তো হাম ভি কভি নাহি শোনা হয় !

(১ম সাদ্ধী ফোপাইয়া কাঁদিয়া উঠিল)

২য় সাদ্ধী—(বিস্ময়ান্বিত ভাবে) অরে ভাইয়া, কাহে রোতা হয় ?

১ম সাদ্ধী—(কাঁদিতে কাঁদিতে) মুঝে বহৎ ডর্ হয় ভাই ! মেরী নোকরী নাহি রহে গী ।

২য় সাদ্ধী—কাহে ? নোকরী তো কিসি কী নাহি ছুটে গী ? এইসা তো মায়নে শোনা হয় ! (খইনী ডলিতে লাগিল)

১ম সাদ্ধী—(কাঁদিতে কাঁদিতে) অরে ভাইয়া, মায় তো কংগ্রেসী পর বহৎ জুলুম্ কিয়া হয় । শালে সব্‌জন্ট কো খুস্ কর্নেকে নিয়ে বহৎ জুলুম্ কিয়া ! গোরা আদমী সব্‌ ষা রহে হাঁয় । তব্‌ মেরী নোকরী ক্যাসে বহে গী । (কাঁদিতে লাগিল)

২য় সাদ্ধী—অরে ভাই, ঠারো ঠারো ! মাং রো ; ঐ শালা জন্ সব্‌জন্ট মুঝ্ কো ভি এক কংগ্রেসী বাবুকে চাবুক লাগানেকে নিয়ে কথা থা । মায় উস্‌কো হুকুমকো নেহি যানা তো ওস্‌নে মেরে পিঠ পর বুটসে যারা ; তব্‌ মুঝ্‌কো বহৎ চোট লাগা । ফিন্‌ দিন আনে দো । মায়ভি উস্‌কো পিঠ্‌মে আয়সা মায়েঙ্গে—

(বুটের লাথি দেখাইল)

১ম সাদ্ধী—(এক গাল হাসিয়া) সব্‌জন্টকা বুটকা চোট মুঝ্‌কো বহৎ মিঠা লাগ্‌তা হয় ভাই ! লেকিন—

২য় সাল্টী—(রাগত স্বর উত্তেজিত ভাবে) ইয়া তোম্ কেয়া বোলতে হো ? সব্ জন্টকা বুট মিঠা লাগ্তা হায় ? তব্ তো তোমারা নোকরী যানা চাহিয়ে । তোম্ ভি সব্ জন্টকা সাথ বিলাত চালা যাও । ছ'য়া সব্ জন্টকা বুটকা চোট তোম্কে বহুৎ মিলে গা ।

(১ম সাল্টী ২য় সাল্টীর গায়ে হাত দিয়া তাহাকে শাস্ত করিতে চেষ্টা করিতেছে)

১ম সাল্টী—আরে ভাই গোস্মা মাং করো , মেরা বাং তো শোনো ।

২য় সাল্টী—(তাহার হাত সরাইয়া) নেহি, নেহি ছোড়ো ।

আনে দো—পদ্দহ অগ্ন্ত, তোমারা এ বাং মে বেফাস করু দে-গা ! তোমারা নোকরী জরুর যানা চাইহে !

১ম সাল্টী—আরে না ভাইয়া, এ তো মায়নে দিল্লাগী কিয়া ! সব্ জন্টকে বুটকা চোট বলৎ বুরী চিছ হায় । মেবে পিঠ্ পর আভি চিহ্ হায় দেখো । (পিঠ দেখাইল)

মেরা কেয়া হোগা ভাই ? (সহসা জেলের ঘন্টাধ্বনি হইল)

২য় সাল্টী—Duty খতম হো গিয়া, চলো ।

(তাড়াতাড়ি উভয়ের প্রস্থান)

[স্থান—বরুণ রায়ের বাটির বৈঠকখানা , সুস্বপ্না একটি চেয়ারে বসিয়া সেলাইর কাজ করিতেছে । এমন সময় শঙ্কর বোস স্ট পবিহিত অরস্থায় প্রবেশ করিল)

শঙ্কর—(সুস্বপ্নাকে দেখিয়া)

Good morniug Miss Roy

সুস্বপ্না—(তাড়াতাড়ি উঠিয়া পড়িয়া) আপনি স্বস্তন, আমি যাবাকে পাঠিয়ে দিচ্ছি ।

শঙ্কর—বাঃ, আমি একটা বাঘ না ভালুক যে আপনাকে খেয়ে ফেলবো। আমি এলেই আপনাকে পালাতে হবে!

সুস্বপ্না—(দাঁড়াইয়া বিব্রত ভাবে) না, না, তা কেন? তবে কি না—

শঙ্কর—কি বলুন।

সুস্বপ্না—বাবার সঙ্গেই আপনার কথাবার্তা জমে ভালো; সেজন্যই বলছিলাম।

শঙ্কর—কাকাবাবু তো আজ আমায় নেমস্তম্বই করেছেন। তিনি তো আসবেনই; তবে আপনার সঙ্গে একটু কথাবার্তা বলতে দোষ কি? এই দেখুন তো,—আপনাদের familyতে আমি প্রায় এক বৎসর হ'তে চললো পরিচিত হয়েছি,—কিন্তু এই এক বৎসরের মধ্যে বোধ হয় সাত দিনও আপনি আমার সঙ্গে কথাই বলেন নি। বসুন, বসুন!
(সুস্বপ্না চেয়ারে বসিল ও শঙ্কর একটি চেয়ারে বসিল)

সুস্বপ্না—আমার সময় কোথা বলুন, একটা-না-একটা কাজ তো লেগেই আছে।

শঙ্কর—ওঃ, আপনি ঐ দেশের কাজের কথা বলছেন।

সুস্বপ্না—হ্যাঁ, তাই।

শঙ্কর—তা' দেখুন, ও সব কাজ হচ্ছে আসলে vagabond-দের, বাপ তাড়ানো, মা তাড়ানো ছেলেমেয়েরা ও সব কাজ করে বেড়াচ্ছে। তা' আপনার মত একজন সুন্দরী উচ্চশিক্ষিতা তরুণীর কি ও সব কাজ পোষায়!

সুস্বপ্না—(উত্তেজিতভাবে) এসব কি বলছেন আপনি? আপনি কি এ দেশের মানুষ নন?

শঙ্কর—থাক, থাক, ও সব তর্কের কথায় দরকার নাই। আজ যখন দুটি কথা আমার সঙ্গে আপনি বলছেন—তখন এই মূল্যবান সময়টুকু বৃথা তর্ক করে হারাতে চাই না।

(নিজের চেয়ারটি একটু সূক্ষ্মপার চেয়ারের দিকে আগাইয়া লইয়া ভাবমিশ্রিত কণ্ঠে)

সূক্ষ্মপা দেবী ! আপনি আমার প্রতি এত নিষ্ঠুর হবেন না । আমার সঙ্গে এক-আধটুকু আলাপ-আলোচনায় কি আপনার মর্যাদা নষ্ট হয়ে যায় । বিশেষতঃ কাকাবাবুকে আমি কত ভক্তি শ্রদ্ধা করি ও তিনিও আমায় ছেলের মত ভালবাসেন । আমায় এত অবহেলা করবেন না ।

সূক্ষ্মপা—(একটু বিব্রতভাবে) না, না, আপনাকে অবহেলা করবো কেন ?

শঙ্কর—(চেয়ার আর একটু আগাইয়া সূক্ষ্মপার হাত ধরিবার চেষ্টা ও সূক্ষ্মপা একটু সরিয়া গিয়া বসিল) তবে আমায় কথা দেন, এবার প্রতি আলোচনায় আপনি যোগ দেবেন ! সত্যি কথা বলতে কি, আপনার সঙ্গে পাওয়ার জন্মই তো আমি আপনাদের এখানে আসি, এ কথা কি আপনি বোঝেন না সূক্ষ্মপা দেবী ।

(সূক্ষ্মপা চেয়ার ছাড়িয়া উঠিয়া)

সূক্ষ্মপা—দেখুন, আপনি বাবার নিমন্ত্রিত , তাই আপনার এই ধরনের কথার উত্তর দেওয়া আমার সম্ভব হ'ল না । আমি এখন আসি, বাবাকে পাঠিয়ে দিচ্ছি ।

(সূক্ষ্মপা সবেগে প্রস্থান করিল ও শঙ্কর স্থানুর মত বসিয়া রহিল)

(বরুণের প্রবেশ)

বরুণ—তা' কতক্ষণ এসেছ বাবা !

শঙ্কর—(চেয়ার ছাড়িয়া দাঁড়াইয়া) না কাকাবাবু এখনি ।

বরুণ—বসো বাবা বসো । খবর সব ভালো তো ?

শঙ্কর—(চেয়ারে বসিয়া) হ্যাঁ, কাকাবাবু ভালো ।

বরুণ—দেখ, আমার কেমন ভালো মন । তোমার কাকীমাই বলে যে, শঙ্করকে একবার নেমন্তন্ন কর, আর তা'কেই খবর দেওয়া হয় নি ।
(উচ্চঃস্বরে) এই কে আছিস্—

শঙ্কর—না কাকাবাবু, আপনি ব্যস্ত হবেন না। তবে কাকীমা যে বড় নেমস্তম্ব করতে বলেন? তিনি তো আমার সঙ্গে তেমন কথাই বলেন না।

বরুণ—আরে না, না। তা' বলবে না কেন? তোমায় ভালবাসে পবাহ। তবে ওরা এত বেশী 'স্বদেশী' নিয়ে থাকে—যে তোমার আমার মত 'বিদেশী'র প্রতি ওদের হুঁস্ একটু কম।

(এই বলিয়া নিজের রসিকতায় নিজে হো হো করিয়া হাসিয়া উঠিল)

(রত্নার প্রবেশ)

রত্না—বাবা, মা বলেন যে রত্নার আর একটু দেবী আছে, ওঁকে একটু অপেক্ষা করতে।

শঙ্কর—যখন এসেছি, তখন তো অপেক্ষা করুবই, কিন্তু ততক্ষণে তোমার একটা গান শুনালে ভাল হয় না কি রত্না।

রত্না—সে তো নিশ্চয় হ'ত; কিন্তু মা আমাকে এমন কাজের বোঝা চাপিয়ে দিয়েছেন যে, গানের জন্তু আটকে গেলে আর আমার আস্ত রাখবেন না। আমি এখন আসি।

(রত্নার প্রস্থান)

বরুণ—ঐ বাবা ওদের এক বেয়াড়া ধরণ। সব ভালো; কিন্তু যা গৌ ধরবে—তা থেকে নড়ানো যাবে না।

শঙ্কর—হঁ, (চিন্তাম্বিত মনে বসিয়া রহিল)

(অনিলের প্রবেশ)

অনিল—মেসোমশাই, আপনার কাছে একটু কাজে এলাম।

বরুণ—আমার কাছে? আমার কাছে কেন বাবা? আমি তো তোমাদের স্বদেশী-স্বদেশীতে নেই।

(শঙ্কর রাগত দৃষ্টিতে অনিলের প্রতি চাহিল)

অনিল—(শঙ্করের প্রতি হাত তুলিয়া নমস্কার করিয়া) নমস্কার, শঙ্করবাবু!

শঙ্কর—(বিরক্তভাবে) ও-সব নমস্কার-টমস্কার আমার ধাতে সয় না, মশায় ।

অনিল—(শঙ্করের প্রতি) আচ্ছা, তবে থাক । (বক্রণের প্রতি) মেসোমশায়, একটা লোক আপনার সঙ্গে দেখা করতে এসেছে ।

বক্রণ—(একটু বিরতভাবে) কেন বাবা ? পুলিশ-টোলশের লোক নয় তো ?

অনিল—(হাসিয়া) আঃ, মেসোমশায় আপনি কি বলুন তো ? আপনি কি ভাবলেন যে আমি পুলিশ দিয়ে আপনাকে ধরিয়ে দেবো !

বক্রণ—আরে না, না ; তা' হবে কেন, তবে বাবা, তোমাদের পেছন পেছন সব সময় পুলিশ, সি-আই-ডি, এরা সব ঘুরে কি-না ! তাই এখন, তুমি এসেছ, তখন তোমার পেছনে ওরা দু'একজন আসাও তো বিচিত্র নয় ।

অনিল—তা' সে কথা ঠিক বলেছেন মেসোমশায় ! তবে এ ক্ষেত্রে তা নয় ।

বক্রণ—(স্বস্তির নিশ্বাস ফেলিয়া) তা' হলেই হ'ল ।

অনিল—আচ্ছা, আমি তবে ডেকে নিয়ে আসি ।

(অনিলের প্রস্থান)

শঙ্কর—(বিরক্তির স্বরে) এসব ডাকাতে ছোকরাকে আপনারা কি করে আস্কারা দেন কাকাবাবু ?

বক্রণ—(হতাশভাবে) আমার কি কোন হাত আছে বাবা ! ওরা সব আমার Control-এর বাইরে ।

শঙ্কর—ছি, ছি, এ ভারী অণ্ডায় !

(স্তম্ভপ্নার মায়ের প্রবেশ)

স্তম্ভপ্নার মা—কি অণ্ডায় বাবা শঙ্কর ?

শঙ্কর—(সহসা অপ্রতিভভাবে) আঞ্জে না, ও কিছুই নয় । ও একটা বাজে কথা !

সুন্দর মা—(গম্ভীরভাবে) হাঁ !

(বরুণ সোজা হইয়া বসিয়া একবার শঙ্করের দিকে ও একবার নিজ দ্বীপ দিকে তাকাইতেছে এমন সময় দাসু রাগকে ধরিয়া তপন ও অনিলের প্রবেশ)

শঙ্কর—(দাসু রাগকে দেখিয়া একেবারে চম্কাইয়া উঠিল ও চেয়ার ছাড়িয়া উঠিয়া দাঁড়াইল)

কাকাবাবু, একটা অত্যন্ত জরুরী কাজ ছেড়ে এসেছি। আধ ঘণ্টা মধ্যে ফিরে আসছি।

(প্রশ্বাসনোচ্চত)

সুন্দর মা—(শঙ্করের প্রতি) না বাবা, তুমি বোস ! তোমার সঙ্গেই তো দরকার।

শঙ্কর—(সশঙ্কিতভাবে) আমার সঙ্গে ! তা'র মানে।

সুন্দর মা—(মুচকি হাসিয়া) বোসই না বাবা ! এত ঘাবড়াচ্ছে কেন ?

শঙ্কর—না কাকীমা, আমার বসবার উপায় নেই। আমায় এখনি যেতে হবে, অত্যন্ত জরুরী কাজ।

(প্রশ্বাসনোচ্চত)

(তপন ও অনিল দরজার মুখ আগলাইল)

অনিল—কিন্তু শঙ্করবাবু, যেতে চাইলেই তো আর যাওয়া চলে না।

শঙ্কর—(রাগে অগ্নিশর্মা হইয়া) তা'র মানে ? আপনারা আমাকে মারবেন না কি ?

(বরুণবাবু কিছুই বুঝিতে না পারিয়া হতভম্ব ভাবে এদিক ওদিক চাহিতে লাগিলেন)

অনিল—কি-ষে বলেন শঙ্করবাবু ! এর মধ্যে আপনাকে মারবার কথা কোথেকে এল ! আমরা বললাম—‘ঠাকুর ঘরে কে ?’ আর আপনি বলে বসলেন—‘কলা খাই নি’, তা' হলে আপনি যে কলা খেয়েছেন, তা'

যে আগে হতে বলে ফেললেন । আপনি এমন সেয়ানা ; তা' এত সহজে ধরা দিয়ে ফেললেন—শঙ্করবাবু !

শঙ্কর—হয় আমার পথ ছাড়ুন ! নয় তো কি করতে চান, তাই বলুন ।

বরুণ—(বিব্রতভাবে) হ্যা, হ্যা—এ ব্যবহার তো আমার ভাল মনে হচ্ছে না, বিশেষতঃ শঙ্করের মত ছেলের উপর ।

সুস্বপ্নার মা—হ্যা, সব জিনিষটা তোমাকে জানানোর জন্মই তো ঐ দাসুকে এখানে আজ আনা হয়েছে ।

শঙ্কর—(সুস্বপ্নার মায়ের প্রতি মিনতির সুরে) কাকীমা ; আমায় এখন যেতে দিন ।

সুস্বপ্নার মা—তা হয় না, শঙ্কর । তোমার সব কীর্তি আজ এখানেই প্রকাশ হওয়া দরকার ।

তপন—(দাসুর প্রতি) দাসু, ব্যাপারটা সব বল না খুলে ।

দাসু—(বরুণের প্রতি করজোড়ে) হ্যা বড়বাবু ! সেজন্মই তো আমি নিজে এসেছি এখানে । (শঙ্করকে দেখাইয়া রাগে কাঁপিতে কাঁপিতে) ঐ, ঐ, ঐ, দারোগাবাবু ; বড়বাবু ! দেখছেন ওঁর ঐ ভদ্র-লোকের পোষাক, কিন্তু ওর—ওর মধ্যে কত বড় শয়তান লুকিয়ে আছে, তা' জানেন ?

(এই কথা বলিয়া রাগে ঠক্ ঠক্ করিয়া কাঁপিতে লাগিল ও উত্তেজনায় হাঁপাইতে লাগিল)

শঙ্কর—(রাগে গর্গর্গ করিয়া উচ্চৈশ্বরে) আমায় ছোটলোক দিয়ে অপমান করা ! আচ্ছা, আমিও দেখে নেব একবার তোমাদের সকলকে ! বরুণবাবু, আপনিও পার পাবেন না !

বরুণ—(বিব্রতভাবে) এ আবার কি ঝামেলা হ'ল !

অনিল—(বরুণের প্রতি) স্থির হোন মেসোমশায় ! আপনার কোন ভয় নেই । ঐ শয়তানের কথাই কোন দাম নেই ।

(শঙ্কর রাগে বুটের ডগার মাটিতে ঠোঁকর দিতে লাগিল ও পলাইবার পথ না পাইয়া এদিক-ওদিক তাকাইতে লাগিল)

দাসু—বড়বাবু! (শঙ্করকে দেখাইয়া) ঐ, ঐ শয়তান দারোগাবাবু আমাদের যুক্তি দিয়েছে আপনার মেয়ে স্বপ্না দেবীর ও সমীরবাবুর নামে কুৎসা ছড়াতে !

(অনুতপ্তের ভঙ্গীতে) আমরা বাবু, নেশার গোলাম! নেশায় আমাদের সব খেয়েছে। আছে শুধু এই পোড়া দেহটা! তাই ঐ শয়তানের প্রলোভনে পড়ে আমার মায়ের সমান আপনার মেয়ের নামে কুৎসা ছড়িয়েছি—আর খাঁটি সোনা সমীরবাবুর নামেও ছড়িয়েছি। (উত্তেজিত ভাবে) শুধু দশটি টাকার জুগু বাবু! শুধু দশটি টাকার জুগু! গাঁজা আফিমের দাম! ও হো হো হো!

(দাসু অনুশোচনায় অভিভূত হইয়া ফোঁপাইয়া কাঁদিয়া দেখানে বসিয়া পড়িল)

(গোলমাল শুনিয়া স্বপ্না সহসা ঢুকিয়া মায়ের প্রতি)

স্বপ্না—কি হয়েছে মা ?

স্বপ্নার মা—কিছু না মা, তুই ভিতরে যা'।

অনিল—(দৃঢ়স্বরে) না কাকীমা! ওঁকেও দরকার! (শঙ্করের প্রতি) এই শয়তান, এখনি স্বপ্না দেবীর কাছে ক্ষমা ভিক্ষা কর।

(শঙ্কর কাঁচুমাচু করিতে লাগিল) (তীব্র স্বরে) এখনো ক্ষমা ভিক্ষা কর।

বরুণ—(বিব্রত ভাবে) না, না, এতটা দরকার নেই। ওকে যেতে দাও!

অনিল—(হুকুমের ভঙ্গীতে) আপনি থামুন মেসোমশায়! এত সহজে শয়তান্ জব্দ হয় না! সবাই আপনার মত ভাল মানুষ নয়!

স্বপ্না—আঃ, ওকে যেতে দিন।

অনিল—(স্বপ্নার প্রতি) আপনি থামুন!

(শঙ্কর তখন স্বপ্নার নিকট আগাইয়া)

শঙ্কর—আমায় ক্ষমা করুন, সুস্বপ্না দেবী !

সুস্বপ্না—আপনি বাড়ী যান :

অনিল—যাও, এবার যাও । খবরদার, আর কখন যদি এমুখো হয়েছ কিম্বা অন্য কোন ষড়যন্ত্র করেছ, তবে সেদিন আর এমনি ছেড়ে দেব না ।

(শঙ্কর দ্রুতগতিতে প্রস্থান করিল)

দাসু—(সকলকে প্রণাম করিয়া) এবার আসি বাবু ।

সুস্বপ্নার মা—তা' হয় না দাসু তোমায় এখানেই খেয়ে যেতে হবে ।

দাসু—(বিব্রত ভাবে) আজ্ঞে না মা আমায় আর লজ্জা দেবেন না । আমার যথেষ্ট শাস্তি হয়েছে ।

বরুণ—(স্বয়ং উঠিয়া দাসুকে বুকের ভিতর টানিয়া) তুই আর জন্মে আমার ছেলে .ছিলি .দাসু । তাই এত বড় শয়তানের হাত হ'তে মান-সম্মত রক্ষা করলি । তোকে খেয়ে যেতেই হবে । চল, আমি নিজের বসে তোকে খাওয়াবো ।

(দাসু বরুণের বুকের ভিতর মুখ গুঁজিয়া অনুশোচনায় ফোঁপাইতে লাগিল ও বরুণ তাহাকে সেইভাবে ধরিয়া ভিতরে লইয়া গেল)

সুস্বপ্নার মা—(অনিল ও তপনের প্রতি) তোমরাও সব এস বাবা ।
(বরুণও দাসুর পেছনে অন্য সকলে প্রস্থান করিল)

তৃতীয় দৃশ্য ।

[জেল অফিস ; একটি টেবিলের উপর কাগজ নথীপত্র সাজানো রহিয়াছে ; চেয়ারে জেলার বসিয়া টেবিলের উপর ঝুঁকিয়া লিখিতেছে ।
খানিক দূরে সুপারিন্টেন্ডেন্টের চেয়ার টেবিল সাজানো রহিয়াছে ।

(একজন সিপাহী প্রবেশ করিয়া সেলাম দিয়া দাঁড়াইল)

সিপাহী—এক বাবু মোলাকৎ করনে আয়া ।

জেলার—(লেখা বন্ধ করিয়া) আনে দো ।

(সিপাহী সেলাম দিয়া বাহির হইয়া গেল ও শঙ্কর প্রবেশ করিল)

শঙ্কর—নমস্কার, জেলার বাবু ।

জেলার—নমস্কার, কি দরকার আপনার ?

শঙ্কর—একটু দরকারেই আপনার কাছে এলাম ।

জেলার—আমার কাছে, না, সুপারিন্টেন্ডেন্ট সাহেবের কাছে ?
আপনাকে তো দু চারবার সুপারিন্টেন্ডেন্ট সাহেবের কাছে আসতে
দেখেছি ।

শঙ্কর—না স্যর, আজ আপনার কাছেই এসেছি ।

জেলার—তা' দাঁড়িয়ে রইলেন কেন ? (চেয়ার দেখাইয়া) বসুন না ।

(শঙ্কর সামনের চেয়ারে বসিল)

তা' আপনার কি দরকার, শীগ্গির সেরে নিন্, জরুরী কাজ অনেক
রয়েছে ।

শঙ্কর—তবে আপনার বেশী সময় নষ্ট করতে চাই না । (অহুনের
ভাঙিতে) একটা অহুরোধ আমার রক্ষা করতে হবে । আপনার উঁচু মনের
আভাস পেয়ে আপনার কাছে আসতে সাহস পেয়েছি ।

জেলার—আপনি কি চান তাই এতক্ষণ বুঝতে দিলেন না । কি
চান, স্পষ্ট করে বলুন ।

শঙ্কর—(একটু ইতস্ততঃ ভাবে) আজ, এই—সমীরবাবু কেমন
আছেন, সেই খবরটুকু যদি দয়া করে একবার আমায় দেন ।

জেলার—(একটু আশ্চর্য্যভাবে) কেন, সুপারিন্টেন্ডেন্ট সাহেবের
সঙ্গে তো আপনার আলাপ আছে । তাঁর কাছেই তো জানতে পারেন ।

শঙ্কর—দেখুন, তাঁর কাছে সব কথা বলবার বাধা আছে বলেই আজ
আপনার স্মরণ নিষেছি ।

জেলার—কেন বলুন তো ?

শঙ্কর—(টেবিলের উপর ঝুঁকিয়া ইতস্ততঃ ভাবে) দেখুন, সমীর বাবুর প্রতি তাঁর মনোভাব খুব ভাল মনে হয় না। আমিও এক সময় সমীরবাবুর প্রতি বিরূপ ছিলাম। তাই তাঁর মনোভাব জ্ঞান্বার সূযোগ হয়েছিল। আর আজ আমি সম্পূর্ণ ভিন্ন মন নিয়ে সমীরবাবুর খোঁজ নিতে চাইছি। তাই তাঁর কাছে জিজ্ঞেস করবার বা খবর নেবার সাহস হয় না। সমীরবাবুর মতো দেশসেবকের উপর অনেক অগ্রাঘ করেছি। আপনার উদার মনের কথা লগন সিং-এর কাছে জেনে আপনার কাছে তাই সমীরবাবুর খবর নিতে এলাম, যদি প্রায়শ্চিত্ত এখনো কিছু করতে পারি।

(জেলার সহসা চেয়ার ছাড়িয়া উঠিয়া অসহিষ্ণুভাবে পাষচারী আরম্ভ করিল ও শঙ্কর হতভম্বের মতো তাহার দিকে তাকাইয়া থাকিল)

জেলার—(পাষচারী করিতে করিতে সহসা ধামিয়া) তবে আমি যা শুনেছিলাম—তা' যে সত্যি, তা' এখন বুঝতে পারছি।

শঙ্কর—কি শুনেছিলেন জেলারবাবু !

জেলার—(ঈষৎ উত্তেজিতভাবে) নিজের মনকেই সে কথা জিজ্ঞেস করুন না ; আমায় জিজ্ঞেস করে কি কিছু লাভ আছে ?

(পুনরায় জেলার পাষচারী করিতে করিতে) উঃ, আপনি সব পারেন। পেটের দার নইলে আমরা চাকরী করছি। কিন্তু যা'রা দেশের বড়, যা'রা দেশের জ্ঞানী নিজেদের জীবনটাকে আছতি দিচ্ছে, তাদের সর্কনাশ করবার প্রবৃত্তি আসে কোথেকে,—এইটাই আমি ভেবে পাই না

শঙ্কর—(চেয়ার ছাড়িয়া উঠিয়া জেলারের হাত ধরিয়া)

জেলারবাবু, আমায় আর লজ্জা দিবেন না। আপনি আমার অপ-
কর্মের পরিচয় কিছু পেয়েছেন তবে ; এবার আমায় প্রায়শ্চিত্ত করতে
দিন্। আমার ভুল ভেঙেছে জেলারবাবু ! সে অনেক কথা ; একদিন
আপনাকে সব খুলে বলবো। আজ শুধু বলুন, সমীরবাবু কেমন আছেন ?
(জেলারের হাত ছাড়িল)

জেলার—(চেয়ার টানিয়া বসিয়া একটি ফাইল শঙ্করের দিকে ছুঁড়িয়া দিল) এই দেখুন !

শঙ্কর—(চেয়ারে বসিয়া ফাইলের উপর চোখ বুলাইয়া চম্কাইয়া উঠিল)

ওঃ, তবে সুপারিন্টেন্ডেন্ট সাহেব T. B-র রিপোর্ট দিয়েছেন । (নিজের দু'হাতের মধ্যে মাথা গুঁজিয়া) উঃ, তবে আর কোন আশাই নাই, জেলারবাবু !

জেলার—(উৎসুকভাবে) কেন বলুন তো ! রিপোর্টে তো Case-এর seriousness বিষয়ে কোন কিছু দেন্ নি, বরং রয়েছে—preliminary stage.

শঙ্কর—না, তা' দেন্ নি । কিন্তু আমি জানি—এই রিপোর্টের মানে কি । কেবল কালই আমার সুবুদ্ধি ফিরে পেয়েছি, জেলারবাবু । যদি একটু আগে আমার সুবুদ্ধি আসতো—তবে সমীরবাবুকে হয় তো বাঁচাতে পারতাম ।

জেলার—এ কি বলছেন আপনি ? সমীরবাবুর Case কি এতই serious ?

শঙ্কর—(টেবিলে মাথা গুঁজিয়া) আমায় আর কিছু জিজ্ঞাসা করবেন না, জেলারবাবু

জেলার—হঁ, আমি এখন ব্যাপারটা সব বুঝতে পেরেছি । আমার ধারণা ছিল—আমরাই বুঝি সব চেয়ে পাপী, যারা এই সব দেশের রত্নকে পেটের দায়ে অত্যাচার করে চলেছি । কিন্তু এখন দেখছি—আমাদের চেয়েও আরও সেয়ানা পাপী আছে ।

শঙ্কর—তা' আমাকে যা' ইচ্ছা আপনি গালাগালি দেন্ ; আমি তাতে বিন্দুমাত্র প্রতিবাদ করবো না । তা' আমার গাধা প্রাপ্য । কিন্তু এখন আমার কর্তব্য কি, বলুন । কি উপায়ে সমীরবাবুকে রক্ষা করা যায় ।

জেলার—এই রিপোর্ট আজই আমি authority-র কাছে পাঠিয়ে

দিচ্ছি ; আর আমি কি করতে পারি। আপনারা বাইরে থেকে দেখুন—
যদি তাঁর release-এর কোন ব্যবস্থা করতে পারেন।

শঙ্কর—হ্যাঁ, এই কথাই ঠিক। আজ আর আমার রাগ অভিমানের
সময় নেই,—জেলারবাবু! সমীরবাবুর বাড়ীতে এ খবরটা দেওয়ার জন্য
ট্রেন ধরতে হবে। আসি এখন জেলার বাবু! নমস্কার!

জেলার—নমস্কার, আসুন।

(শঙ্করের প্রস্থান)

(জেলার চিন্তাশ্রিত মনে খানিক বসিয়া পরে লিখিতে আরম্ভ করিল।
দু তিন মিনিটের পর জেল সুপারিন্টেন্ডেন্টের প্রবেশ। জেলার
উঠিয়া সেলাম দিল ও সুপারিন্টেন্ডেন্ট তাঁহার নিজ চেয়ারে বসিবার পর
জেলার নিজ চেয়ারে বসিয়া লিখিতে আরম্ভ করিল। সুপারিন্টেন্ডেন্ট
নিজ চেয়ারে বসিয়া ফাইলপত্র দেখিতে লাগিল)

(একজন সিপাহী সহসা প্রবেশ করিয়া জেলারকে সেলাম দিয়া
দাঁড়াইল)

সিপাহী—চিঠি সাব!

জেলার—ওঃ, ডাক এসেছে?

সিপাহী—জী হুজুর।

জেলার—রেখে যাও।

(সিপাহী টেবিলের উপর চিঠির বাগিল রাখিল এবং জেলার
একের পর এক চিঠি খুলিয়া পড়িতে লাগিল)

জেলার—(সহসা একটি চিঠি পড়িয়া জেল-সুপারিন্টেন্ডেন্টের
প্রতি) স্মরণ, সমীর হাজার release order এসেছে। আজই তাঁকে
release করতে হবে।

সুপারিন্টেন্ডেন্ট—কই দেখি! (জেলার চিঠি লইয়া সুপারিন্টেন্ডেন্টের
টেবিলের নিকট গিয়া চিঠি দিয়া পুনরায় নিজ চেয়ারে
বসিল ; সুপারিন্টেন্ডেন্ট চিঠি পড়িতে লাগিল)

জেলায়—(স্বগত) তাই তো । আজ হঠাৎ সমীরবাবুর মুক্তির আদেশ কেন হ'ল ? হয় তো পনেরোই আগষ্টের জঞ্জ মহাপ্রভুদের এই দয়া ; এ দয়াটা যদি আর দু একমাস পূর্বে দেখাতেন, তা হলে হয়তো আজ সমীরবাবুকে এই রকম ভগ্নস্বাস্থ্য নিয়ে ফিরতে হ'ত না ।

(প্রকাশ্যে) স্মর, এখনই কি সমীরবাবুকে release করে দেবেন ?

সুপারিন্টেন্ডেন্ট—নিশ্চয়ই ; এই কোন্ হায়া ; সমীর হাজরাকে বোলাও ! (সিপাহীর প্রবেশ ও সেলাম)

না তোম্ যাও !

(সেলাম দিয়া সিপাহীর প্রস্থান)

(স্বগত) চাকরী রাখতে হ'লে এবার তবে ভিন্ন পথে চলতে হবে ।

(জেলারের প্রতি) আমিই যাই, কি বলেন, জেলাবাবু ?

জেলায়—নিশ্চয়ই স্মর আপনি গেলেই ভাল হয় । কারণ, সমীরবাবু তো আজ প্রায় তিনমাস নির্জন 'সেল'-এ আটক আছেন । খবর কাগজ পর্যন্ত পড়তে পান না । বাইরের কোন খবর তাঁর কাছে যায় নি । তা ছাড়া এতদিন নির্জন 'সেল'-এ থেকে মানসিক অবস্থাও কেমন আছে—বলা যায় না । সিপাহী পাঠালে যদি পনেরো আগষ্টের কথা বেরফাস করে বসে—তবে উত্তেজনার মুখে হঠাৎ হাট ফেল কিম্বা একটা কিছু খারাপ তো হতে পারে । সে ক'কি নেওয়া কি ঠিক হবে ?

সুপারিন্টেন্ডেন্ট—হ্যা ; ঠিকই বলেছেন আপনি, আমিই যাই ।
(সুপারিন্টেন্ডেন্টের প্রস্থান)

। ২

[স্থান—জেলের অন্ধকারময় সেল-কক্ষ । সম্মুখে জেল-প্রাঙ্গণ । সেলে সমীর একা ধীরে ধীরে পাঘচারি করিতেছে । মুখ দারুণ চিন্তার ভাব—শরীর ক্লান্ত, দুর্বল ও অবসন্ন ; মুখ জোড়া চাপদাড়ি]

(বাহিরে গেটের তাল খোলার শব্দ ; সমীর হঠাৎ থামিয়া সেইদিকে তাকাইল)

(সুপারিন্টেন্ডেন্টের প্রবেশ)

সুপারিন্টেন্ডেন্ট—নমস্কার সমীরবাবু ।

সমীর—নমস্কার, কি মনে করে সুপারিন্টেন্ডেন্ট সাহেব ।

সুপারিন্টেন্ডেন্ট—বাহিরে চলুন, বলছি ।

সমীর—কেন, এখানেই বলুন না । আজ তিনমাস আমি একটানা এই স্বর্গে বাস করছি । আর আপনি এক মিনিটও এখানে দাঁড়াতে পারেন না ?

সুপারিন্টেন্ডেন্ট—সে কথা হবে এখন সমীরবাবু ; চলুন, বাইরে যাওয়া যাক ।

সমীর—চলুন ।

(উভয়ে সেল হইতে বাহির হইয়া জেল-প্রাঙ্গনে আসিয়া দাঁড়াইল)

সুপারিন্টেন্ডেন্ট—আপনার জন্ম একটা সুসংবাদ এনেছি, সমীরবাবু ।

সমীর—সুসংবাদ ? কিসের ?

সুপারিন্টেন্ডেন্ট—আপনি মুক্ত , এইমাত্র আপনার release order পেলাম , আপনি এখনই যেতে পারেন ।

সমীর—হঠাৎ এই অসময়ে মুক্তি ? কেন, কি হয়েছে ? ঠাট্টা করছেন না তো ?

সুপারিন্টেন্ডেন্ট—না সমীরবাবু, না । আপনারা আমাদের শুধুই কেবল ভুল বোঝেন । ঠাট্টা করবো কেন ? এই দেখুন না—আপনার release order

(সমীর কাগজখানি হাতে লইল)

সমীর—(কাগজের উপর দৃষ্টি রাখিয়া) release,—যন্দ নয়, (সুপারিন্টেন্ডেন্টের দিকে তাকাইয়া) এখনই কি যেতে হবে ?

(কাগজটি সুপারিন্টেন্ডেন্টকে ফেরৎ দিল)

সুপারিন্টেন্ডেন্ট—আজ্ঞে হ্যাঁ, আপনি প্রস্তুত হয়ে নিন ।

সমীর—আমি তো প্রস্তুত হয়েই আছি ; চলুন ।

সুপারিন্টেন্ডেন্ট—প্রস্তুত ? বলেন কি ? আপনার জিনিষপত্র কিছু নেবেন না ?

সমীর—না সুপারিন্টেন্ডেন্ট সাহেব, এখানকার কোন জিনিষই আমি নিতে চাই না । মুক্ত আকাশতলে এখানকার জিনিষ নিলে—মুক্ত আমাদের আবহাওয়া এখানকার তিক্ত স্মৃতিতে বিষাক্ত হয়ে উঠবে ।

সুপারিন্টেন্ডেন্ট—কি করবো সমীরবাবু, জেলের ভেতরকার আবহাওয়া যে ভাল নয়—তা' আমরাও বুঝি । আমরাও তো মানুষ ; কিন্তু দুটো ডালভাতের জন্ম আমরা একেবারে গোলাম বনে গেছি । অত্যাচার ষখন আমাদের করতে হয়, তখন মনে আমাদেরও লাগে ; কিন্তু আমরা নিরুপায় । আশা করি, আপনি এইটুকু বুঝে আমাদের ক্ষমা করে যাবেন,—যাওয়ার আগে ।

সমীর—ক্ষমার কি আছে, সুপারিন্টেন্ডেন্ট সাহেব । আপনারা আপনাদের কর্তব্য করেছেন । চলুন, এবার যাওয়া যাক । দেখা যাক, এগারোটার গাড়ী পাওয়া যায় কিনা ।

সুপারিন্টেন্ডেন্ট—চলুন, এই নিন্ আপনার পথ-খরচ ।

(সমীরকে টাকা দিল)

সমীর—আচ্ছা, নমস্কার । তবে যাই ।

সুপারিন্টেন্ডেন্ট—চলুন, জেল অফিস হয়ে আপনাকে জেলের বাহিরে এগিয়ে দিয়ে আসি ।

(উভয়ের প্রস্থান)

চতুর্থ অঙ্ক

প্রথম দৃশ্য

[নিস্তর পল্লী অঞ্চল ; সময় সন্ধ্যা ; সমীরের গ্রাম্যবাটীর প্রাঙ্গণে সমীরের মা শাঁখ বাজাইয়া সন্ধ্যা-প্রদীপ জালিয়া তুলসী-তলায় প্রণাম করিতেছেন । এমন সময় সমীর প্রাঙ্গণে পা দিল]

সমীর—মা ! মা ! আমি এসেছি

(সমীরের মা তাড়াতাড়ি উঠিয়া ‘কে ? কে ?’ বলিয়া আগাইয়া আসিলেন ।)

আমি সমীর, মা !

(সমীর মায়ের পদধূলি লইবার জন্ত অগ্রসর হইল)

সমীরের মা—কে, সমীর ? এসেছিস্ বাপ ! একি চেহারা হয়েছে ? সয়তানরা শরীরটা যে একেবারে শুষে খেঁষেছে ! আয় বাবা ! আয় বুকে আয় ! (সমীর নত হইয়া মায়ের পদধূলি লইতে মা ছেলেকে বুকে টানিয়া লইলেন ।) (স্বগত) ভগবান ! বিধবার একমাত্র বুকের মদি, তাও সয়তানদের সয় না ।

সমীর—(মায়ের বুকে মুখ লুকাইয়া) অধীর হয়ো না মা ! এত অধীর হলে চলবে কেন ? তুমিই তো আমায় দেশকে ‘জননী’ বলে ভাল-বাসতে শিখিয়েছো মা ! দেশের কাজে জীবন উৎসর্গ করবার শিক্ষা দিয়েছো ! তোমার কি অধীর হওয়া সাজে মা ?

[সমীরের মা—চল বাবা ! ভিতরে চল ।

(সমীরকে ধরিয়া লইয়া প্রস্থান)

দ্বিতীয় দৃশ্য

[সমীরের শয়ন-কক্ষ ; সমীর ও মাতা খাটের উপর বসিয়া]

সমীরের মা—তুই একটু শুয়ে পড় বাবা ! ভোর জন্ত দুধ গরম করে আনিগে ।

সমীর—না মা, দুধ পরে আনবে'খন । এখন তোমার কোলে মাথা দিয়ে আমি একটু শোব ।

সমীরের মা—তা শো' বাবা ! (সমীর মাঘের কোলে মাথা রাখিয়া শুইল) কি শরীরই তোর হয়েছে বাবা ! তোর অনশনের খবর পেয়ে আমিও স্বপ্না দেখা করবার জন্মে দু'দিন জেল-গেটে পন্ন দিলাম । তবু সয়তানদের দয়া হ'ল না ।

সমীর—(একটু মাথা তুলিয়া) স্বপ্নাও গেছলো মা ?

সমীরের মা—হ্যাঁ বাবা, গেছলো ! সে তো আমাকে কাছ-ছাড়া করেনি বাবা ! তুই জেলে যাওয়ার পর থেকে ঠিক ছাওয়ার মত আমার পেছনে রয়েছে । এই আজ সকালেও এক মাইল পথ হেঁটে এখানে এসেছিল

সমীর—(চিন্তাশ্রিতভাবে) হঁ ! দেশ-সেবার অনেক কষ্ট ! (খানিক থামিয়া) তুমি দেশমাতার কাজে আমায় সাঁপে দিয়ে দুঃখ করো না মা ।

সমীরের মা—না বাবা, দেশমাতার জন্মে তোকে সাঁপে দিয়ে দুঃখ করব কেন ? তবু যে পোড়া মাঘের মন বাগ মানে না সমী ! কতো দুঃখের রাতে অঙ্ককারের মধ্যে দেশমাতাকে মনে মনে বন্দনা করে বলেছি “মা তোমার পায়ে ঘেন আমার ছেলের এই রকম চিরকাল মতি থাকে ! কতো মা তাদের পেটের সম্মানকে বলি দিয়েছে তোমার বন্দিনী-দশা ঘুচাবার জন্ম ; কতো হীরের টুকরো ছেলে গুলির মুখে লুটিয়ে পড়েছে ‘বন্দেমাতরম্’ বলে ! আমার ছেলেকেও তার উপযুক্ত করে নাও মা !” এই রকম এক-মনে সাধনার পর যখনি তোর কৈ কোন অকল্যাণকর ছবি মনের মধ্যে উঁকি দিয়েছে, তখনই আবার আমার মনের ভিতরে কোমল নারী-প্রকৃতি জেগে উঠে ডুকরে কেঁদে উঠেছে । পারি নি তাকে জয় করতে সমী । বিয়ে ত করলি নি বাপ ! সম্মানের বাপ হলে বুঝতিস্, অপত্য স্নেহের কী জালা !

(হঠাৎ সচকিত ভাবে) দেখ দেখি আমার কী ভোলা মন ! তোমার খাওয়া-দাওয়ার ব্যবস্থা করব কি—গল্পই জুড়ে দিয়েছি আপন মনে ।

সমীর—(বাধা দিয়া) আঃ মা, তোমার কোলের মধ্যে মাথা দিয়ে শুয়েছি, আজ কতো কালের পর ! আমাকে এম্মি করে শুয়ে থাকতে দাও মা আরও কিছু কাল । খাওয়া-দাওয়ার চিন্তা পরে হবে'খন ।

সমীরের মা—তেম্মি এগুণ্ডেটি আছি' বাবা ! আচ্ছা, শুয়ে থাক বাবা, শুয়ে থাক । তা এত রাত্তিরে এলি যে ! দিনের :গাড়ী ধরতে পারিস নি বুঝি ?

সমীর—তা কেন পারবো না মা ! দিনের গাড়ীতেই এসেছিলাম । দু' একজন পরিচিতকেও দেখলাম ! কিন্তু আমার মুক্তি এত অপ্রত্যাশিত, দাঁড়ি, গৌফ, আর ভাঙ্গা স্বাস্থ্য আমার চেহারা এত বদলে গেছে যে, তারা আমায় দিনেই চিনতে পারলে না । আমিও ভাবলাম, আগে আমার মায়ের কাছে যাবো, তারপর আমার মুক্তির সংবাদ সকলের কাছে যাক । তাই আর কাউকে ধরা না দিয়ে গ্রামের ষ্টেশনে পৌঁছে দু' ঘণ্টা ষ্টেশনের বাইরে ফাঁকা বটতলায় বসেছিলাম সন্ধ্যার অপেক্ষায় । সেই বটতলা মা, যেখানে পুলিশের লাঠিতে আমি রক্তাক্তদেহে অজ্ঞান হয়ে পড়েছিলাম । চোখ মেলে দেখি তুমি আমার মাথাটা কোলে নিয়ে বসে আছো, আর তোমার সারা কাপড় রক্তে ডুবে গেছে ।

সমীরের মা—ঘাট বাছা—সে কথা এখন থাক ।

সমীর—আচ্ছা মা থাক ! হ্যাঁ, তারপর যখন সন্ধ্যা হয়ে এল, তখন ধীরে ধীরে উঠে গাঁয়ের পথ ধরে দু'টি মাইল হেঁটে এলাম । অবিশি রাস্তায় দু' চারবার বসতে হয়েছে । বেশী হাঁটতে পারি না মা, দশ মিনিট হাঁটলেই যেন হাঁফিয়ে পড়ি, দম বন্ধ হয়ে আসে ।

সমীরের মা—বেশী কথা বলিস নি বাছা, একটু চুপ করে শুয়ে থাক । একটু দুধ গরম করে নিয়ে আসি । কেউ তো নেই বাছা !

শ্যামলীর মা বেতন না পেয়েও ছ'মাস আমার কাছে ছিল। কিন্তু তার অভাব দেখে আমিই এক রকম তাকে জোর করে ছাড়িয়েছি। আমি দুধ নিয়ে আসি সমী !

সমীর—না মা থাক্ ! তুমি এখন আমাকে মোটেই ছেড়ে যেও না ; আমার যেন কেমন করছে—আমার দুর্বল মাথার মধ্যে শতসহস্র চিন্তা পাক খেয়ে কেমন যেন মিলিয়ে যাচ্ছে। আমি যেন কেমন ভূতগ্রস্ত হয়ে পড়ছি।

সমীরের মা—ছি বাবা ! কী যে অকল্যাণের কথা বলিস্ ! আচ্ছা তুই স্থির হয়ে শো', আমি যাব না কোথাও।

সমীর—একটা ঘুমপাড়ানী গান গাওনা মা ! আমি একটু সুম্বো। এতদিন পর তোমার কোলে মাথা রেখে আমার চোখ যেন ঘুমে জড়িয়ে আসছে। কিন্তু এই অন্ধকারের মধ্যেও সহস্র চিন্তার জাল মাথার ভিতর পাক খেয়ে ঘুমকে ঠিক আসতে দিচ্ছে না। তাই বলছি মা, একটা ঘুম পাড়ানি গান গাও।

সমীরের মা—শোন পাগল ছেলের কথা ! এই বয়সে ঘুম পাড়ানি গান শুনে তোর ঘুম আসবে ?

সমীর—আঃ কী যা-তা বলো মা। আমি কি তোমায় সেই দুষ্-পোষ্য শিশুর ঘুমপাড়ানি গান গাইতে বলছি মা ! সেই গানটা গাইতে বলছি—যেটা স্বপ্নপাকে শিখিয়েছি। যে গানের স্বর শুনে শুনে আমার দলের বাদল স্বরীর চির-নিদ্রা ঘুমিয়ে পড়ল—পুলিশের গুলির আঘাতে। সেই ঘুমপাড়ানী গানটা গাও না মা ! সে গানটা শুনে বড্ড ভাল লাগে। আমার রক্তে যেন আগুনের হুঙ্কারে উঠে।

(রত্নার প্রবেশ)

রত্না—মা, দিদি পাঠিয়ে দিলে তোমার খবর নিয়ে যেতে। আজ দিদির একটু শরীর খারাপ, তাই এ বেলা আর আসতে পারে নি।

সমীর—কে মা ?

সমীরের মা—স্বপ্নার বোন রত্না !

রত্না—আরে—সমীরদা' কখন এলেন ? কী যে চেহারা হয়েছে,
চেনাই যায় না। খবরটা তো এখান দিদিকে দিতে হয় !

(ফিবিতে উদ্বৃত)

সমীরের মা—(রত্নার প্রতি) রত্না, একটু দাঁড়া ! সেই গানটা
গেয়ে যা' তো—যেটা তোব দিদির কাছে শিখোছস্। সেই 'ঘুমিয়ে
পড়ো মায়ের কোলে।'

রত্না—এখনও যে ভাল শেখা হয় নি কাকীমা !

সমীর—ভারী যে ছুটু হয়োছস্, শীগ্গির গা বলছি।

রত্না—কেন, ছকুম নাকি ?

সমীর—হ্যাঁ, ছকুমই তো !

রত্না—বেশ গাইছি। গান খারাপ হ'ল দোষ দিতে পারবেন না
কিন্তু ! (রত্না গান ধয়িল)

গান

ঘুমিয়ে পড়ো মায়ের কোলে

মাদল বাজে ওই ;

গুলিব মুখে জীবন দিয়ে

হ'বি রে আজ জয়ী !

মরণ জয়ের তোরাই সেনা

ভয় কারে কয় নাইকো জানা

তোদের বুকের রক্ত ধারায়

মুক্তি আসে ঐ।

তোদের বুকে খুন আগে যা'

মাঘের পায়ে ফুল !

ফুল ফোটাতে ফুল ঝরে তো

ছঃখ করাই ভুল !

জীবন ফুল ঝরণো বটে

রক্তধরা ঐ তা' ফোটে

রণাঙ্গিনী মা আমাদেব

হাস ছ বরা ভয়ী !

(গান শেষ করিয়া) আমি এখন আন কাকৌমা ! সমীরদা'র আসার খবর দিদি:ক দিতে দেবী হলে দাদ ভাষণ বক্বে ।

সমীরের মা—(রত্নার প্রতি) আচ্ছ, তুই যা । (রত্নার প্রশ্নান)
 (সমীরের প্রতি) সমা, ও সমা ! সত্যিই ঘুমিয়ে পড়লি গান শুনে !
 (মাথাটা বালিশের উপর রাখিয়া,) এই ফাঁকে একটু দুধ গরম করে আনিগে যাই । (মাঘের প্রশ্নান)

~~সমীরের মা~~ ।

[সমীরের গৃহের বহির্দ্বার । সময়—প্রাতঃকাল । সমীরের বন্ধু তপন ও অনিল দরজায় ধাক্কা দিতেছে ।]

তপন—সমীরদা, ও সমীরদা' । (সমীরের মার দরজা খুলিয়া, প্রশ্ন)
 সমীরদাব আসার খবর ^{কেন} ~~কাল~~ ^{কেন} ~~আমাদের দাঁড়নি~~ ^{কেন} ~~কেন~~ কাকৌমা ?

সমীরের মা—কি করে খবর দিই বাবা ! ত'র যা' শরীরের অবস্থা ! সন্ধ্যায় আসার পর হতেই আমাকে একদণ্ড চোখের আড়াল করতে চায় নি । সেবা শুক্রবাতাই অনেক রাত হয়ে গেল ।

অনিল—চলুন কাকৌমা, সমীরদার কাছে যাই ।]

সমীরের মা—কিন্তু আর একটু অপেক্ষা কর বাবা। সমী এখন
ঘুম হ'তে উঠেনি। যা শব্দবের অবস্থা হয়েছে, দেখলে চিনতে
পারবে না বাবা। কাল ব্যক্তিতে অনেক কথা বলেছে, বড দুর্বল।
তাই আব একটু প ব ডাকব—কেমন ?

অনিল—আমাদের যে আব নেরী সইছে না কাকীমা। গতকাল
সম রদ কে দেখি ন। সেবারে ছেলগেটে ছ' ঘণ্টা গিয়ে আমবা ধরা
দিনাম—খেবাব অনশন করে। তবু দেখা কবার অ মতি মিললে না।
[কাকীমা, সমীবদার ঘনাই যাই।

সমীরের মা—তবে তাই চন বাবা।

(বকুণ নকলে দবজাব ভিতব দিগা ভিতবে পবেশ ক'বল)

চতুর্থ দৃশ্য।

[সমীবেব শযন কক্ষ—সমীর নিদ্রায় মগ্ন। অনিল, তপন ও সমীবেব
মা ধীবে ধীবে প্রবেশ কবিল।]

তপন—ইস্, এ কী চেহারা হয়েছে, কাকীমা, সত্যিই যে সমীরদাকে
চেনা শক্ত হয়ে পড়েছে।

অনিল—চুপ, আস্তে, আমরা একটু স্থির হয়ে বসি, ঘুম না ভাঙ্গা
পর্যন্ত।

সমীরের মা—তোমরা বস বাবা, আমি একটু তোমাদের জন
খাবাবের ব্যবস্থা করি। (প্রস্থান)

তপন—পনেরোই আগষ্টেব এখনো ঠিক পনেরো দিন বাকী।
স্বাধীনতা উৎসব সমীবদাকে নিয়ে বেশ ভালই হবে।

অনিল—আমি তাই ভাবছিলাম, সমীরদাকে এখনও ছাড়লে
না কেন ? (সমীব পাশ ফিরিল)

তপন—চুপ, চুপ সমীরদা' এবার পাশ ফিরছে।

সমীর—কে ?

অনিল ও তপন —(সমস্বরে) এই আমবা এসেছি সমীরদা।

সমীর—(সহসা উঠিয়া বসিয়া) আরে তোবা কখন এলি ? আমায় ডাকিস নি কেন ?

তপন—কি কবে ডাকি সমীরদা, যা তোমাব চেগরা হয়েছে।

সমীর—) স্মিতমুখে হাসিয়া) ওঃ, এই কথা। আবে বৃটিশেব কারাগার কি জাগাই-বাড়ী। সেখানে দেশের যত নির্ভীক যুবকদেব বক্তৃতা শোষণ কবে নেয় তিলে তিলে—যেমন তেলেব ঘানতে তেল নিঙড়ে শেষে ছিব্‌ডেগুলো ফেলে দেওয়া হয়। দেশ-সেবা ব্রত নিয়ে কাজে নেমেছি ভাই, তার জন্তে দুঃখ কবলে চ'লবে কেন ? তা' তোমা সব কেমন আ ছস্ বন্।

অনিল—তোমাকে তা হলে পনেরোই আগষ্ট উপলক্ষে ছেড়েছে সমীরদা ?

সমীর—(বিস্মিত স্বরে) পনেরোই আগষ্ট। কিসেব পনেবোই আগষ্ট !

তপন—পনেরোই আগষ্ট জাননি সমীরদা ? তুমি যে অবাক কবুল।

সমীর—না কিছুই জানিনা তো ! কেন, কি হবে পনেরে ই আগষ্ট !

অনিল—পনেরোই আগষ্ট যে ভারত স্বাধীনতা পাচ্ছে !

সমীর—(হাততালি দিয়া বিছানা হইতে উঠিয়া) অ্যা, তাই নাকি ? কে বললে তোদের এই কথা ?

অনিল—কেন, এ-কথা তো সকলেই জানে। সরকার তো জানিয়ে দিবেছে, তুমি জান না,—কি আশ্চর্য !

সমীর—আমি যে নির্জ্ঞান সেল-এ বন্দী ছিলাম, জানবো কি করে ? বল 'বন্দেমাতরম্'।

সকলে—‘বন্দেমাতরম্’

সমীর—“জয়হিন্দ”

(সমীর বিছানা উপর বসিয়া উত্তেজনাঘ ঠক্ ঠক্ করিয়া কাঁপিতে লাগিল)

সকলে—‘জয় হিন্দ’

(সমীরের মার প্রবেশ)

সমীরের মা—(সমীরের উত্তেজিতভাব লক্ষ্য করিয়া) কি হয়েছে ?
এমন করে কাঁপছিস কেন, বাবা ?

তপন—সমীরদা’, ও সমীরদা’, এমন করছো কেন ? শুয়ে পড়ো,
শুয়ে পড়ো !

(সকলে ধরা-ধরি করিয়া সমীরকে শোয় ইতে চাহিল)

সমীর - (বাধা দিয়া) না, না, তোরা আমায় আর শোয়াসনি ।
আমার এই কঙ্কালসার শরীরে যেন আমি মত্ত হস্তীৰ বল ফিরে
পেয়েছি ! দেখছিস না, আমার সেই বলিষ্ঠ হাত আজ কি অবস্থা
হয়েছে । তবু এর নীল শিরাগুলো যেন ঠিকরে বেরুতে চাইছে । এই
শীর্ণ হাতেই আমি জাতীয় পতাকা বয়ে নিয়ে চলবো—সকলের আগে ।
(মায়ের প্রতি) মা, তুমি আমায় এই খবর দাও নি কেন, কাল ?

সমীরের মা—কি করে দিই বাবা ! তোমার শরীরের অবস্থা
দেখেই আমার বুকের রক্ত শুকিয়ে গেছে । তা ছাড়া, তুই যে এ
ধরনের জানিস নি—তা’ আমি কেমন করে জানব বল !

সমীর—ও এতক্ষণে বুঝতে পেরেছি—কেন আমায় জেল হতে
মুক্তির সময় এত কৈফিয়ৎ, এত অন্তনয় বিনয় ! বুঝতে পেরেছি আমার
মুক্তির কারণ ! (মায়ের প্রতি) মা, তাহলে য়ে আর এক মুহূর্ত্ত
বিশ্রামের সময় নেই । অনেক কাজ এখনও বাকী । কি করে ভারতের
স্বাধীনতাকে বরণ করি, তা দেখবার জন্য স্বর্গগত শহীদের দল একদৃষ্টে

আমাদের দিকে তাকিয়ে আছেন। আমি দেখতে পাচ্ছি আমার চোখের সামনে মহীয়সী নারী মাতঙ্গিনী হাজার অস্পষ্ট রূপ—যিনি জাতীয় পতাকা হাতে গুলিবদ্ধ রক্তাক্ত দেহে এগিয়ে আসছেন এই দিনটাকে বরণ করে নেবার জন্য।

অনিল—সমীরদা তুমি এত অস্থির হযো না। তোমার দুর্বল শরীরে এত অস্থির হওয়া ঠিক হবে না। তুমি স্থির হও! তোমার কথা মত আমরা সব ব্যবস্থাই করে দিচ্ছি।

সমীরের মা—আমার কেমন ভাল মনে হচ্ছে না! ডাক্তারবাবুকে একবার খবর দিই!

অনিল—তাই দিন কাকীমা!

(সমীরের মায়েব প্রস্থান)

সমীর—আরে না, না, তোরা যে কি বলিস। আমার এই তুচ্ছ শরীরটাকে রক্ষা করার জন্মেই কি এতদিন দেশের কাজে ঘুরে বেড়িয়েছি? পুলিশের গুলির সামনে বুক পেতে দিয়েছি? বাদল ও গণেশকে এইভাবে মৃত্যুর সামনে ঠেলে দিয়েছি? মনে পড়ছে, বাদল তার শেষ নিঃশ্বাসের সঙ্গে বলেছিল, “সমীরদা, আমি চললাম। দেশের স্বাধীনতা আসবে! সেই দিনই শুধু আমার কথা শ্রবণ করো। তার আগে নয়।” আর আজ সেই স্বাধীনতার দিন আসচে, আমি আমার এই তুচ্ছ শরীরের দিকে তাকিয়ে নিশ্চেষ্ট হয়ে বসে থাকব! না না—তোরা আমায় একটু সাহায্য কর—আমি সারা গ্রামখানা এখন ঘুরে আসতে চাই। (সমীর ধীরে ধীরে খাট হইতে উঠিয়া দাঁড়াইল)

তপন—না না—সমীরদা, তুমি উঠা না। এই দুর্বল শরীরে এমন উত্তেজনার মাঝে আমরা তোমার নিয়ে যাবো না।

সমীর—কি যে যা-তা বকিস! চল, চল, বেরিয়ে পড়ি! বঙ্গ ‘বন্দেমাতরম্’।

অনিল ও তপন—‘বন্দে মাতরম্’

(সহসা সমীব খক খক করিয়া বাসিয়া উঠিল ও তাব মুখ দিয়া এক ঝলক বক্ত উঠিল ।)

অনিল ও তপন—একি, একি । এ যে রক্ত, কাকীমা কাকীমা ।

(সমীরেব ম ব পবেশ)

সমীরের মা—কি বাবা । কি হল ।

তপন—সমীবদা’ব মুখ দিযে এক ঝলক রক্ত উঠল কাকীমা ।

সমীরের মা—অ্যা ! তাই নাকি । হায় ভগবান । শুয় পড়, সমী, শুয়ে পড় ! (সকলে ধরিয়া সমীবাক শোয়াইল , সমীব উত্তেজনায শ্রাস্তিতে হাঁপাইতেছে ।)

অনিল—আমি ডাক্তার বাবুকে কএকবার ডেকে আনি এখনি ।

সমীরের মা—হ্যা বাবা, নী গ গিব যাও , আমায় তো বল্লেন, এখনি আস্বেন ।

(অনিলের বহির্গমন)

(সমীরের মা চোখে অঞ্চল দিয়া অশ্রু মুছিতে লাগিল)

সমীর—(শাস্তভাবে) বুখাই তোমবা চেষ্টা কবছো ! আমি জানি আমার দিন ফুবিযে এসেছে । তবু দুঃখ নেই । দেশকে স্বাধীন দেখে যাওয়ার জন্য কয়টা দিন বেঁচে থাকতেই হব । (মাযের প্রতি) তুমি কেন চোখেব জল ফেলছো মা ! এতে যে দেশমাতার অকল্যাণ হবে মা । বাদলও তো তোমাব ছেলে ছিল । গনেশও তো তোমাব ছেলে ছিল । কে বল এক মাযেব পেটে না জন্মালে কি ছেলে হয় না মা , তুমিই ত বলেছ মা, যারা দেশের কাজে জীবন উৎসর্গ কবেছে, সকলেই তোমার ছেলে । আমি, গনেশ, বাদল একসঙ্গে ত তোমার চরণ বন্দনা করে বিযাঙ্গিশেব অ গষ্ট বিপ্নবে ঝাপ দিযেছিলাম । একটুর জন্য গুলি আমায় না বিঁধে তাদের দুজনকে বিঁধলে—অজ তারা যে

আমার দিকে তাকিয়ে আছে মা—আমি কি করে তাদের আত্মনানের মর্যাদা রক্ষা করি তা' দেখবার জন্মে ।

সমীরের মা—জানি বাবা, সব জানি ! তুই চূপ কর ! আমি আর চোখের জল ফেলবো না । আর বেশী কথা বলিস্ নি । আবার রক্ত উঠবে'খন ।

সমীর—তবে আমাকে তোমরা বাহিরে যেতে দেবে না এখন ?

তপন—তুমি একটু স্থির হও, সমীরদা' ! ডাক্তারবাবু এসে দেখে যান-। তারপর বাহিরে যেও ।

(ধীর পদক্ষেপে স্নস্বপ্না প্রবেশ করিল ও সমীরের পায়ে হাত দিয়া মাথায় ঠেকাইল ।)

সমীর—(মাথা তুলিয়া) কে ?

স্নস্বপ্না—আমি স্বপ্না সমীরদা' ।

সমীর—তুমি কখন এলে স্বপ্না ?

স্নস্বপ্না—আমি এখন এসেছি সমীর দা ! (সমীরের মাথের প্রতি)
সমীরদা' শুয়ে কেন কাকীমা ?

(সমীরের ম ইঙ্গিতে চূপ করিতে বলিল)

সমীর—সামনের দিকে এস স্বপ্না ।

(স্বপ্না সমীরের সামনে আসিয়া দাঁড়াইল ।)

স্নস্বপ্না—একি চেহারা হয়েছে সমীরদা !

(অনিলের প্রবেশ)

অনিল—ডাক্তারবাবু এসেছেন কাকীমা ।

সমীরের মা—ভিতরে নিয়ে এস বাবা !

(অনিল বাহিরে গেল)

স্নস্বপ্না—(সমীরের মাথের প্রতি, চাপা স্বরে) ডাক্তার কেন কাকীমা ।
সমীরদা'র কী হ'ল ?

সমীরের মা—(চাপা স্বরে) মুখ দিয়ে রক্ত উঠলো, মা ।

সুস্বপ্না—(ভীতস্বরে) রক্ত উঠলো ।

(ডাক্তারকে লইয়া অনিলের প্রবেশ)

ডাক্তার—(সমীরকে দেখিয়া) সমীরবাবু চোখের এই অবস্থা হয়েছে ।

সমীর—ভাল আছেন, ডাক্তারবাবু ।

ডাক্তার—ভাল আছি সমীরবাবু । কিন্তু আপনি যে শবীরটা একেবারে ভেঙ্গে এনেছেন । আপনি একটু স্থির হোন । আমি দেখি একবার ।

সমীর—কি দেখবেন ডাক্তারবাবু । আমি জানি আমার খাইসিস্ হয়েছে । জেলখানায় যখন নির্জন সেলে ছিলাম তখনই বুঝতে পেরে-ছিলাম । কিন্তু জানাই নি কাউকে । কাবণ, জানিয়ে কোন ফল হত না ।

ডাক্তার—কেন জানান নি, ভারী অগ্রায় কবেছেন । আচ্ছা আপনি চুপ করুন, আমি বুকট একটু দেখি ।

সমীর—দেখুন, কিন্তু বুঝা চেষ্টা ডাক্তারবাবু, বোগ আপনার ডাক্তারি শাস্ত্রের বাইরে চলে গে'ছ ।

(স্টে'থাস্কোপ সাহায্যে বুক ও পিঠ পরীক্ষা করিয়া)

ডাক্তার—(বন্ধুদের প্রতি) আপনাবা একবার বাইবে আসুন ।
(সমীরের মাযেব প্রতি) আপনিও আসুন ।

সমীর—তবে তোমরা আমায় এখন বাইবে নিয়ে যাবে না ?

অনিল—হ্যাঁ, নিয়ে যাবো সমীরদা' । তবে ডাক্তারবাবু কি বলেন—
শুনে আসি ।

(ডাক্তার, সমীরের মা ও বন্ধু'দব বহির্গমন)

সমীর—স্বপ্না ।

সুস্বপ্না—কি বলছেন, সমীরদা ।

সমীর—না, এমনিই ডাকছিলাম।

সুস্বপ্না—বলুন না, সমীরদা কি বলছিলেন।

সমীর—বলবার যে অনেক কিছুই ছিল স্বপ্না, কিন্তু তাব সময় বুঝি আব মিললো না।

সুস্বপ্না—না, না, একথা বলবেন না—বলুন কী বলতে চান।

সমীর—(সুস্বপ্নার হাত নিজের মৃঠোর মধ্যে লইয়া) তুমি এবার বিয়ে কর স্বপ্না! তোমার জীবনে আমি ঠিক অভিশাপেব মতই এসেছিলাম, তাই—

সুস্বপ্না—তাই, তাই কি! সমীরদা' বলো, বলো, খামলে কেন? আমি তোমার,—আপনার নিজের মুখেই শুনতে চাই সে কথা।

সমীর—সে কথা থাক, 'তুমি' বলে, আবার 'আপনি' বলে যে—

সুস্বপ্না—ভুল কবে ফেলেছিলাম, সমীরদা।

সমীর—এ ভুল কি তুমি একাই করেছ স্বপ্না! আমিও যে এ ভুলের জগৎ জলে পুড়ে মরছি।

সুস্বপ্না—কি ভুল সমীরদা', বলো, বলো!

সমীর—বলবো? কিন্তু বলে কি আজ আব কোন লাভ আছে, স্বপ্না। 'মিছে তোমায় বিব্রত করা।

সুস্বপ্না—না সমীরদা বলতেই হবে তোমায় একথা! এতখানি যখন বলেছে, তখন সব কথা তোমায় আজ বলতেই হবে।

সমীর—নেবেছিলাম, দেশসেবা ব্রত উদ্‌ঘাপনেব পব যদি অবসব মেলে, কেবল সেইদিনই তোমায় ঐ কথা জানাবো। জানাবো ঠিক নয়! আমার প্রার্থনা নিয়ে তোমার কাছে দাঁডাবো! কিন্তু^৩ সময় বোধ হয় আব মিললো না।

সুস্বপ্না—না, না, ও অলক্ষুনে কথা আর তুমি বোলো না।

সমীর—আচ্ছা বলবো না। তুমি একটি গান শুনাবে স্বপ্না।

সুস্বপ্না—বিন্দু তোমার এই স্বাস্থ্য দেখে আমার বুকের রক্ত যে শুকিয়ে গেছে ! গান যে আর মনে আসছে না সমীরদা ।

সমীর—আসবে, স্বপ্না, আসবে ! এত অধীর হলে তো আমাদের চলবে না । গুন্ডির মুখেও আমাদের হাত ধরাধরি কবে হানিমুখে গান গেয়ে যেতে হবে , আমরা যে মৃত্যুঞ্জয়ীর দল ! আমাব শিক্ষা কি এত শীগ্গির ভুলে গেলে স্বপ্না !

সুস্বপ্না—না না সমীরদা, তা ভুলবো কেন ? তবে আপনার নিজের অসুখ কিনা, তাই ।

সমীর—(ধমকছলে) আবার ‘আপনি’ ।

সুস্বপ্না—(মুচকি হাসিয়া) আচ্ছা বেশ, ‘তুমি’ ।

সমীর—দেশের জন্ত মৃত্যুর মুখে দাঁড়িয়ে যখন গান গাইতে পারো, তখন আমাব অসুখেই বা গাইতে পারবে না কেন ? আমি কি দেশের চেয়ে বড় ?

সুস্বপ্না—না সমীরদা, তা নয়, তবে—

সমীর—থাক, তর্ক আচ্ছ আর আমি করবো না । গান ধরো—

সুস্বপ্না—কি কথা বলবে বলেছিলে, বললে না ?

সমীর—আর এক সময় বলবো ; এখন গান শুনাও ।

সুস্বপ্না—কোন গানটি, সমীরদা ?

সমীর—তুমি যেদিন প্রথম পরিচয়ে মাথা লুটিয়ে আমায় প্রণাম করলে—তোমার খোঁপার দুটি ফুল খসে পড়েছিল, মনে আছে ?

(সুস্বপ্না মাথা নাড়িয়া সম্মতি জানাইল) ।

সমীর—সেই প্রথম পরিচয় উপলক্ষে যে গানটা লিখে আমি তোমায় উপহার দিয়েছিলাম, সেই গানটাই শোনাও !

সুস্বপ্না—কাকীমা যদি এসে পড়েন ?

সমীর—তা আসুন, ক্ষতি কি ? তুমি গাও ।

স্বপ্না—(সমীরের মাথার নিকট শয্যাপার্শ্বে বসিয়া গান ধরিল)

গান

এ কি ভুল !

খোঁপা হতে খসে পড়া

দুটি রাঙা ফুল !

এ কি ভুল !

অমারাতে ঝিলিঝিলি

তাবকার ফুল

ছুটে আসে মাটি-টানে

আলোকে অতুল ;

তাও তবে ভুল !

রঙিন, মদ্রির-নেশা,

মনে যা' ভুলে,

হেথা হোথা ফেলি তাই

মনেব ভুলে ,

শিউলি সে ফুলবালা.

রাতে মশগুন !

চকিতে পালায় ভোরে

ফেলে যায় ফুল !

এ কি ভুল ।

বকুলের এলো খোঁপা

ফুলের তারা—

ঊষার আঁচলে খুলি'

লাজ-হারা ,

ছোঁয়া তা'র অন্তরে
 ফুটালো যে ছল
 ব্যথার টনকে লুট
 চরণে রাতুল
 এ কি ভুল!

যদি সে গো ভুল হয়—
 তবু তা' প্রিয়!

ভুলাবারে সে ভুলেরে
 কভু না চেও।

নয়ন মেলিল ভুলে
 খোঁপা-খসা ফুল।

আকুল পরাণ মম
 স্মৃতি আকুল!

ভুল, ভুল, ভুল—
 হয় যদি ভুল [তাহা]
 হে'ক না সে ভুল!

তবু তা অতুল!
 এ কি ভুল!

(গানের মধ্যে স্বপ্নার খোলা চুলগুলি সমীর হাতে লইয়া খেলা
 করিতে লাগিল)

স্বপ্না—(গান শেষ করিয়া) কাকীমা অনেকক্ষণ গেছেন।
 একবার দেখি তিন কি করছেন!

সমীর—এস! (বলিয়া ক্লাস্তভাবে চক্ষু মুদিল।)

(স্বপ্নার প্রশ্ন)

পঞ্চম অঙ্ক

প্রথম দৃশ্য

[সমীরের শয়ন কক্ষ । সময়—সকাল ; সমীর রোগশয্যায় শায়িত
রহিয়াছে ও সমীরের পাথের দিকে স্তম্ভপ্ৰা নত মস্তকে বসিয়া বহিয়াছে ।]

(সমীরের মায়ের প্রবেশ)

সমীরের মা—সমীর কি জেগেছে স্তম্ভপ্ৰা ?

সমীর—কেন মা ?

সমীরের মা—এক ভদ্রলোক তাঁর সঙ্গে দেখা করতে চান । দেখা
করা নাকি তাঁর ভয়ঙ্কর দরকার ! আগেও দু'দিন এসেছিলেন । ঘুরিয়ে
দিখেছি তাঁর অস্থখের কথা বলে । আজ সকাল হতে আবার এসে
বসে আছেন ।

সমীর—তা' মা নিয়ে এস না ! ক্ষতি কি !

সমীরের মা—তবে ডেকে দিই ;

(সমীরের মায়ের প্রস্থান ও খদ্দেরের ধুতি পাঞ্জাবা পরিয়া শঙ্কর বোসের
প্রবেশ , শঙ্করকে দেখিয়াই স্তম্ভপ্ৰার মুখে বিরক্তির ভাব ফুটিয়া উঠিল,
কিন্তু তার বেশ পরিবর্তনের জগ্ন বিষ্ময়ের ভাবও ফুটিয়া উঠিল)

শঙ্কর—(স্তম্ভপ্ৰার বিরক্তির ভাব লক্ষ্য করিয়া) স্তম্ভপ্ৰাদেবী, আমায়
দেখে বিরূপ হবেন না—মানুষ কি তাঁর অপরাধ স্বীকার করে নেওয়ার
স্বযোগ পাবে না । বিশেষতঃ সমীরবাবুর মত ত্যাগী দেশ-সেবকের—

স্তম্ভপ্ৰা—(নিজেকে সামলাইয়া) না, না, তা কেন ; বেশ তো,
আস্থন না—

(সমীর কিছু বুঝিতে না পারিয়া উভয়ের দিকে তাকাইয়া রহিল ।)

শঙ্কর—(সমারের প্রতি) সমীরবাবু, আমার নাম ‘শঙ্কর বোস’। আমার সব পরিচয়ই সুষ্মপাদেবীর কাছে পাবেন। আমি আপনার কাছে ঘোরতর অপরাধী। আমার ক্ষমা করবেন সমীরবাবু! (এই বলিয়া সমারের নিকট হাত জোড় করিয়া দাঁড়াইল।)

সমীর—(বিত্রতভাবে) আমি ত কিছু বুঝতে পারছি না।

শঙ্কর—আপনি তখন জেলে ছিলেন সমীরবাবু। আমি তখন পাষণ্ডব মতো আপনার প্রতি ব্যবহার করেছি। সুষ্মপাদেবীর কাছে সব জানবেন! আপনার কাছে ক্ষমা না পেলে যে আমি মনে শান্তি পাচ্ছি না সমীরবাবু! বলুন আমায় ক্ষমা করলেন!

সমীর—কিছুই তো বুঝতে পারছি না। যারা দেশ-সেবার কাজ নিয়েছে—তাদের কাছে কেউ অপরাধী থাকে না। শুধু আমি ঐ কথা বললে যদি আপনি মনে শান্তি পান তবে আমি বলছি, যদি কোন অপরাধ করেও থাকেন, তা’ ক্ষমা করুন।

শঙ্কর—সমীরবাবু, আপনি এত মহৎ, কিন্তু আপনাকে বড় দেরীতে চিন্তে পারলাম। পূর্বে জানুয়ার সৌভাগ্য হ’লে হয় তো—

সমীর—হয় তো—কি শঙ্করবাবু!

শঙ্কর—হয় তো আপনার এই অবস্থায় পড়ার হাত হতে রক্ষা করতে পারতাম।

সুষ্মপা—শঙ্করবাবু, যা হবার তা’ হয়েছে। তা’ আমরা আজ জানতে চাই না। এইটুকুই আমাদের সব চেয়ে বড় লাভ যে,—আপনি আজ দেশকে চিনেছেন।

শঙ্কর—হ্যাঁ, সুষ্মপাদেবী! আমি আজ নতুন মানুষ! শঙ্কর বোস—ঘুষখোর আবগারী দারোগা আজ মরে গেছে।

সমীর—শুনে খুসী হলাম, শঙ্করবাবু!

শঙ্কর—আসি এখন সমীরবাবু, আসি সুস্বপ্না দেবী (উভয়কে নমস্কার)

সুস্বপ্না—আহুন ।

(উভয়ে শঙ্করকে প্রতি-নমস্কার করিল)

(শঙ্করের প্রশ্নান)

সমীর—(সুস্বপ্নার প্রতি) ব্যাপাবটা তো কিছু বুঝলাম না ! কে এই ভদ্রলোক ? কেন ক্ষমা চান ?

সুস্বপ্না—সে অনেক কথা, সে সব শুনে আপনার এখন দরকার নাই । অনিলবাবু কাছে পরে সব জানবেন ।

সমীর—তবে থাক—

(সমীরের মায়ের প্রবেশ)

সমীর—মা, বেল! অনেক হ'ল । অনিল, তপন ওবা এখনও এল না কেন ? পনেরোই আগষ্টের আর মাত্র কয়দিন বাকি । গানটার রিহাসেল দেওয়ার 'জগু আজ দু'দিন বলছি, তবু গ্রাহ্য করে না আমাব কথা ।

সমীরের মা—বাবা, ডাক্তার বাবু বলেছেন—মানসিক উত্তেজনা যেন কিছু না হয়—তাই আমিই তান্নেব ঠেকিয়ে রেখেছি ! গানের রিহাসেল ঠিকই চলেছে । কিন্তু তোর সামনে গানের রিহাসেল হলে—পাছে তুই উত্তেজিত হোস্—

সমীর—(অসহিষ্ণুভাবে মাথা তুলিয়া) আঃ তুমি কি বলছো মা ! ডাক্তারবাবু তবে এই ষড়যন্ত্রের মধ্যে থেকে আমায় স্বাধীনতার গান শুনতে দিচ্ছে না । কি হবে আমার ওষুধ খেয়ে—আমি খাব না তোমাদের দেওয়া ওষুধ । আমি অনশন করেই এই বাড়ীতে মরবো, মরবার সময় হদিনাম না শুনলে কি ধার্মিকের মনে শান্তি হয় মা ! তেমনি আমার প্রাণ যে স্বাধীনতার গান শুনবার জগু ব্যাকুল হয়ে আছে ম !

স্বাধীনতার গান না শুনে গেলে আমার আত্মা মুক্তি হবেনা মা !
 মা ! তোমার পায়ে পড়ি, তুমি র ডাকো, আজ আমার ঘরেই গানের
 রিহাসেল হবে, কি মা—কথা ক না যে— !

সমীরের মা—(দীর্ঘশ্বাস ঘেঁষা) তবে তাই হোক বাবা—ঘাইগে
 স্বপ্ন দিয়ে আসি ।

সমীর—হ্যাঁ মা শীগুগির ও—ঘেন মোটেই দেবী না করে—
 (সমীরের মায়ের প্রস্থান)

সমীর—স্বপ্না—তোমাকে গাইতে হবে ।

স্বপ্না—আমার তো গান । তৈরী হয়েই গেছে ।

সমীর—বাঃ রে—সে কথা তো তুমি কই বলনি আগে—

স্বপ্না—ঐ যে কাকীমার কাছে শুনলেন ডাক্তারবাবুর বারণ আছে ।

সমীর—ওঃ তাহলে তুমি ঐ দলে ।

স্বপ্না—কি যা তা বলছে সমীন্দা ?

সমীর—বেশ তবে গান শোনাও !

(সমীরের মা, তপন, অনিল ও অন্ত স্বচ্ছাসেবকগণের প্রবেশ)

সমীর—তোবা এসেছিস সব । শীগুগির রিহাসেল আরম্ভ কর ।
 রোজ আমাব ঘরেই তোদের গানের মহড়া বসবে ! নইলে আমি এই
 ঘরেই অনশন করবো ।

তপন—সমীন্দা' তুমি স্থির হও । তাই হবে ! কিন্তু ডাক্তারবাবুর
 বারণ—

সমীর—আঃ আবার সেই ডাক্তারবাবু । যখন পুলিশের বন্দুকের
 গুলির সামনে নতকান্ন হয়ে সমীর হাজরা বুক পেতে দিয়ে অনুনয়
 আনিয়েছিল চাকরী ছাড়তে,—নয়তো গুলি করতে, তখন কোথায় ছিল
 তোদের এই ডাক্তারবাবু ? আর আজ ! আমি ভাগ্যদোষে শব্যাশায়ী

বলে তোরা আমার অসহায় অবস্থা দেখে আমায় দেশসেবা হতে বঞ্চিত করতে চাস্ (উত্তেজনার সমীর হাঁপাইতে লাগিল ও ঠক্ ঠক্ করিয়া কাঁপিতে লাগিল)

অনিল—না না সমীরদা’—এ তুমি কী বলছো—উত্তেজনার বশে ।
আচ্ছা তুমি স্থির হও, আমরা রিচাসেল আরম্ভ করি—

সমীর—হ্যাঁ তাই কর—স্বপ্না তুমিও গাও ।

(স্বপ্না, অনিল, তপন ও স্বেচ্ছাসেবকদল গান আরম্ভ করিল ।)

গান

শহীদ রক্তে রাঙা মাটি ভেদি’
উদিছে স্বাধীন-সূর্য্য
ওরে তোরা আজ বাজারে দামামা
বাজা জয়ভেরী তূর্য্য ।
উদয় অচলে অরুণ শিখায়
চেয়ে দৃখ্ সবে ঐ দেখা যায়—
লুপ্তবীরের দৃপ্ত সেনানী
পূর্ণ গরিমা বীর্য্য ।

তিলক জেগেছে, জেগেছে চিত্ত
জেগেছে সুভাষ, পূর্ণ-বিত্ত
বীর লাজপৎ,—উন্নত-শির

ভারত,—মেদিনী পূজ্য !

আজাদ বাহিনী, বিপ্লবী দল
সুদিবাম, চাকী, হামে খল্ খল্
কাঁসির মঞ্চে স্মরণের ছাতি
বালকে মহিমা শৌর্য্য !

ঝাঙা উচিয়ে ‘জয়হিন্দ’ বল্
ভারত মায়ের সন্তান দল
বিজয় দৃপ্ত বীর পদ ভারে
জয়তু অনিবার্য্য !

তপন—কাকীমা দেখতো—সমীরদা' ঘুমিয়েছে বলে মনে হচ্ছে !

সমীরের মা—(সমীরের মুখের উপর ঝুঁকিয়া) হ্যাঁ বাবা, বাছা আমার ঘুমিয়ে পড়েছে ; উঃ, আজ তিনদিন চোখে একবিন্দু ঘুম নেই— শুধু দিনরাত্রি এই রিহাসেল গানের কথা বলেছে ! আজ গান শুনে সত্যিই মনে তার শান্তি এসেছে দেখছি ।

তপন—উঃ, ডাক্তারবাবুর কথা শুনে 'তবে কি ভুলই করেছিলাম আমরা ! না না আর ডাক্তারবাবুর কথা শোনা হবে না ! ডাক্তারবাবু শুধু শরীরের দিকটাই দেখেছেন । রোগীর মনের দিকটা দেখেন নি ।

অনিল—কাকীমা, আজ তবে আমরা আসি । অনেক কাজ এখনও বাকী । শোভাঘাত্রার ব্যবস্থা করতে হবে । সমীরদাকে হেলান দিয়ে মঞ্চে বসিয়ে আমরা কাঁধে করে নিয়ে যাবো শোভাঘাত্রার পুরোভাগে , মঞ্চের চারিদিকে থাকবে মহাত্মা, নেতাজী প্রমুখ নেতাদিগেব ছবি । সমীরদাকে আমাদের এই ব্যবস্থার কথা এখন কিছু বলে দরকার নেই । একদিন আগে বল্লই চলবে ।

সমীরের মা—তাই এস বাবা । আমি রোগীর পথ্যের ব্যবস্থা করি ।
(সুস্থপার প্রতি) স্বপ্না, তুমিও এস আমায় একটু সাহায্য করবে ।

(সমীরের মায়ের প্রস্থান)

(অনিল ও তপনের প্রস্থানের পথে সুস্থপা ডাকিল)

সুস্থপা—অনিলবাবু, আজ সেই শঙ্করবাবু এসেছিলেন সমীরদা'র কাছে কমা চাইতে ।

অনিল—তাই নাকি ? তবে তো লোকটার পরিস্থিতি হয়েছে দেখছি । সেদিন সত্যিই আমাদের ব্যবহারটা রুঢ় হয়ে গেছে, এখন মনে হচ্ছে !

তপন—চা কি করা যাবে বল। একদিন দেখা হলে আমাদের তরফ থেকেও ক্ষমা চেয়ে নেওয়া যাবে।

সুশ্রুতা—হ্যাঁ সেই ভালো

অনিল—চল, এখন যাওয়া যাক।

(স্মৃতি স্মীরকে রাখিয়া সকলের প্রস্থান)

দ্বিতীয় দৃশ্য।

[অনিলের বৈঠকখানা, শোভাযাত্রার জন্য মঞ্চ তৈয়ারী করিতেছে ; অনিল তপন এবং একজন স্বেচ্ছাসেবক উপস্থিত ; স্বেচ্ছাসেবক দেবদাক পাতা দ্বারায় মঞ্চ সাজাইতেছে,]

অনিল—মঞ্চ তো তৈরী করছি, কিন্তু স্মীরদার স্বাস্থ্যের যে অবস্থা তাতে কি শোভাযাত্রায় নিয়ে যাওয়া সম্ভব হবে ?

তপন—আঃ তুমি কেবল ঐ কথাই ভাবছো, এদিকে গান যে কি হবে, সে কথা একবার ভেবেই দেখছ না।

অনিল—কেন গানের তেং বিহাসেল চলছে।

তপন—আরে আমাদের মনের যা' আনন্দ তা' ঐ একটা গানে কুলোবে কেন ; নূতন নূতন গান তৈরী করতে হবে ; না হয় পুরোনো গান গাইতে হবে।

অনিল—তুই তবে গা', আমি মঞ্চ বাঁধতে বাঁধতে শুনি। (অনিল, মঞ্চ বাঁধবার কাজে যোগ দিল)

তপন—আমি তবে গাই ; (সুর করিয়া গান ধরিল)

“আমরা ঘুচাব না তোর কালিয়া,

যাকুস আমরা নহিতো মেঘ,

অনিল—এই দেখ, সব মাটি করবে; “ঘুচাব” কিরে। পনেরো আগষ্ট তারিখে যখন স্বাধীনতার দিনে গান হবে তখন “ঘুচাব” কি করে হয়? “ঘুচায়েছি” হবে

তপন—(পুনরায় সুর করিয়া গান ধরিল)

আমবা ঘুচায়েছি, মা তে ব কালিমা,

মানুষ আমরা, নহিতো মেঘ,”

(স্বেচ্ছাসেবক ও অনিল একযোগে হাসিয়া উঠিল)

অনিল—এই বুদ্ধি দেখ, আরে গানের হ্রস্ব পতন হ'ল যে।

তপন—তা' আমি কি করবো, বল। তুমিই তো বলে ‘ঘুচাবো’র স্থলে “ঘুচায়েছি” হবে।

অনিল—এতো ভারী আহাম্মক! আমি যদি বলি, “মানুষ আমবা হয়েছি মেঘ,” তবে তুই কি তাই গাইবি?

তপন—তবে কি গাইবো, তাই বল? মনের স্ফুর্তি যে বে ভ্রমের ছিপি খুলে বেরুতে চাইছে।

অনিল—খানিকটা দিন ধিনা দিন কর নাচনা!

তপন—আ্যা, নাচবো? না, না, ও জিনিষটা আমার ধাতে নইবে না, তার চেয়ে বসে বসে নূতন একটা গান ভাবি।

অনিল—তাই ভাব, ততক্ষণে আমরা মঞ্চটা বাঁচার কাজ শেষ করে নি, তোব মত নিষ্কর্মার সঙ্গে বকে কোন লাভ নাই।

তপন—কি বলে, আমি নিষ্কর্মা? আমি কিন্তু এখনি সমীচীনতা'র কাছে গিয়ে তোমাদের ষড়যন্ত্রের কথা বেকঁদ কবে দেবো; সমীচীনতাকে শোভা যাত্রায় নিয়ে যাবে না, এই তোমাদের মতলব।

অনিল—দ্যাখ, তপন, পাগলামে করিস না; সমীচীনতার যা' স্বাস্থ্যের অবস্থা, তা'তে ঐ সব কথা একেবারে তার কানে ঘেন না যায়।

তপন—তা হলে আমি গানের কথাই ভাবি।

অনিল—হ্যাঁ বসে বসে তুই তাই ভাব ।

(তপন উর্দ্ধপানে মুখ করিয়া বসিয়া রহিল)

(অন্য স্বেচ্ছাসেবকসহ শঙ্করের খদেরের ধুতি পাঞ্জাবি পরিহিত
অবস্থায় প্রবেশ)

স্বেচ্ছাসেবক—কে এসেছে দেখ অনিলদা, (এই কথা বলিয়া
স্বেচ্ছাসেবক মঞ্চ বাঁধিতে যোগ দিল)

অনিল—আরে শঙ্করবাবু যে ! আশুন, আশুন, বাঃ এই নূতন-
বেশে আপনাকে তো বেশ মানিয়েছে ।

শঙ্কর—না, না, আমায় আর পুরাতন কথা তুলে লজ্জা দেবেন না ।

অনিল—না, শঙ্করবাবু, সে কথা তুলেই যান ; বরং আমাদেরই সেদিন
ভয়ানক অগ্নায় হয়ে গেছে, আপনার সহিত ঐ রকম দুর্ব্যবহার করা ।
তুল মাসুকেরই হয়, দেবতার হয় না ; আমাদের মাপ করুন শঙ্করবাবু ।

(অনিল উঠিয়া শঙ্করের হাত ধরিল)

তপন—হ্যাঁ শঙ্করবাবু আমাদের মাপ করুন ।

শঙ্কর—ছি, ছি, এ কি কথা বলছেন আপনারা ; ও কথা বলে
আমাকে আব বেশী লজ্জা দেবেন না ।

অনিল—(শঙ্করের পিঠ চাপড়াইয়া) তবে let us forgive and
forget.

শঙ্কর—(হাসিয়া) বেশ তাই ।

অনিল—তবে আশুন একসঙ্গে মঞ্চ বাঁধি । তবেই বুঝবো আপনিক
সব ভুলেছেন ।

শঙ্কর—আমি তো মঞ্চ বাঁধবার জন্যই এসেছি !

অনিল—বেশ তবে আশুন । (সকলে মঞ্চ বাঁধিতে যোগ দিল)

তৃতীয় দৃশ্য।

[সমীরের রোগশয্যা কক্ষ। কাল—রাত্রি, রোগের প্রকোপ বৃদ্ধির মুখে; সমীর প্রলাপ বকিতেছে। সমীরের মা ও ডাক্তার বসিয়া আছেন]

সমীর—(প্রলাপ ঘোরে) এগিয়ে চল্ ভাই—এগিয়ে চল্ ; আজ যে ফিরবার পথ নেই ভাই ! ঝাণ্ডাটা সোজা করে ধর । ঐ দুঃখমন্দের রাগ ঐ ঝাণ্ডাটার উপর ; Cannon in right of them ; Cannon in left of them ; vollied and thundered...রক্তের নদী সামনে । প্রস্তুত হও ভাই, ঝাঁপ দিতে হবে... ভয় করলে চলবে না...শহীদদের রক্তশ্রোত বয়ে চলেছে...ঐ দূর অন্ধকার গহ্বরে গিয়ে ঐ শ্রোত কেমন গর্জন করে ঢুকছে...তার পর আবার কোথায় ফুঁড়ে বেরুচ্ছে কে জানে...কাঁপছি স্ যে... ভয় করছে ? কেন ? কিসের ভয় ? মরবার ? আবে ! মরার আগেই যে মরার মত হয়ে গেলি ? কেন—মরণকে এত ভয় কেন ? “মরণেরে তুহঁ মম শ্রাম সমান ।” মনে নেই তোদের ? এত করে শেখালাম—সব ভুলে গেলি ।

(সহসা সমীর থামিল !)

ডাক্তার—(সমীরের মায়ের প্রতি) মাথায় বরফ দেন এবার ।

সমীরের মা—ডাক্তারবাবু কেমন দেখছেন ?

ডাক্তার—কি আর বলবো আপনাকে ?

সমীর—(প্রলাপ ঘোরে) কি সব আজ্ঞেবাজে বকছ—তোমরা ! দেখছ না, গান করতে করতে কারা যেন সব আসছে—

‘শেকল পরা ছিল মোদের ওই শেকল পরা ছিল ।

শেকল পরে শেকল তোদের করব বে বিকল ॥’

ইস্—সারা গা বেয়ে রক্তের ধারা ছুটছে ! এমন করে কে লাঠি মারলে [গো] একটু দয়া-মায়া নেই...ও, ওকে বৃষ্টি গুলি করেছে ; তবে

দেহটাকে আর এমনি করে বয়ে নিয়ে যাচ্ছি কেন ? ফেলে দে... ফেলে দে...ওই রক্তের নদীতে ফেলে দে...ওই নদীতে ফেসলেই ও শহীদ হয়ে যাবে...বয়ে নিয়ে যাসনি ওকে !

ডাক্তার—মা, আমি আর বসে কি করব ! মাথায় মাঝে মাঝে বরফের ব্যাগ দিতে থাকো...যদি জ্ঞান হয় একটু গরম দুধ খাইও ! আসি এখন তবে মা ..

(প্রশ্ন)

সমীর—(প্রলাপ ঘোবে) আজাদ হিন্দ ফৌজ ..তোমরা আজাদ হিন্দ ফৌজ ? তবে এগুচ্ছে না কেন ? দাঁড়িয়ে দাঁড়িয়ে কুচ্ কাওয়াজের সময় ত এ নয় ! ইন্ফলের চারিদিক ঘিরে ফেলেছে,—দেখছো না ? ভয় কি ? নেতাজী থাকতে ভয় কী ? “কদম্ কদম্ বাটায়ে যা—খুসীসে গীত গায়ে যা ।” হ্যাঁ, হ্যাঁ সুর ধরো ! সঙ্গীত উঠা করো...চলো, চলো, দিল্লী চলো...লাল-কেলা আর বেণী দূর নয়...এঃ পিছিয়ে পড়লে ? তোমরা তবে ছদ্মন । তোমরা আজাদ-হিন্দ-ফৌজ নয় ? উঃ কী ভুলই আমি করছি ! আমায় বন্দী করবে ? কব... না না আমায় গুলি করো...!

~~চলুক~~

[স্থান—সমীরের চরণ-শয্যাগৃহ, সময়—সন্ধ্যা ।

সমীরের মা বিছানার উপর উপবিষ্টা । সমীর সজ্ঞানে আছে]

সমীর—মা, পনেরোই আগষ্টের আর কয়দিন বাকী ?

সমীরের মা—না বাবা, আর বাকী কই । আজই রাত বারোটটার পর পনেরোই আগষ্ট আরম্ভ হবে ।

সমীর—(উত্তেজিতভাবে) ম্যা,—এত কাছে এসে গেছে মা, পনেরোই আগষ্ট ! কই, তুমি তো আমার জানাও নি—মা ? তুমি মনে

করেছ, আমি একেবারে রুগ্ন, অকর্মণ্য হয়ে পড়েছি। তাই আমাকে জানানোর দরকার মনে কর নি ; কিন্তু দেখো মা, আমি ঠিক শোভাযাত্রার সামনে তেমুনি ঝাঙা নিয়ে যাবো। তখন কি আমার বাধা দিও না, মা ! তা'হলে সত্যি কিন্তু তোমার সঙ্গে ঝগড়া হবে।

সমীরের মা—কি-যে যা' তা' বকিস্। একটু স্থির হয়ে শো। আমি একটু গরম দুধ নিয়ে আসি।

সমীর—মা শুনে যাও ! মহাশয়ার আর নেতাজীর ছবি দুটি কই ?

সমীরের মা—কেন, বৈঠকখানার ঘরেই তো টাঙানো রয়েছে।

সমীর—না মা, সেই ছবি দুটি এনে আমার এই বিছানার সামনে টাঙিয়ে দাও। যেন চোখ মেললেই দেখতে পাই।

সমীরের মা—আচ্ছা বাবা, তোর দুধটুকু দিয়ে সেই ব্যবস্থা করছি।

(নেপথ্যে ডাক—‘কাকীমা, ‘কাকীমা’)

ঐ তোর বন্ধুরা এসে গেছে, ডেকে দিই গে !

(সমীরের মায়ের প্রস্থান ও অনিল তপন প্রমুখ বন্ধুগণ সহ পুনঃপ্রবেশ)

তপন—সমীরদা কেমন আছে কাকীমা ?

সমীরের মা—আর বাবা কেমন ! কাল সারা রাত প্রলাপ বকেছে। ভোরের দিকটা একটু ঘুমিয়ে এই আধঘণ্টা হ'ল জেগেছে। তোমরা বস ওর কাছে। আমি ওর দুধটুকু নিয়ে আসি।

(সমীরের মায়ের প্রস্থান)

(তপন ও অনিল সমীরের বিছানাঘর বসিল)

তপন—সমীরদা, আজ কেমন বোধ করছ ?

সমীর—বেশ আছি ভাই, বেশ আছি। তোমরা ঠিক সময় মত আমায় ডেকে নিয়ে যাবি। দ্যাখ আমায় ফেলে তোরা সব শোভাযাত্রায় চলে যাস্ নি। (সহসা তপনের হাত ধরিয়) বল—আমায় নিয়ে যাবি !

তপন—এ কি সমীরদা ! এর জ্ঞাত হাত ধরে অনুরোধ করতে হবে ? আমরা যে সব তোমারই শিষ্য । তুমি না হলে যে আমাদের শোভাযাত্রা শিবহীন যজ্ঞ হবে । তোমায় নিশ্চয় নিয়ে যাবো ।

সমীর—হ্যা, তাই আখ্ ; ভুলিস নি যেন !

(তপন অনিলকে ইঙ্গিত করিয়া একটু দূরে ডাকিয়া লইল)

তপন—(অনিলের প্রতি) মঞ্চ তো তৈরী করলাম । কিন্তু সমীরদা'র স্বাস্থ্যের যেমন অবস্থা,—তা'তে কি শোভাযাত্রায় নিয়ে যাওয়া সম্ভব হবে ?

অনিল—পাগল হয়েছ ? তা' কি নিয়ে যাওয়া যায় ! যে কোন মুহূর্তে হার্ট-ফল্ হ'তে পারে । তবে এখন এই রকম না বলে উপায় কি ?

তপন—সমীরদা আমরা এখন আসি । ব্যবস্থা সব করতে হবে তো ।

সমীর—এস, আমায় ডেকে নিও কিন্তু ।

তপন—নিশ্চয়, তুমি এত বেশী ভেবো না, সমীরদা !

(বন্ধুদের প্রস্থান ও সমীরের মায়ের দুধের বাটি হস্তে প্রবেশ)

সমীর—মা, ওরা চলে গেল ?

সমীরের মা—হ্যা বাবা, চলে গেল ।

সমীর—আমার মন বলছে মা, ওরা আমায় ডাকবে না, আমায় ফাঁকি দিয়ে ওরা স্বাধীনতা উৎসব করবে ।

সমীরের মা—না সমী, ওরা তো বলে গেল—ডাকবে । এই দুধটু'র খেয়ে নাও বাবা ! (সমীরকে দুধ খাওয়াইল)

(সুস্থপার প্রবেশ)

সুস্থপা—কাকীমা, সমীরদা কেমন আছেন ?

সমীরের মা—কি আর বলি মা ! কাল সারারাত তো' প্রলাপ বকেছে ; গায়ের তাপও খুব বেড়েছিল, আজই ভোর হ'তে জ্ঞান এসেছে ।

স্বপ্না—(অভিযোগ সুরে) তা' আমায় একটা খবর দাও নি কেন,—কাকীমা ? আমি কি তোমার এত পর ?

সমীরের মা—দূর পাগলী ; 'পর' কেন হতে যাবি ? একবার মনে হয়েছিল—তোকে ডাকাই। কিন্তু এতদূর পাঠানোর মত রাত্রিতে কাউকে আর পেলাম না। আর আমিও রোগীকে ছেড়ে নড়তে পারি নি।

স্বপ্না—আমি তা হলে আজ আর বাড়ী ফিরবো না কাকীমা। তুমি বরং কাউকে দিয়ে একটা খবর পাঠিয়ে দাও।

সমীরের মা—সেই ভালো, স্বপ্না ! তা' হলে আমিও একটু সাহস পাই। সারারাত রোগীকে নিয়ে আমার কি ভাবে যে কাটে ! আমি একটা খবর পাঠাবার ব্যবস্থা করে আসি। তুই ততক্ষণ সমীরের কাছে থাক।

(সমীরের মায়ের প্রস্থান)

(স্বপ্না আসিয়া সমীরের রোগ শয্যায় মাথার কাছে ধীরে ধীরে বসিল)

সমীর—(চোখ মেলিয়া) কে ?

স্বপ্না—আমি সমীরদা'।

সমীর—(পাশ ফিরিয়া) এসেছো স্বপ্না ! আমি চোখ মুদে তোমার কথাই ভাবছিলাম স্বপ্না।

স্বপ্না—(সমীরের মাথার চুলের মধ্যে হাত বুলাইতে বুলাইতে) কি ভাবছিলে সমীরদা ?

সমীর—কি যে ভাবছিলাম, সে কথা কি কখনো বলা যায় ? তোমায় নিয়ে মনে মনে একটা স্বপ্নের রাজ্য গড়ে তুলছিলাম। সে রাজ্যে আমি রাজা,—আর তুমি—

স্বপ্না—থামলে যে ; ব'ল ব'ল সমীরদা'—আমি কি ?

সমীর—না থাক, সে স্বপ্ন-বিলাসে আজ আর লাভ কি ?

স্বপ্না—(অভিমান ভরে) তবে এই আমি উঠে চললাম ।

(স্বপ্না উঠিয়া দাঁড়াইল)

সমীর—(হাত দিয়া ইঙ্গিত করিয়া) ব'স স্বপ্না,—বল্ছি ।

(স্বপ্না বসিল)

(সমীর স্বপ্নার মাথাটি নিজের মুখের কাছে টানিয়া)

তুমি সে রাজ্যের রাণী !

(স্বপ্না সমীরের বুকের উপর মুখ গুঁজিয়া অঞ্চলে মুখ ঢাকিয়া কাঁদিয়া ফেলিল)

সমীর—(স্বপ্নার পিঠে হাত বুলাইয়া) কাঁদছো স্বপ্না ? ছিঃ কাঁদে না ! তুমি তো এত দুর্বল কখন ছিলে না । পুলিশের গুলির মুখে যখন এগিয়ে গেছি—তখন তুমিই তো উজ্জল চোখে আমার দিকে তাকিয়ে—আমায় উৎসাহিত—উদ্বীপ্ত—করেছো—দেশের কাজে জীবন বলি দেওয়ার জ্ঞা ! আজ তবে তোমার চোখে জল কেন ? দেশের জ্ঞা কতো মা নিজের ছেলেকে বিসর্জন দিয়েছে,—কতো স্বামী, সতী সাধ্বী স্ত্রীর উপর অকথা অত্যাচার নীরবে সহ করেছে,—কতো সতীর মাথার সিঁদূর^{চিরতরে} মুছে গে'ছে ; আর তুমি আজ বিসর্জন দিচ্ছ—(একটু থামিয়া) মনকে শক্ত কর স্বপ্না !

(স্বপ্নার মাথায় হাত বুলাইয়া)

আমায় বিসর্জন দেওয়ার জ্ঞা প্রস্তুত হও ! তোমার এই আত্মত্যাগের বিপুল গরিমায় পনেরোই আগষ্টের স্বাধীনতা-সূর্যালোক^{এক ঠোকা} হয়ে উঠুক !

(স্বপ্না আত্মসম্বরণ করিয়া সমীরের বুকের উপর হইতে মাথা তুলিয়া ও শব্দাশায়ী সমীরের পায়ে হাত দিয়া মাথায় ঠেকাইল)

স্বপ্না—কাকীমা অনেকক্ষণ গেলেন ; একবার আসি ।

সমীর—এস (পাশ ফিরিয়া গুইল)

প্রথম দৃশ্য

~~সমীরের রোগ-শয্যা ; পল্লভের আগুনের স্মৃতি ।~~

[সমীরের মা ও সুশ্রুতা শয্যা উপবিষ্টা । দেয়ালে মহাত্মার ও নেতাজীর প্রতিকৃতি টাঙানো ও রুক্মিণী টাঙানো । সমীর প্রলাপ বকিতেছে । স্তিমিত আলোর আভাষ রোগ-শয্যার অস্পষ্ট রূপ দেখা যাইতেছে]

সমীর—(প্রলাপ ঘোরে) তোরা সকলকে জানিয়ে দে—প্রতি ঘর বাড়ী ভালো করে সাজানো চাই,—জাতীয় পতাকা উড়ানো চাই—বাল গণেশ তোমরা এসেছ ? ভালো, ভালো, তোমরা না এলে যে উই সব অসম্পূর্ণ থেকে যাবে ভাই ; ইস, গুলিটা দুঃমনরা এমনি করে মেরেছিল—এখনো যে দাগ মিলেয়নি । দেখতে এসেছ—তোমাদের সম্মান এই দিনে ঠিক রাখতে পারি কি না ; বেশ, বেশ,—দেখ না দাঁড়িয়ে ! দাঁড়াও একটু ; ফুলের মালা নিয়ে আসি ; আজ যে তোমাদের মালা পরাতে হয় ; দেশ মাতার শৃঙ্খল মোচনের সঙ্গে তোমরা পরবে ফুলের মালা ; শহীদ কি না,—তোমরা ? তাই মালা পরতেই হবে । নইলে মা রাগ করবে যে !.....আরে কি মজা ! কোথায় রক্তের নদী ? এ যে রক্ত গোলাপের সাজানো বাগান দেখছি, তোদের রক্ত কি সব জমাট বেঁধে গোলাপ হয়ে গেল ! ভারী মজা তো ! আমার যে ভারী দুঃখ হচ্ছে ; আমার রক্তে তো এমনি গোলাপ ফোটাতে পারলাম না ।

.....চুপ্ চুপ্ গোল ক'র না ; ঐ নেতাজী আসছেন...সঙ্গে তাঁর আত্মদ সেনানী দল...তাঁর পেছনে আর যেন সব কৈ কে আসছেন ? উনি কে ?—মাষ্টারদা' ?—বোধ হয় হবে ; ঠিক চেনা যাচ্ছে না ; বাঃ

পনেরো আগষ্ট

কি আশ্চর্য! বালগঙ্গাধর, দেশবন্ধু, রবীন্দ্রনাথ এঁরাও আসছেন দেখি
যে! তবে কি এঁরা মরেন নি? কি জানি, কেমন যেন সব গোলমাল হয়ে
যাচ্ছে! স্বাধীনতা দিনের অপেক্ষায় সব লুকিয়ে ছিলেন দেখছি; না,
না, আমাদের কাজ পরীক্ষা করছিলেন আড়াল থেকে! তা বেশ,
তা' বেশ! আরে তোর সব ভালো করে আয়োজন কর! দেখছিস
না—মায়ের মুখে হাসি ফুটে উঠছে, মা যেন আবার শশু শ্রামলা
হয়ে উঠছেন। আর তাঁর চারপাশে ঘিরে দাঁড়াচ্ছে—সন্তানের দল।
(সহসা চীৎকার করিয়া) উঃ,—রক্ত,—রক্ত; এত রক্তপাত করেছিলে
তুমি ডায়ার—জালিয়ানা ওয়ালাবাগে এত রক্ত!

(সমীর জ্ঞান হারাইল)

সমীরের মা—(চীৎকার করিয়া) ডাক্তার বাবু, ডাক্তারবাবু!

(ডাক্তারের প্রবেশ)

ডাক্তার—অধীর হবেন না, অজ্ঞান হয়েছে, কপাল ও চোখে
এক জলের ছিট দিন।

(সমীরের মা তদ্রূপ করিল)

সমীরের মা—কি হবে ডাক্তার বাবু!

ডাক্তার—কেন আপনি বিচলিত হচ্ছেন মা! এই রকম ত্যাগী
সন্তানদের ত্যাগের শক্তিতে দেশে স্বাধীনতা আসছে আর কয়েক ঘণ্টা
পর, যা' আমরা কেউ কখনো ইতিপূর্বে বিশ্বাস করতে পারি নি।
দেশের এত বড় কল্যাণের কথা ভেবে ও আপনার সন্তানের অসীম
ত্যাগের কথা ভেবে মনকে শান্ত ও দৃঢ় করণ মা! আরও কঠিনতর
আঘাত সহ করার জ্ঞান প্রস্তুত হউন। আমি আর কি বলবো মা!
জ্ঞান আসবে—তবে হয় তো একটু দেবী হবে। আমি তো বলেছি
মা,—রোগ এখন চিকিৎসা শাস্ত্রের—বাইরে চলে গে'ছে। হার্ট ও
ফুসফুস দুয়েরই অবস্থা খারাপ। রোগীর মানসিক উত্তেজনা যতো কম

হয়,—ততই মজল ! উত্তেজনার জন্মই রোগী এইরকম প্রলাপ বক্ছে ;
রাত প্রায় এগারোটা ; আমি এখন আসি মা ! সন্ধ্যা থাকতে এসে
ব্রয়েছি ।

সমীরের মা—তবে আসুন !

(ডাক্তারের প্রস্থান)

(ধীর পদক্ষেপে অনিলের প্রবেশ)

সমীরের মা—কে ?

অনিল—আমি কাকীমা !

সমীরের মা—ওঃ, কি খবর বাবা !

অনিল—কিছুই না মা ; আর আধ ঘণ্টা পরে ভারতের স্বাধীনতা
দিবস—পনেরোই আগষ্ট আরম্ভ হবে । দেখতে এলাম, সমীরদা' কেমন
আছেন ।

সমীরের মা—এই একটু আগে প্রলাপ বক্তে বক্তে অজ্ঞান
হয়েছে, বাবা !

অনিল—সমীরদা'র জ্ঞান নেই ? পনেরোই আগষ্টের স্বাধীনতা
উৎসবের শঙ্খধ্বনি তবে শুন্তে পাবে না,—সমীরদা ?

সমীরের মা—কি করবো বাবা ! ডাক্তারবাবু আবার বলে গেলেন
যেন কোন রকম উত্তেজনা মনে না আসে ।

অনিল—তবে কাকীমা, রাত বারোটায় আপনার শাঁখ বাজিয়ে
দরকার নেই । উত্তেজনায় একটা কিছু ধারাপ তো হতে পারে !

সমীরের মা—তাই হবে বাবা !

অনিল—এখন ঘাই কাকীমা ; প্রত্যেক ঘরে রাত বারোটায় শাঁখ
বাজানোর ব্যবস্থা ঠিক আছে কিনা, দেখতে বেরিয়েছি আমরা !

সমীরের মা—এস বাবা !

(অনিলের প্রস্থান)

(সমীরের মা ঘরের মধ্যে স্তিমিত আলোর আভায় সমীরের রোগশয্যার পার্শ্বে বসিয়া সমীরকে পাখা বাতাস করিতেছে। নিস্তরু ঘরের মধ্যে কেবল ঘড়ির টিক্ টিক্ শব্দ শোনা যাইতেছে। স্বপ্না নত মস্তকে বসিয়া আছে।)

সমীর—(প্রলাপ ঘোরে) স্বপ্না, এগিয়ে না, এগিয়ে না বলছি ! কথা শোন, অনেক দূর যাচ্ছি ! উহু পারবে না তুমি এত দূর যেতে ! ফিরে যাও ! ^{স্বপ্না} ছেলে মানুষী রাখো...কাদছো ? কেন ?...[তা কাদো !]

(সমীর চুপ করিল।)

সমীরের মা—(স্বগত) বারোটা বাজতে আর মাত্র পাঁচ মিনিট বাকী ! পাঁচ মিনিট পরে ভারতের এক যুগপরিবর্তন হবে ! আর এই যুগপরিবর্তনের দৃশ্য তুমি জানতে পারবি না বাবা ! এখনো তোর জ্ঞান হ'ল না ; আর এই যুগপরিবর্তনের জগুই আত্ম বলি দিয়ে তুমি এ রোগশয্যা নিয়েছিস। (হাতজোড় করিয়া প্রণাম করিয়া) আমার সমীর জ্ঞান ফিরিয়ে দাও মা ! (অল্প পরে ঘড়িতে ঢং ঢং করিয়া বারোটা বাজিল এবং সঙ্গে সঙ্গে চতুর্দিক হইতে শব্দধ্বনি উখিত হইল।)

সমীর—(সহসা তড়িৎ গতিতে বিছানার উপর উঠিয়া বসিয়া) মা, মা, এ কিসের শব্দ !

সমীরের মা—(সমীরকে শোয়াইতে চেষ্টা করিল) শুয়ে পড়, সমী শুয়ে পড় !

স্বপ্না—(ব্যস্তভাবে) কী হবে কাকীমা ?

সমীর—(উদ্বেজিতভাবে) বলনা মা এ কিসের শব্দ ? (সমীরের মার ইঙ্গিতে স্বপ্না জানালা বন্ধ করিয়া শব্দ বাধা দিতে চেষ্টা করিল) আঃ, জানালা বন্ধ করছো কেন ? মিছে কেন আমায় লুকোতে চাইছ ?

সমীরের মা—রাত বারোটোর পর পনেরোই আগষ্ট স্বাধীনতা দিবস আরম্ভ হ'ল কিনা! তাই চারিদিকে শাঁখ বাজিয়ে স্বাধীনতাকে বরণ করা হচ্ছে। তা' তুই এত উত্তেজিত হোসুনি সমী, শুয়ে পড়!

সমীর—(বিরক্তভাবে মাকে বাধা দিয়া) আঃ, মা—কি যে আবোল তাবোল বক! (হাততালি দিয়া) মা, মা বাজাও, বাজাও, শীগগির শাঁখ বাজাও, শুভ মুহূর্ত্ত চলে যায় যে মা!

সমীরের মা—বাজাই বাবা, তুই বধন নেহাৎ শুনবি না—তখন ডাক্তারের বারণ থাকলেও কি আর করব। (সমীরের মায়ের ইচ্ছিতে সুস্বপ্না শাঁখ বাজাইল।)

সমীর—(সহসা বিছানা হইতে উঠিয়া) না, শুখানে নয় স্বপ্না; নেতাজী ও মহাত্মাজীর ছবির সাম্নে এসে বাজাও! আমি তাঁদের অভিবাদন জানাই! (পুনরায় শব্দ বাদন।)

সমীর—(প্রতিকৃতির—সাম্নে দাঁড়াইয়া) মহাত্মাজী কী জয়! নেতাজী কী জয়! উয়হিন্দ! বন্দেমাতরম! (সহসা 'মা' বলিয়া কাতর ভাবে সমীর বিছানায় লুটাইয়া পড়িল)

সমীরের মা—সমী, বাবা আমার! (বসিয়া সমীরের প্রাণহীন দেহ কোলে তুলিয়া লইলেন। সুস্বপ্না শাঁখ ফেলিয়া সমীরকে পাখা বাতাস করিতে লাগিল।) ডাক্তারবাবু! ডাক্তারবাবু! অনিল! (সমীরের মা ডুকরাইয়া কাঁদিয়া উঠিলেন; সুস্বপ্নাও মুখ ঢাকা দিয়া কাঁদিতে লাগিল)

(সমীরের বন্ধু অনিল, তপন, শকর ও সেচ্ছাসেবকস্বরূপ সবেগে ঘরে ঢুকিল।)

অনিল—কী হল কাকীমা! সমীরদা কেমন আছেন?

সমীরের মা—(ক্রন্দন করে) কি জানি বাবা—বুঝতে পারছি না !
বোধ হয় সব শেষ হয়ে গেল বাবা ! ডাক্তারবাবুকে একবার শীগ্গির
ডাকো বাবা !

শঙ্কর—ডাক্তারবাবু এখানেই আছেন ! এখুনি ডাকছি ।

(শঙ্করের বহির্গমন ও ডাক্তারবাবু সহ প্রবেশ ।)

(ডাক্তারবাবু সমীরের মাতের কোলে সমীরের নাড়ী, চোখ ও বুক
পরীক্ষা করিয়া গম্ভীর মুখে উঠিয়া দাঁড়াইয়া মাথা নাড়িলেন । সমীরের
মা সমীরের প্রাণহীন দেহের উপর লুটাইয়া কাঁদিয়া উঠিলেন—“বাবা,
বাবা আমার !”)

অমিত—(সমীরের মাকে হাত ধরিয়া তুলিয়া) কেঁদোনা
কাকীমা ! সমীরদার স্বাধীন আত্মার অহন্যাসন করো না ! সমীরদার
আত্মা স্বাধীন ভারতের আগো বাতাসের মধ্যে আজ মুক্তি পেলো !

(সুষমা মুখে আঁচন ঢাকা দিয়া কাঁদিতেন । চোখ মুছিয়া উঠিয়া
সমীরের পায়ে উপর মাথা ঠেকাইয়া প্রণাম করিল ।)

(সুষমাকে এইভাবে প্রণাম করিতে দেখিয়া সমীরের মা বিস্ময়
ভাৱ দিকে চাহিয়া “স্বপ্না !” বলিয়া ডাকিলেন !)

সুষমা—আমি সমীরদা'কে মনে মনে পতিস্বৈ বরণ করেছিলাম
মা ! দেশসেবাত্রয়ের মধ্যে সামাজিক অহুষ্ঠান বা আমাদের মিলনের
সুযোগ হয় নি ! তাই পনেরোই আগষ্টের দিনে ভারতের স্বাধীন
আবহাওয়ার সেই সুযোগ এতদিনে এল ! আজ হ'তে সবাই জানুক
তিনিই আমার অন্তরের অধিষ্ঠাতা পতিদেবতা ! তা' এ জগতেই হোক
আর পরজগতেই হোক ! আজ হতে আপনি আমার মা !

(সুষমা সমীরের মা'র পদধূলি গ্রহণ করিল । সমীরের মা সুষমা'কে
বুকের মধ্যে টানিয়া লইলেন । ঘুরে অন্তরালে শোভা দ্বারার “শহীদ বয়ে
রাঙা মাটি ভেদি” গানের সুর শোনা গেল ।)

সুস্বপ্না—ঐ শোভাযাত্রা আসছে মা !

অনিল—সমীরদা'র অমর আত্মা ঐ শোভাযাত্রার সঙ্গেই আছে ।
আমরা এখানেই সমীরদার দেহের চারপাশে দাঁড়িয়ে সমীরদার মুক্ত
আত্মার প্রতি শ্রদ্ধা নিবেদন করি !

(সকলে নতমস্তকে নিস্তব্ধভাবে দাঁড়াইয়া রহিল । নেপথ্যে
শোভাযাত্রার গানের সুর দূর হইতে ক্রমে নিকটে আসিয়া আবার দূরে
মিলাইয়া গেল ।)

দ্বিতীয় দৃশ্য

শ্মশান শ্মশান ভূমি ।

শ্মশানের পট-ভূমিকায় সমীরের চিতা জ্বলিতেছে । চিতার সামনে
অনিল, তপন, শঙ্কর, সুস্বপ্না, সমীরের মা, স্বেচ্ছাসেবকগণ গুরুভাবে বসিয়া
আছে । পট উত্তোলনের সঙ্গে সঙ্গে চিতার পশ্চাতে নৈরিক বেশধারী
চরণ আত্ম প্রকাশ করিয়া গান ধরিল ; চিতা জ্বলিতেছে]

গান

জলে চিতা লেলিহান !

হোমানল শিখা, পুত, পবিত্র, উজল দীপ্যমান !

ফাঁসির যক্কে, অন্ধ কারার

শুলির আঘাতে যে প্রাণ হারায়

পনেরো আগষ্ট,—উদয় অচলে হ'ল সবে উদীয়ান !

জলে চিতা লেলিহান !

ক্ষয় নাই, গুরে ক্ষয় নাই,—নাই নাই গুরে অবসান !

খাদ যাহা ছিলো, অনলে পুড়ালো

রক্ত আভায় গগন রাঙালো

পনেরো আগষ্ট, বাজিছে শঙ্খ,—উড়িছে জয় নিশান !

(নেপথ্যে চতুর্দিকে শঙ্খধ্বনি)

চিতার জ্যোতি ক্রমশঃ কমিয়া কমিয়া গানের শেষে চিতা নিভিয়া
 ঘাইল। ও চারণ অস্তহিত হইল। ভারতমাতা জাতীয় পতাকা হস্তে
 আবির্ভূতা হইলেন। ভারত মাতার আবির্ভাবের সঙ্গে নেপথ্যে সুরের
 ঝঙ্কার ; অনিল, তপন প্রভৃতি ভারতমাতার আবির্ভাবে সচকিত হইয়া
 উঠিয়া দাঁড়াইয়া সম্বরে 'বন্দে মাতরম্ গান ধরিল)

“বন্দে মাতরম্ !

সুস্বলাং সুফলাং মলয়জ শীতলাম্

শশ্য শ্রামলাং মাতরম্ ।

শুভ্র জ্যোৎস্না পুলকিত ঘামিনীম্

ফুল কুসুমিত ক্রম দল শোভিনীম্

সুহাসিনীং সুমধুর ভাষিনীম্

সুধদাং বরদাং মাতরম্ !

বন্দে মাতরম্ !!”

এই লেখকের আর দুখানি বই

সাগরিকা

প্রবাসী বলেন—“কবিতাগুলিতে অশ্রুভৃতির পরিচয় পাওয়া যায় । অনেকগুলি কবিতা পাঠকের উপভোগ্য হইবে ।”

শনিবারের চিঠি বলেন—“সার্থক কাব্য ; কবি শ্রীসত্যেন্দ্রনাথ নিজে যাহা মানস চক্ষে দেখিয়াছেন, ছন্দ ও ভাষার জ্ঞান বুনিয়াদ পাঠককেও তাহা দেখাইতে পারিয়াছেন ।”

দেশ বলেন—“আমরা কাব্যরসের পরিচয় পাইয়াছি,—ইহা বলিতে পারি,”

আনন্দবাজার বলেন—“কবিতাগুলি সুপাঠ্য ; কবিতায় বেশ আবেগের পরিচয় পাওয়া যায় ।”

প্রবর্তক বলেন—“পুস্তকটি প্রতি কাব্য রসিকেরই সমাদর লাভ করিবে”

বঙ্গলক্ষ্মী বলেন—“অত্যাধুনিক ধাঁচার কবিতা নয় ; অস্তরের দরদ দিয়া লেখা রসপুষ্ট কবিতা ; কবি শক্তিমান ।”

দেশপ্রাণ বলেন—“সাগরিকার মত কাব্যের চাহিদা যে বরাবর থাকবে, এ কথা জোর করে বলা যায় ।”

কবি কুমুদরঞ্জন মল্লিক বলেন—“কাব্যরসিক সমাজে আপনার কবিতার আদর হইবে ।”

মহিলা কবি হেমলতা ঠাকুর বলেন—“আমার দীর্ঘ পরিচিত পুরীর সমুদ্র এসে আমার মনকে ঘিরে ফেলেছে ও তা'র চেউ নেচে নেচে যেন মনকে দোলা দিচ্ছে”

দাম—দুই টাকা

ৰবি-তৰ্পণ

অমৃতবাজার বলেন—“The author excellently fuses intellectual apprehensions with passions and his poems will be enjoyed by readers for grace of thought and style. The three small dramas and the poems deserve high praise. To those celebrating the birth and death anniversaries of Rabindranath, the volume will be highly useful.”

প্ৰবাসী বলেন—“এই স্মৃতি তৰ্পণ পুস্তকখানি পাঠক মহলে সমাদৃত হইবে।”

সঞ্জনীকান্ত দাস বলেন—“প্ৰাণের আবেগ ও আকৃতি কবিতাগুলিতে ফুটিয়া উঠিয়াছে। নাটকগুলিও কবি হৃদয়ের ভাবোচ্ছ্বাসে উদ্বেল।”

দেশ বলেন—“সত্যেন্দ্ৰনাথের কবিত্ব, অনুভূতির বিগাঢ়তা এবং সে অনুভূতির আশ্রয়ে কবি-হৃদয়ের মধুর ধ্যান রসিকতার পরিচয় পাওয়া যায়।”

প্ৰবৰ্ত্তক বলেন—“কবি সত্যেন্দ্ৰনাথের হৃদয়ার্ঘ্য ব্যাধায় করুণ, মমতার স্নিগ্ধ, প্ৰভাত শিশিরের মত অক্ষ বিন্দুতে টেলমল, বড় মৰ্ম্মস্পৰ্শী হইয়াছে। গানগুলি মনে স্বপ্ন-ৰঙীন আলিপনা টানিয়া দেয়।”

দাম—দেড় টাকা।

প্ৰাপ্তিস্থান—ভেনাৰেল প্ৰিন্টাৰ্ছ এণ্ড পাবলিশাৰ্ছ, ১১১ ধৰ্ম্মতলা
ষ্ট্ৰীট ও অন্যান্য প্ৰসিদ্ধ পুস্তকালয়, কলিকাতা।

পনেরো-আগষ্ট বইর অভিনয়

হিন্দুস্থান থ্যাটার বলেন - "The drama pictures a chapter of the Indian freedom movement which culminated in the transfer of power to the Congress on the 15th of August, 1947. The lyrics composed by the author himself lends a special dignity to the drama."

সত্যযুগ বলেন—“পনেরো-আগষ্ট” ভারতের জাতীয় আন্দোলনের পটভূমিকায় রচিত নাটিকা, লেখকের সব চেয়ে বড় কৃতিত্ব যে, তিনি “পনেরো-আগষ্ট” কে অভিনয়ের উপযোগী করে তুলতে পেরেছেন।

আমন্দবাজার বলেন—“স্বাধীনতা আন্দোলনের বীর সৈনিকদের আত্মদানের কাহিনী লইয়া রচিত নাটক। নাটকে বর্ণিত কাহিনী সকলকেই আনন্দ দিবে। নায়ক সমীরের চরিত্র চিত্রণ ভালই হইয়াছে।”

বর্তমান বলেন—“বিপ্লবীদের চরিত্র, জেলখানার কর্মচারী ও কয়েকটি সাধারণ শ্রেণী লোকের চরিত্র লেখক নিপুণভাবে ফুটিয়ে তুলেছেন এতে। সমীর ও সুস্বপ্নাকে নিয়ে নাট্যকার যে রসঘন বস্তুর সৃষ্টি করেছেন, তা অপরূপ হয়ে উঠেছে। নাট্যকারের স্বরচিত কয়েকখানি জাতীয় সঙ্গীত নাটকখানির গৌরব বাড়িয়েছে। কারণ, সঙ্গীতগুলি উচ্চ শ্রেণীর। শুনে মনকে মাতিয়ে দেয়।